



H.I.D. 2.6.

R
2080

2.6.2.11

Theol.

R III 2.553.

II 553.

H
IN IIII
PRIORA CAPITA
Euangelij secundum
Matthæum.

IN SCHOLA VVIT-
tembergensi publice
tractata.

Per Doctorem Ioliannem
Bugenhagium Pome-
ranum.

Nunc primum iussu autoris
excusa, VVittembergæ,
Anno
M. D. XLIII. #

I N M A T T H A E V M .



V A N D O dicendum
est nobis de Euang
elio, in quo iustitia
Dei reuelatur, ne
celle est ut prius
dicamus de Lege &
peccato.

Peccatum originale, de quo scri
ptura loquitur. Scholastici doctores li
cet fateantur, tamen extenuant multis
modis, sed alij aliter. Cinglius autem
cum Pelagianis non solum impie, sed
etiam turpissem negat. Sic cadunt
qui doctrinam iactant & non sunt, ut
Christus ait, docti ad regnum cœlorū.

Principio itaq dicimus, Qui
peccatum, quod originale non ab re
uocamus, non uidet in scriptura, nihil
uidet. Omitto nunc scripturas, quas in
promptu habetis omnes in Locis com
munibus, & in alijs nostrorum & ue
terum libris. Quid clarius eo, quod
Moses de principio creationis omnium
rerum dicit? Vidit Deus cuncta qua
secerat, & erant ualde bona. Si reliqua

A n omnia

PRAEFATIO.

omnia erant ualde bona , certe multo magis homo erat ualde bonus, propter quem omnia alia facta sunt, qui ad imaginem Dei factus, omnium dominus constitutus est: Dominamini inquit piscibus, &c. Et Lucas in genealogia Christi, Adæ originem refert in Deum, faciens haud dubie ipsum Deum Adæ patrem, quādō dicit: Adam fuit Dei. Necesse est igitur Adam fuisse ut corpore pulcherrimū & sanissimū, ita & spiritu sapientissimū & sanctissimū, sine omni peccato immortalem. An hoc potest aliquis negare, qui nouit sacras literas? Nunc autem, nisi plane sis excæcatus , vides ne bonum quidem esse hominem, tantum abest ut sit ualde bonus, qualem uidit eum Deus ubi creauerat. Nam postea non alijs quidem oculis , sed aliud uidit in homine Deus. Hic metuentes Adam & Eva suam uideri turpitudinem, voluerunt abscondi à facie Dei deambulantis in Paradiſo, sed fruſtra. Et de diluuiō ita scribitur, Videns Deus, quod multa malicia

PRAEFATIO:

malicia hominum esset in terra , & cuncta cogitatio cordis intenta esset ad malū omni tempore, pœnituit eum quod hominem fecisset in terra, &c. Igitur Adam sanctissimus, qui diuinā habuit originem, factus est per peccatum, origo pessima totū hominū posteritati. Hic uides peccatum originale, Non enim ex carne peccatrice possunt alij nasci, quam peccatores, natura cæci, ignorantes Dei, querentes sua, legi Dei non subiecti, breuiter sine spiritu Dei, mancipia Satanae.

Deinde & poena siue iudicium Dei, quod ferimus, ostendit originale peccatum , & pessimi fructus carnis nostræ declarant arborem malam, & corruptam nostram naturam ueneno serpentis antiqui. Siquidem nulla poena, nullum periculum, nullus morbus, nulla mors esset hominibus, neq; ulla mala siue peccata essent super terram, nisi illud peccatum originale esset. Nunc quantis morbis, periculis, & alijs malis subiacemus: & circa mors omnia

A ij rapit,

PRAEFATIO.

rapit. Et fructus peccati originalis sunt
cæxitas infidelitas, ignorantia Dei, ne-
gligentia, contemptus & odium uerbi
Dei, &c. Inobedientia, odia, homici-
dia, malæ suspicione, æmulationes,
melancholiae pessimæ, praui affectus,
&c. Intellectus excæcatus est, ratio
peruersa, uoluntas à Deo auersa. Fingi-
mus cultus Dei sine Deiverbo. Prauis
operibus seducimur à uerbo, & à sim-
plicitate fidei, quæ est in Christum,
quemadmodum Euia. Secure uiuimus
et nostram infidelitatem credimus esse
sapientiam & iusticiam, Filium Dei
crucifigimus, & persecutionem filio-
rum Dei iudicamus esse obsequium
Dei. Peccatum non solum facit nos
furiosos uoluntate, sed etiam stultissi-
mos, ut ratione nesciamus quid facia-
mus. Qui hæc uidet in hominibus,
quomodo negare poterit originale
peccatum? Isti iactatores ne homines
quidem se esse meminerunt. Hic liceat
mihi definire peccatum originale esse
ignorantiam & contemptum Dei,
prauosq;

PRAEFATIO.

prauosq; affectus, aduersus legem Dei
in omnibus hominibus carnali propa-
gatione ex Adam procreatîs.

Interim Lex obiter subintrat. da-
ta à Deo per manum Mosi. Hanc Hy-
pocrisis rata remedium esse mortis,
amplius est excæcata, ausaq; est dicere,
Non sum sicut cæteri, &c. Visa vero
Lex non per uelamen, sed aperte, facit
nos cognoscere nostrum peccatum,
infidelitatem, impuritatem, & damna-
tionem, & adigit ad desperationem, si
quidem bona & sancta Lex mihi non
bono, est sententia & iudicium Dei. atq;
adeo ipsa mors, &c. Et sit nunc cogni-
to peccato in conscientia mea supra
modum peccans peccatum & horren-
da desperatio, tantu abest, ut diligam
Deum, quemadmodum lex iubet, &c.

Audiuitis morbum, sed quid
morbum dico? audiuitis hactenus
mortem nostram. Aegroto medicina
quaeritur, de mortuo desperatur. Au-
diamus & nunc Euægeliū. i. medicis
nam & vitam, quæ enim sunt impossi-
bilia

PRAEFATIO.

bilia apud homines, sunt possibilia a^{et} pud Deum. Euangelium est prædictio remissionis peccatorum per Christum. Huic credentes efficiemur reparatione Dei iusti, & simus filii & haereses Dei. Non enim est aliud nomen sub cœlo datus, &c. Nemo venit ad Patrem, nisi per Me. Nemo ascendit, &c. Non est ex lege iusticia, sed per Christum, si credis. Ridiculum est qd' qui negant peccatum originale esse peccatum quod damnet, volunt interim nobiscum docere, quod sola fide per solum Christum iustificamur. Verba interim audio, rem non intelligunt, idq; vel ex uno Pauli loco, Ro. v. uidere possent. Cum de iusticia quaæ est per Christum, disputatur, & de viribus & operibus nostris. Primum consulamus verbum Dei, & credamus filium Dei pro nobis iustificantem traditum. Deinde adhibeamus etiam in consilium nostram experientiam, & cogitemus non quemadmodum nunc forte sumus affecti, non territi iudicio Dei. Sed quemadmodum consultum

PRAEFATIO.

sultum credimus nobis in terroribus & ueris conscientiæ pauoribus, & quando nobis moriendum est, ita demum recte iudicabimus de fide & operibus, & recte alios docebimus. Verum hic me contineo a pluribus verbis, quando in toto Matthæo nihil aliud docebimus, quam quod ipse scribit, nempe salutem & vitam æternam per Iesum Christum dominum nostrum.

Non commendo Matthæum, satis commendatus est. Ipse se commendat, non solum libro, sed etiam hoc titulo, ut infra dicemus.

ARGUMENTVM.

Matthæus primum scribit Christum filium Dei, in Lege & Prophetis promissum, in carnem nostram & Iudeis & gentibus venisse, nempe eum, qui saluum facit populum suum a peccatis ipsorum, ex virgine & carne Dauidis secundum promissiones Dei natum. Mox a tertio capite,

A v quod

ENARRATIO IN I.

quod ei cum alijs Euangelistis cōmūne est , à prædicatione Iohannis incipiens, exhibit nobis Christum, & doctrinam Euangelij, & admirandis operibus sese filium Dei, in carne nostra declarantem. Tandem uero hunc Deum & hominem producit nobis in crucifixum Sacerdotem, & unicum salutis nostræ sacrificium , & ex mortuis resurgentem Regem æternum, atq; in dextera patris Sacerdotem & medium perpetuum . Hoc autem,nempe sic describere Christum, esse verum Euangelium, afflictæ conscientiae non negabunt.

LIBER Generationis, &c



A T T H A E V S
titulo siue inscriptio-
ne Libri exorditur
suum Euangelium,
quemadmodum &
Esaias & Icremias, &
plaritq; alij Prophetæ
suos

CAPVT MATTH.

fios libros, & Salomon sua prouerbia,
& Iohannes suam illam Apocalypsin.

Atq; hic titulus non ad priorem
huius libri partem solum spectat , vt
quidam putant , sed ad totum librum,
quemadmodum manifeste Matthæus
dicit,Liber generationis &c. Nam hoc
titulo commendat nobis, vel maxime
suum totum librum, & quasi argumen-
tum proponit, quod ante diximus. Si-
quidem hoc vult dicere , Adsit totus
mundus, videat legat, gaudeat, bona
noua scribo, lætum nuncium, quod est
Euangelium,adfero. Hic liber meus,
est liber generationis Iesu Christi. Qui
in Lcge & Prophetis promissus est, &
iamdudum expectatus saluator, & qui
omnia instaurabit , Hunc in hoc meo
libro scribo generatum , incarnatum,
in mundum uenisse, & in carne nostra
verbis & operibus , & ipsa à mortuis
resurrectione sese filii Dei declarasse,
in salutem omnium,qui ipsum per si-
dem suscipiunt .

Hic merito & mandato Dei uoca-

ENARRATIO IN I.

tur Iesus, id est saluator, Nam salutem faciet populum suum, id est, credentes a peccatis ipsorum. Hic est Christus sicut ille Melsias, id est, vngesus, quem Daniel uocat Sanctum Sanctorum, cap. ix. In quo cessat omnis illa vngesio legis & regia & sacerdotalis, atque adeo tota lex, ut Iohannes Baptista ait, Lex per Mosen data est, Gratia autem & veritas per Iesum Christum facta est. Nam in lege ex mandato & institutio-
ne Dei sacerdotes & reges vngeban-
tur, vnde & reges saepe legis Christos appellari. Hic autem a Deo patre vnges-
tis, ut in Psalmis scribitur: Dilexisti iustitiam, & odisti iniquitatem, Prop-
terea vnxit te Deus, Deus tuus, oleo laeticia, praे confortibus tuis. Vngesus autem est spiritu sancto in regem æ-
ternum, de quo regno dicit Deus: Sede a dextris meis, Donec &c. Præterea in sacerdotem æternum, de quo sacerdo-
tio non solum dicit vel promittit Deus, sed etiam iurat: Tu es sacerdos in æter-
num, secundum ordinem Melchizedec.

Rex

CAPVT MATTH.

Rex constituit nos in regnum suum æternum & defendit fidèles contra legem, peccatum, diabolum, inferos. Sacerdos uero in dextera patris, unico suo sacrificio pro peccatis oblato interpellat pro nobis, ut Ro. viij. & i. Ioh. ii. dicitur, & perpetuo nos peccatores patri reconciliat, ne malis conscientijs adigamur ad desperationem salutis. Nec sacerdotis officium est solum sa- crificare, sed etiam docere uerba & co- gnitionem Dci. Hoc & Christus facit docendo Euangeliū foris ministerio prædicatorum, intus consolatione pa- racleti, quem ipse emeruit nobis.

Quis non uidet nobis, modo crea-
damus, certissimam spem propositam
in hoc æterno Christi regno & æterno
sacerdotio? Nam sicut in hoc filio Dei
generato sive incarnato sumus & ipsi
filii Dei, sic & in hoc rege & sacerdote.
Reges & Sacerdotes, & ut Petrus ait,
genus electum, regale sacerdotium,
gens sancta, populus qui in lucrum ac-
cessit, ut prædicemus virtutes eius, qui
de te

ENARRATIO IN I.

de tenebris nos vocauit in admirabile lumen suum, ut qui nunc in Christo sumus superiores mundo, peccato, Sathan & morte.

Vides itaq; quam magnificis promissionibus in hoc titulo Matthæus nobis suum librum commendet, cum dicit, Liber generationis Iesu Christi.

Necessario vero addit, Filij David, qui David filius est Abraæ. Filios scriptura solet uocare nepotes & posteros, ut manifeste hic uides, Atq; per hoc respicit Matthæus in promissiones Abraæ & Dauidi de Christo factas. Nisi enim hic Iesus esset filius Dauidis secundum carnem, non posset esse Christus, qui à Deo promissus est, Ro. i. &c. Hoc uero, nempe eum esse filium Dauidis, statim initio sui libri, vt sequitur, ordine genealogiæ declarat.

Colligamus nunc ex verbis Matthæi, in hoc titulo positis, certissima argumenta, quod necesse est hunc Iesum esse verum Deum & verum hominem,

CAPVT MATTH.

minem, oportuisse ex virginе nasci, mori & resurgere, ut adhuc apertius videas quam hic titulus ad totum librum Matthæi pertineat. Hæc interim nos ædificant, dum occupantur alij vanis quæstionibus.

Nam si generatus est filius Abraæ & Dauidis, necesse est uerum esse hoc minem. Si Iesus est, id est, saluator, & talis saluator, qui saluet populū suū a peccatis suis, ut infra angelus exponit, necesse est, esse ipsum uerum Deum, quia solus Deus remittit peccata. Est igitur hic Iesus uerus homo, & uerus Deus. Porrò si hæc uera sunt, necesse est eum fieri hominem non carnali modo. Carnali autem modo fiunt, qui concipiuntur & nascuntur in peccato. Quomodo hic peccatum tolleret, si peccato ipse esset obnoxius? Aut quomodo quū Deus est & summa iustitia, peccator esse posset? Praestitit ergo Deus huius generationem de spiritu sancto ex virginе, vt sicut Adam à Deo præcer naturam factus est sine peccato, ita & hic

ENARRATIO IN I.

& hic homo Christus a Deo fieret praeter naturam sine peccato. Sed primus homo de terra terrenus factus est. Secundus homo de celo cœlestis. Item si verus homo est ex Adam, ex Abraham, ex David, necesse est eum quandoque mori. Si moritur, quomodo vincit peccatum & mortem nostram, qui ipse uidetur succumbere? Necesse est ergo eum resurgere, ut sit vîctor peccati & mortis, id est, uerc Iesus. Idem habes in eodem q̄ hic Iesus est Christus, id est, ille unctus siue Messias in lege & Prophetis promissus, ex Abraham benedictus, id est, aeternus sacerdos, per quem benedicenda essent cunctæ cognationes terræ. Et ex David rex aeternus, qui habeat in potestate sua omnia, etiam inimicos scabellum pedum cum nouissimo inimico morte. Non esset autem talis, si ipse maledictioni succubens in morte maneret. Necesse erat ergo eum ut mori propter nos, ita & resurgere. Ut nunc non dicam, quod hæc omnia quæ dixi, prædicta

CAPVT MATTH.

dicta erant de Messia. Si igitur hic est Christus, necesse est omnia hæc in eo esse uera.

DE GENEALOGIA

Christi.

IN genealogia Christi, quam varie scribunt Matthæus & Lucas ex David, ille per Salomonem, hic per Nathan Salomonis fratrem, hoc præcipuum est, & hoc solum respiciendū, quod Christus ex Davide natus est secundum carnem. Nam hoc solum uolunt indicare Euangelistæ, & hoc videbat Matthæus sibi probandum aut confirmandum esse, postquam dixerat, Iesum Christum filium Davidis, qui David filius est Abraæ, ut certo sciamus, hunc esse saluatorem nostrum, qui a Deo nobis per Prophetas promissus est. Siquidem verus Christus esse non potest, qui non sit filius Davidis.

Nam post illam salutis nostræ promissionem de semine mulieris, Gene. iij. qua in nullam certam progeniem potuit respici, & post illam de

B semine

ENARRATIO IN I.

Semine Abrae, Gene. xxij. qua certior progenies exprimebatur, vnde neglecto reliquo mundo expectaretur Christus, & post illam, qua neglecto Ismaele, & alijs Abrae filiis, non ex libera matre natu dictum est in Isaac, uocabitur tibi semen, Gen. xxi. Et post illam qua adhuc certius tribus Iuda significabatur nobis Christum datura, Gen. xl ix. tandem quia latius etiam interim videbatur patere successio tribus Iude, Deus ipsam domum & familiam Dauidis declarabat esse vnde esset expectanda salus totius mundi, i. Regum viij. &c.

Hanc promissionem Dauidi factam saepe repetunt Prophetae, quemadmodum Paulus Roma. i. dicit. Qui factus est ei ex semine Dauid secundum carnem, quemadmodum promiserat in scripturis sanctis per Prophetas. Primum Dauid ipse in Psalmis multa canit de Christo, quae nota sunt, cum sciret ex lumbis suis oriturum eum, ut Petrus ait, Acto. ij. Deinde Esaias cap.

vij. ait,

CAPVT MATTH.

vii. ait, Audite ergo domus Dauid. Ecce virgo, &c. & cap. ix. Super solium Dauid, &c. & lv. Et seriam vobiscum pactum sempiternum, misericordias Dauid fideles, &c. q. d. Non opus erit dicere ad Deum, Memento Abrae, Isaac & Iacob, quibus promisisti dare terram lacte & inesse manantem, sed dicetis, Memento domine Dauid, &c. Iurauit dominus Dauid veritatem & non frustrabitur eum, De fructu uenistris tui ponam super sedem tuam. Hoc est, Admonebitis Deum & gaudebitis de promissione Dauidi facta. Sic & Iere. capite xxij. & xxxij. Suscitabo Dauid germen iustum &c. Ezechiel quoq; cap. xxxiiij. sic ait, Suscitabo super pecora mea pastorem unum, qui pascat ea, seruum meum Dauid, Ego autem Dominus ero eis in Deum, & seruus meus Dauid, Princeps in medio eorum. Non enim de Dauidis persona loquitur, Ille enim erat iamdudum hac vita defunctus, sed de filio Dauidis, Domino nostro Iesu Christo, per

B ij quicm

ENARRATIO IN I.

quem ipse Deus Pater est noster. Sic Christus non solum filius Dauidis, sed etiam Dauid nonnunq; in Prophetis appellatur, quemadmodū & Osee in. vbi dicitur, Et post hæc reuertentur filij Israel, & quærerent Dominum Deum suum, & Dauid Regem suum, & paue bunt ad Dominum, & ad bonum eius in nouissimo dierum.

Verum in ista de Christo promissione Dauidi facta, constitit Deus, nec unquam postea per suos Prophetas expressit, ex quo filio Dauidis ueniret Christus, cum plures haberet filios ex pluribus vxoribus, Ideo tunc propter Messiam ex Dauid promissum diligenterissime Iudei conscriptas omnium filiorum Dauid generationes affruebant in templi archiuis. Habebant etiā apud se eas alij, maxime qui sese agnoscabant esse ex posteritate Dauidis, ut scribit Eusebius ex Aphricano ueteri scriptore in Eccle. hist. li. i. cap. vi. ut certo scirent unde expectarent Messiam.

Ex his

CAPVT MATTH.

Bx his potuerunt Matthæus & Lucas illo tempore genealogiā Christi conscribere, sed hic per Nathan ille per Salomonem descendit ad Joseph virū Mariæ. Hic secundum naturam, ille secundū legem; uterq; tamen ex carne Dauidis, & nō aliunde contexens genealogiam. Nam ridiculum est, quod Lyranus debilitate argumento ex Proverb. iij. motus Nathan in Luca facit illum Prophetam Dauidis, qui sit à Dauid adoptatus in filium, per quem venerit ex Dauid Christus, id quod est contra omnem scripturam. Nam adoptio non est carnis, sed voluntatis. Scriptura autem dicit, Qui factus est ei ex semine Dauid, secundū carnem, Ro. i. &c. Et i. Para. iij. Nathan scribitur filius Dauid, frater Salomonis. Cur relictis ueris, fabulas excogitamus, & in errores & blasphemias incidimus?

Miraris qui vtrumq; verum sit q; Joseph est ex Salomone secundum Matthæum per legem, & ex Nathan secundū Lucam, per naturam, & tame

B iij ex

ENARRATIO IN I.

ex carne Dauidis, siue per hunc, siue per illum. Respondeo. Apud nos mis-
rum est, sed apud Iudeos fuerunt haec
& similia bene cognita & vulgata, idq;
hoc pacto. Deus dederat eis hanc lege,
vt scribitur Deute. xxv. Quando ha-
bitauerint fratres; simul, & unus eorum
moritur absq; liberis, non nubet vxor
defuncti foris viro extraneo, sed frater
eius ingrediatur ad eam, ducatq; eam
in vxorem, & affinitatem contrahat
cum ea. Et primogenitus quem illa
pepererit, succedet in nomen fratris
eius defuncti, vt non deleatur nomen
eius ex Isracl, &c.

De hac lege Aphricanus, cuius
mentionem ante fecimus, vt est in Eu-
sebio, cum scribit de genealogijs, quæ à
Matthæo & Luca diuerse referuntur,
sic dicit, Apud gentem Israel genera-
tionum nomina, nunc secundum na-
turæ, nunc etiam secundum legis ordi-
nem numerantur. Naturæ quidem
succesiones habentur, quæ ex seminis
vel sanguinis veritate descendunt, legis
autem,

CAPVT MATTH.

autem, cum quis filius alio generante
substituitur sub nomine fratris defun-
cti sine liberis. Cum enim resurrectio-
nis spes inter eos necdum fuisset accep-
ta, per hec resurrectionis quandam in-
uitabantur imagine, uti ne nomen ge-
neris, vitio sterilitatis aboleretur. Cū
ergo huiusmodi apud eos generatio-
num ordines seruarentur, vt quidam
ex substitutione ab alijs generati alijs
filij legis beneficio, deputarentur, à sin-
gulis Euangelistarum vtriusq; modi
commemorata successio est, id est, vt
alter eorum eum qui genuisset, alter
vero eum, qui quasi genuisse videre-
tur, exponeret. Et ita fit, vt neutrum
Euangelium mentiatur, dum aliud na-
turæ ordinem, aliud vero legis exequi-
tur regulam. Coniunctum namq; sibi
inuicem est genus, & illud quod per
Salomonem, & illud quod per Nathan
deducitur per legales substitutiones,
quæ siebant ijs qui sine liberis decede-
bant, & per secundas nihilo minus
nuptias, quibus unus atq; idem alijs

B iiiij

parentibus

ENARRATIO IN I.

parentibus progenitus aliorum esse
filius videbatur. Et ita fit, vt utraq; na-
ratio generationum vsq; ad Ioseph
uerissimis lineis deducatur, diuerso
quidem, sed satis explorato ordine de-
signata

Hæc ille Aphricanus legem Deu-
teronomij exponens, rectissime dicit,
nisi quis uelit calumniari quod de filio
legis dicit, Filius videbatur. Nam non
videbatur, sed vere erat defuncti filius,
vt cunq; nō natura, tantum verbo Dei
instituentis. Verbum enim Dei natu-
ra potentius est.

Verum postq; hæc dixit Aphrica-
nus, adiecit horum applicationem ad
genealogias à Matthæo & Luca de-
scriptas, & in ea applicatione quadam
sunt manifesta errata, quæ relinquo
Lectori iudicanda.

Hæc lex Deuteronomij, vt quedā
aliae, anteç; scriberetur, seruata est à
Patriarchis, vt notum est ex Genesi de
filii Iudæ, & postea latissime extensa
est, non solum ad genuinos fratres, sed
etiam

CAPVT MATTH.

etiam ad alios consanguineos & affi-
nes, vt uides in Historia Ruth.

Sæpe igitur non solum semel &
iterum potuit per tot annorum curri-
cula, accidere successio legalis, in istis
duabus familij Nathan & Salomonis,
vsq; ad Ioseph, cum & constet natura-
lem posteritatem Salomonis in Ocho-
zia defecisse, quæ restituta est legali
successione ex Nathan. Quando uero
& quoties ista interim acciderint, non
pollimus nunc certo dicere, nisi quan-
tum ex Philone licet. Tunc autem quan-
do Euangelistæ scribebant, certo po-
tuerunt ista indicari,

Præter hæc lege, quæ diligentissi-
me annotauit Erasmus in Lucæ tertiu
caput. Nobis quod à principio admo-
nui, satis est scire q; Christus saluator
aduenerit ex Dauid secundū Dei pro-
missionem & oracula Prophetarum.

De Iesu salvatore nostro, quan-
do agebat in terris certissimum & no-
tissimum erat, vel aduersarijs, q; natus
esset ex progenie Dauidis. Nam &

B v vulga

ENARRATIO IN I.

vulgus acclamabat ei , Osanna filio
Dauid,& cæci,Iesu fili Dauid, misere-
re nostri,Imo & gentilis foemina, Iesu
(inquit) fili Dauid , miserere mei, filia
mea male vexatur a daemonio . Et
Scribae & Pharisæi doctissimi Christi
aduersarij, cum calumniaretur omnia
& vndiq; conquerirerent testimonia
vnde probarent cum non posse esse
Christum,non audebant asserere eum
non esse ex Dauide, Nam eum esse ex
Dauide, erat notissimum, & metuebant
ne impudenter mendaces argueren-
tur ab omnibus.

Tantum calumniabantur haec &
similia. Hic homo non est a Deo, qui
sabbatum non custodit . Item quod
grauissimum erat,in quo tamen falle-
bantur. Hic non venit ex Bethleem,
ut prædictum Micheas, ergo non potest
esse Christus. Hic venit ex Nazareth,
vnde non est nobis prædictum quod
venturus sit Christus , Ergo hic non
potest esse Christus. Siquidem igno-
rabant aut scire nolebant , eum esse
patum

CAPVT MATTH.

natum in Bethleem, propter quod oce-
ciderat Herodes pueros ibidem ante
triginta annos. Historia hæc quomo-
do potuit eis esse ignota ? vt alia ta-
ceam. In Nazareth vero tantum esse
educatum. Quod autem Ioh. viij. di-
cunt quidam , Nonne scripture dicit,
quod ex semine Dauid, & de Bethle-
em castello , vbi erat Dauid , venit
Christus ? de solo castello Bethleem
quaestio est, non de eo, num sit Iesus
ex genere Dauidis, quasi dicant , Esto
ex Dauid sit,tamen non venit ex Betha-
leem, sed ex Nazareth. Nam sic scri-
bit Iohannes. Alij dicebant , Hic est
vere Propheta. Alij,Hic est Christus.
Quidam autem dicebant , Nunquid a
Galilea venit Christus ? Nonne scrip-
tura dicit , quod ex semine Dauid, &
de Bethleem castello , vbi erat Da-
uid,venit Christus. Dissensio itaq;
facta est in turba propter eum .
Hoc argumentum contra Christum
mordicus arripiunt Pontifices &
Pharisei,

ENARRATIO IN I.

Pharisæi, vt valde plausibile, & paulo post indignati obijciunt Nicodemo. Nunquid inquiunt, Et tu Galileus es? Scrutare scripturas, & vide q̄ à Galilea Propheta non surget. Contra Nicodemum doctissimū & Magistrum in Israel, aliud isti calumniatores obijcere non audebant.

Habes igitur Christum filiū esse Dauidis, quod Matthæus & Lucas suis genealogijs indicare voluerunt. Inutiles quæstiones relinquamus ihs, qui principale hic negotium non curant. Matthæus ab Abraham ad Dauid & à Dauid ad Christum per patres descendit, quia hoc negotium suscepérat cum dixit, Iesu Christi filij Dauid, filij Abraæ, nimirum respiciens in promissiones Abraæ, & Dauidi factas, de salute mundi, quæ in Christo sunt Amen. Lucas vero altius repetens à Christo regreditur siue ascēdit per Patres usq; in ipsum Deum, quem facit Adæ patrem, vt ostēdat, quod antea diximus, Adam optima origine uenisse, factum vero

CAPVT MATTH.

vero per inobedientiam, & per peccatum pessimum originem toti hominū posteritati, & simul declarat non nisi per Christum redire nos ad Deum, vnde per peccatum proiecti sumus in nostri damnationem.

Sed cur Matthæus & Lucas in Ioseph deducunt ex Abraham & Dauid generationis seriem, cum tamen Ioseph non pertineat ad Christi generationem, quemadmodum & hi Euangelistæ clare scribunt Christum ex virginie natum. Respondet Eusebius in loco citato. Hoc modo in Ioseph, patrū generatione deducta, dubitari iam non potest de Maria, quin eiusdem generis atq; eiusdem tribus extiterit. Siquidē secundum legem Moysi non licebat in diuersas tribus nuptias permisceri. Sed vni ex eodem populo atq; ex eadē familia innupta præcipitur copulari, vt ne permixtione coniugij, etiam sors hæreditatis deducatur in dubium, & de alia tribu contra fas ad aliam transferatur. Ita etiam responderet Hieronimus,

ENARRATIO IN I.

mus, respondet & Ambrosius, & in
hac sententia sunt ferē omnes quotq[ue]
viderim. Hieronymus & hoc addit,
Non esse consuetudinis scripturarum
vt mulierum in generationibus ordo
texatur. Item, quia simul censentur in
Bethleem, vt de vna videlicet stirpe
generati. Ambro. super Luca sic ait,
In Ioseph origine etiā est origo Marie.
Nam cū vir iustus fuerit Ioseph, vt iqu[is]
ex tribu sua & ex patria sua accepit
vxorem. Nec potuit iustus facere
contra id quod lege præscriptum est.
Lege Nu. xxxvi.

Vt cunq[ue] hæc simplicissime dicta
aliquis calumnietur, tamen videntur
idem Euangelistæ dicere. Nam ange-
lus infra dicit, Ioseph fili Dauid. Et in
Luca dicitur, Cui nomen erat Ioseph,
de domo Dauid. Quod cur dicerent,
& scriberent tanto studio, si nihil hoc
ad linea Christi pertinere iudicarent?
Nam vterq[ue] separarat Ioseph a Christi
secundū carnem natuitate, Siquidem
virginem matrē describunt, & Lucas
cap. iii.

CAPVT MATTH.

cap. iii. dicit, vt Iesu putabatur filius
Ioseph. Secundū legem quidē Ioseph
pater Iesu dicit potuit, quia secundum
legem coniunx erat matris Iesu, quem
admodum secundū legem vera vxor
est, licet virgo sit quæ despontata est,
vt uidet in Lege Deut. xxij. de uiolata
alterius sponsa, secundum quem mo-
dum Lucas cap. iiij. dicere potuit. Cum
inducerent puerum Iesum parentes
eius in templum. Et ipsa mater ad Ies-
sum. Pater tuus & ego, dolentes quæ-
rebamus te. Secundum naturam au-
tem Ioseph pater Iesu esse non potest,
quia mater ex spiritu sancto concipit,
& virgo parit. Quemadmodum
Christus matri & Ioseph, non de Ios-
eph, sed alio & vero patre respondet.
Quid est inquit q[uo]d me quarebatis Ne-
sciebatis q[uo]d in his quæ patris mei sunt
oportet me esse.

Præterea duobus Euangelistis nō
satis est postendunt genus Ioseph, qui
putabatur pater, sed etiam manifeste
indicant genus Marie ex Dauid. Nam
Matthæus

ENARRATIO IN I.

Matthæus citat ex Esata, Ecce virgo concipiet &c. Hoc vero signū, vt est in Esata, Datur domui Dauid. Ergo hæc virgo est ex domo Dauid. Et in Luca Gabriel dicit ad Mariam de filio Christo, Dabit illi dominus Deus sedem Dauid patris eius. Quomodo Christ⁹ est filius Dauid, si non eius mater ex Dauid est, quæ virgo Christum peperit sine viro?

Hæc diligentius diximus. Iam videamus ipsa Matthæi uerba, & seriē generationis quam describit.

De genealogia Christi in Matthæo & Luca, lege alteram partem SchemHamphoras Lutheri.

Tres tesseradecades recenset Matthæus in hac genealogia. Primus ordo ab Abraam est Patrum sive Patriarcharum. Secundus à Dauid, est Regum. Tertius post Babyloniam captiuitate, est iam obscuratae familiae Dauidis, & pœnæ extinctæ inter Iudeos regiæ dignitatis. Nam Christus erat Patribus promissus ante legem.

Dauidi

CAPVT MATTH.

Dauidi autem promissus erat Rex, & tum venturus cum regia familiâ pene extincta esset. Quemadmodū Esa. xi. prædictitur. Egredietur virga de radice Iesse, &c. Hæc eleganter Ambrosius in Lucam sic dixit, Euāgelista per hoc vices mutationum designauit. Ab Abraam enim usq; ad Dauid sine Regibus fuit populus Iudæorum. Regnum enim iustum à Dauid cœpit. Deinde per Reges actum genus omnne est Iudæorum, & intemerata usq; ad transmigrationem eorū regna permanserunt. Post transmigrationem vero in occasum degenerantis populi nobilitas circumcisā vergebatur.

Tertia tesseradecas non est plena etiam computato Christo nisi repetas Iechoniam. Historia enim habet duos fuisse Iechonias, alterū patrem, qui & Ioakim appellatur, alterū filium, qui & Ioachin dicitur. Id quod Hieronymus sic dicit. Sciamus Iechoniam priorem, ipsum esse quem & Ioakim. Secundū autem filium nō patrem quorū prior C per

ENARRATIO IN I.

per k & m, sequens per ch & n scribi-
tur, quod scriptorū vitio in longitudi-
ne temporum apud græcos, latīnosq;
confusum est, alioqui non habes plena
hanc tesseradecaden.

Quæris quare tesseradecades
posuerit? Respondeo simplicissime.
Matthæus sciebat tales Catalogos ob-
noxios esse faciliiori corruptioni per il-
los qui addere solent, & quasi priorum
scripta emendare. Iccirco tres istos
ordines isto numero posuit. Quasi di-
ceret, Quisquis legerit meum librum,
se se intra istum numerū mecum con-
tineat, ne si velit aliquis sciolus addere
quasi aliquid ex Historia emendatu-
rus corrumpat totam seriem meæ ge-
nealogiæ & Historiæ veritatem, quem
admodū depravatores sœpe fiunt qui
se se iactant emendatores. Exempli
gratia Omnes scimus ex Historia Re-
gum & Paral. inter Ioram & Osiam
hic in Matthæo tres Reges omissos,
nempe Ochoziam, Ioam & Amasiam.
Nemo tamen ausus fuit hactenus hos

Matthæo

CAPVT MATTH.

Matthæo insercre, non soli q; in sacris
literis hoc audere non debemus, sed
etiam q; hoc manifeste Matthæus pro-
hibuit, cum tres tesseradecades testa-
tur tantum se scripsisse. Et tamen ferè
omnes iudicarunt veritati nihil dece-
dere ex Historia, si isti tres insereretur.
Ego autem, si vera sunt, vt vera esse
credo, quæ scribuntur, q; posteritas
Salomonis defecit in Ochozia Rege
Iuda, dico veritati obesse, si quis illos
tres hic insereret, qua de re postea clas-
sius dicam.

Constat tamen hic in prima tesse-
radecade quosdam a Matthæo omissos
inter Ioram & Osiam siue ex carne
Salomonis, siue ex carne Nathan aut
successione aliqua legali, & in tertia
decade plures omissos nō est dubium.
Neq; tamen falsum est q; dicit Mat-
thæus auum vel proauum genuisse ne
potem, aut aliquem ex posteris, sicut
neq; falsum est q; Christum Abraæ &
Dauidis filium dixit, inter quos plures
longo ordine intercedunt. Nam scri-

C p
ptura

ENARRATIO IN I.

ptura maiores omnes vocat patres & omnes eiusdem tribus posteros secundum carnem vocat filios, & a maioribus siue Patriarchis genitos, sicut & omnes consanguineos vocat fratres, quemadmodum in Evangelio fratres Iesu legis secundum carnem & genus.

Ais. Si quidam sunt omisi a Matthæo, ut constat, ergo falsum est quod dicit esse tantum quadraginta duas generationes ab Abraham usq; ad Christum. Respondeo, Non dicit Matthæus tantum esse quadraginta duas generationes, si quis singulorum successiones recensere voluerit. Sunt enim plures, sed in suum scriptum respicit, præcauens, ut dixi, ne quis deprauerit hic aliquid suis additionibus, q. d. In genealogia quam ego iam recensui, sunt tres tesseradecades. His nolo aliquid sub nomine meo addi vel demi, ne multitudo pariat confusionem. Vt cunq; plures generationes possint recensiari, in mea tamen descriptione sunt tantum tres tesseradecades, per quas

CAPVT MATTH.

Quas ab Abraam ceu filo ductus recto ordine successionum peruenire possis eò, vbi in domo Dauid datur a Deo hoc signum. Ecce virgo concipiet &c.

Rursum hic queritur, cum Matthæus dicit. Ioram autem genuit Osiam, cur tres in medio Reges omiserit. Nam constat qd Ioram genuit Ochoziam, Ochozias, vt habet speciem ex sacris literis, genuit Ioam, Ioas Amasiam. Amasias Azariam, qui & Osias dicitur. Respondeo, quando Matthæus, quemadmodum ante dixi, voluit tres ordines aut tres temporum status ponere in Christi genealogia, & in singularis tantum quatuordecim, necesse erat hic quosdam omittere, & liberum ei erat omittere quos vellet, modo recta linea & cursu foeliciter pergeret quo tendebat. Hieronymus tamen putat certam causam esse, quare istos & non alios omittat, qd Ioram generi se miscuerat imp̄issime Iezabd. Iccirco eius memoriam tolli usq; ad tertiam generationem, ne in sanctæ nativitatis ordine poneretur.

C iq

ENARRATIO IN I.

Verum contra hoc Hieronymi dictum Erasmus non incommodè sic obiicit. Illud (inquit) expendat diligens Lector qui conueniat, hic Euangelista offendit fuisse quorundam impietate cum ante fœminas posuerit sedere nobiles. Possem hic ego pro Hieronymo dicere longe differre peccatores, qui resipiscunt & ad Deum conuertuntur ab illis peccatoribus, qui in sua perire malunt impietate. Et certe quam ex mulieribus istis velles comparare impissime Iezabeli? Thamar tantum querit posteritatem, nec postea scortatur. Rahab gentilis meretrix conuertitur ad Deum Israel, Ruth ex gentib. ad populū Israel conuersa, honestissima foemina est. Bathsaba licet primū polluta adulterio Dauidis, tamen postea regina sancta Salomois fit mater.

Sed rursum dices contra Hieronymum. Si Matthæus propter impietatem istos tres Reges non posuit, cur non & alios impios Reges postea omisit? Et ita quæstionum inutilium non

CAPVT MATTH.

non erit finis. Genus ex Dauide secundum carnem hic queritur de sanctitate aut impietate hominum hic nulla quæstio est. Quid ergo attinet hic impertinentibus torqueri? Simplicissimum & ad rem pertinens est q̄ supra ad hanc Matthæi omissionē respondi.

Aduerte quam horrende perierit posteritas Salomonis sapientissimi & tam gloriose à Deo exaltati propterea q̄ à verbo dei ad idolatriam, summā stultitiam defecerat, quemadmodū ei Dauid prædixerat, i. Para. xxvij. his verbis. Tu Salomon, fili misericordi Dei patris tui, & serui ei corde pfecto & aō voluntario. Oia em corda scrutatur Dominus, & vniuersas metū cogitationes telligit. Si q̄sieris eū, iuenies. Si autē reliqueris eum, projicit te in eternū.

Vtinam hoc exemplum maximū Regis, & à Deo valde honorati uidere possent, & timere Dei iudicij, qui hodie idolatrias Papistarum tuentur contra reuelatam nunc & agnitam veritatem. Siquidem impius Ioram rex Iuda

C. iiiij occidit

ENARRATIO IN I.

occidit omnes fratres suos gladio, & quosdam de Principibus Iuda. n. Para. xxi. Elias autem filius Ochozias, post eum regnat anno uno & occiditur a Iehu Rege Israel, quin & Principes Iuda & filii fratribus Ochoziae, qui ministrabant ei, occiduntur, ij. Paral. xxij. Hic impius eius mater Athalia videntis filium occisum, interficit omne semen Regium, iiii. Reg. xi. id est, omnes quos metuebat successuros in regnum, & ut in Para. dicitur, omnem stirpem Regiam domus Ioram, & occupauit regnum sex annis. Atque hic defecit posteritas & linea sanguinis Salomonis. Nam tradunt Hebrei Ochoziam non habuisse filium, & Ioam puellum furto Iosabae seruatum qui succedit in regnum, non eius naturalem filium fuisse, sed successisse ex sanguine Nathan fratri Salomonis in lineam & posteritatem Salomonis ex aliqua uxore alicuius ex occisis praedictis, aut forte ex aliqua Regina uxore Ioram, sine liberis relicta, secundum legem

Deuteronomio

CAPVT MATTH.

Deuteronomij supra citatam.

At ait, Sacrae litterae dicunt hunc esse filium Ochoziae. Verum est. Sed illi dicunt filium vocari, qd ei successio regni debebatur cum Ochozias ipse illum non genuisset. Neque dicit scriptura qd Ochozias hunc genuerit, forte dicere non ausa, quando more scripturarum etiam alia ratione filius dici potuerit. Haec sunt verisimilia alioqui cur Athalia occidisset semen Regium, si habebat nepotem per quem ipsa regnare potuisset, & sperare quodvisura esset filiorum.

Haec si vera sunt, ut vera esse credo, quemadmodum & semper assertum & traditum est ab Hebreis scriptoribus. in Ochozia posteritatem Salomonis defecisse. Vides qua ratione Lucas Salomonem in linea Christi ponere non fuerit, sed Nathan, ex cuius sanguine linea Salomonis regia per legem servata est, quam Matthaeus describit. Vides etiam, si ista vera sunt, quomodo non potuerit Matthaeus hic dicere.

C v Ochozias

ENARRATIO IN I.

Ochozias autem genuit Ioam. Huc forte respexit quando hic aliquot Res ges ex sanguine Salomonis omisit, vt non opus esset hic stultis & inutilibus quæstionibus, quereris aliquid omis sum, sed si hoc adderes, plus forte cor rumperes scripturam quam emenda res, id quod supra admonui.

Non frustra ergo hic ipse Mathæ us suis tesseradecadibus has additionia bes prohibuit.

Verum vt horum habeas testimoni um, ex quo ista quæ dixi cognoscas non pridem esse nata, non grauabor huc adscribere verba clarissimi Philo nis Iudæi. Sic enim ait de Dauid & po steritate eius.

Orta lite inter filios Dauid, quos ex Bersabæ genuerat, quis regno præ cederet. Dauid edicto statuit à iunioribus inchoari, & vt alter alteri suc ce deret, ubi posteritas naturalis deficeret. Itaq; à Salomone minimo ceptum est, & à Nathan illi natu proximiore filio dicto. Ahiasar & Mathath & posteris

CAPVT MATTH.

posterioris eius Ahiasarim atq; Mathathim, Ahiasar vel Achiasar. Ach est frater. Sar princeps. Ahiasarim fratres principis qui ad successionem re gni pertinebant. Mathat i.e. donum. Mathathim donati, id est, vt omnes dis cerentur & essent fratres Principis & donati tempore ad succedendum. Hinc usq; ad Iosaphat & Ochoziam posteritas Nathan semper dicta est Ahiasarim. Nam quos occidit Ioram posteros Nathan, quos pater in tribu Iuda præter decretum honorauerat, filij Iosaphat, fratres Ioram dicti sunt. Similiter infantes eorum, quos Ioram liberos quidem, sed reditu vacuos in tribu Iuda reliquerat, dicti sunt fratres & filij Ochoziæ, cum tamen Ochozias unicus solus ex Ioram & Salomone superstes esset, quo perempto omnem stirpem Regiam Ahiasarim Athalia conata est des lere, nisi prouidentia Iosabet fororis Ochoziæ, ex Ahiasarim sal uatus fuisset minimus ex Ahiasarim, infans.

CAPVT MATTH.

infans Elyh, qui & Eliakin. Nam fysonyma sunt Syris & Aegyptijs Elyh, Eliakin, Joakin. Cognominatus autem infans Elyh fuit Iosas primus ex domo David, & posteritate Nathan. Ab isto Iosas atq[ue] deinceps, in remembrance, Reges semper binomij fuerunt. Nam iste primus dictus Elyh, Iosas, Simeon. Item Her, Manasses. Itē Ezechias, Iesus, & eiusmodi. Hactenus Philo.

Hoc tandem iucundum est peccatoribus videre, q[uod] ex peccatoribus & peccatricibus venit Christus, qui propter peccatores venit, & saluator Iudæorum & gentium nō solum ex Iudæis, sed etiā ex gentibus nascitur, si quidem Ruth & Raab gentiles foeminae sunt. Hoc clarissime voluit Lucas, dum ex Adam & eius posteritate producit nobis filium æternum Dei pro nobis in tempore incarnatum. Nam humana natura semper alium querit Christum, quam illum qui venit ex peccatoribus, qui factus est pro nobis peccatum

CAPVT MATTH.

peccatum & maledictio, vt in Paulo legimus, non audet peccator tantum sidere illi quantum promisit nobis, nō credit in tribulatione, & quando turbatur suo peccato, se saluari, id quod est contra illud Psalmi, Cum ipso sum in tribulatione.

Iam vero ex Historia sacra etiam dicendum esset nobis in genealogia Christi, de ira Dei & gratia, de promissione siue electione & reprobatione, de natura siue Lege & Evangelio, de veteri & nouo testamento. Hoc est de nostri damnatione & Dei erga nos bonitate, qua sola propter Christum saluamur, vt cum Abraham duos habebat filios, tamen Isaac promissionis est filius non carnis vt Ismael, vnde filij noui testamenti nascuntur per promissionem, siue electionem ut Isaac, Nihil ergo sunt nostra studia vt libes remur ab ira Dei. In promissione vero Abraæ, magna nobis consolatio est, vt cumq[ue] rursum magna molestia & tentatio est Christi in carne & Christi norum,

ENARRATIO IN I.

norum, q̄ oportet gaudium illud Isaac carne immolari, & a proprio patre ad mortificandum duci. Item cum esset Esau filius Isaac primogenitus, tamen ex vocante Deo dictum est pro Jacob. Maior seruiet minori, quo rursum naturalis natiuitas repudiatur, & significatur populum Dei non esse naturæ, sed electionis & misericordiæ populū, non carnis aut operū sed promissionis filios, & populum Christianū donari benedictioē primogenitorū in primo genito Christo, hoc est, sacerdotij & regni, quæ benedictio est verū Christi Euangeliū, quo benedicuntur. i. suæ maledictionis absolutionem accipiūt cunctæ cognationes terræ, vt promissum est Abraæ, & exponitur Acto. iii. Item cum Iudas Patriarcha haberet filios ex legitima vxore, tamen hi reprobati sunt & ex Thamar susceptum est genus. Quis non stupefiat ad ista Dei iudicia? Rursum quis non miretur in susceptis Dei bonitatem & nihil aliud quam bonitatem, certe nullū meritū?

Et hic

CAPVT MATTH.

Et hic gemini in utero, cum nihil intelligunt, Deo ita agente eos, certat in utero de luce primogeniture, & posterior priorem anteuertit. Sarah signata erat in manu rubro filo, nimirū populū legis repræsentans, oneratus lege, viuente in suis iustificatiōibus. Siquidē Lex est ministeriū sanguinis & mortis, & frustra conatur populus legis persecutione fidelium ad hereditatē. Phares autē siue Perez nō est signatus aut notatus, nimirū significās libertatē populi Christiani, & huius alia fore iustificationē quam populi legis. Iam & antea diximus de Raab & Ruth gentilibus seminis, vt uideas illud Osee i. Et erit, in loco vbi dictū est Non populus meus vos, ibi vocabūtur filii Dei viuētis &c. id quod de vocādis gentib⁹ dictū est. Nos gentes sumus nunc populus Dei, amici Dei & filii Dei, certe non p̄ legē, sed per grariā. In peccato vero David & BetSabe quis nō videt peccatoribus Euangelicū exemplū propositū, cum David sola dei graria restituitur.

Hac &

ENARRATIO IN I.

Hæc & similia inquam hic discenda essent magno certe fructu ex Historia sacra sed multo fœlicius ista audiemus ex D. Lutherò in tractatione libri Geneseos, & amantibus verbum, nō sunt obscura in Pauli diligenti lectione.

Phares & Esrom nati sunt priusq; proficiscerentur in Aegyptum. Gene. xlvi. Nahason autem filius Aminas dab, princeps tribus Iudæ reuertitur cum toto populo ex Aegypto. Nu. i. Ad hunc ergo & reliquos qui sequuntur, pertinet Historia exitus ex Aegypto, & ingressus in Palestinam usq; ad Reges. Hic attende q; Deus mirabiliter Patres duxit in Aegyptum, mirabilis eduxit & nuncq; offensus est nisi infidelitate, & quando nō crediderunt Deum ipsorum agere curam. Mirum verò q; tantis miraculis visis, tam sæpe protecti inimicis occisis, tanta cura Dei foti, semper tamen reciderint. Verum quid nos aliud agimus?

De Salathiel siue Sealthiel i. Para. iii. De Sorobabel, i. Es. viii. Et i Haggeo Propheta.

CAPVT MATTH.

Propheta. Post hos non habemus testimonia in sacris literis sed seruabantur tunc diligentissime, vt ante dixi, genealogia Dauidis propter venturū Messiam, q; ex seniūne Dauidis erat promissus.

Hic numerandæ essent Hebdomadæ Danielis ab exitu sermonis, vt reædificetur Ierusalem. vt ipse ait, usq; ad Christum & statutam desolationē, siquidem ad hanc tertiam tessera decadem pertinent. Sed ista satis expressa sunt in libello D. Lutheri, q; Christus est Iudæus natus, & in Chronicis Cætionis per Dominum Philippum.

In fine huius genealogiæ oportet nos etiam meminisse Prophetię Jacob de aduentu Christi, quæ ita habet Ge. xlix. Non auscetetur i ceptrum de Iuda & Doctor de subsellijs eius donec veniat Silo. i. prosper. & vt Chaldeus interpretatur, Mæsiā vel pótius filius eius, vt alias dicetur, cui adhærebunt populi. Iudæi postquā venit Christus neq; regnum neq; sacerdotiū habent.

D

Vbi

ENARRATIO IN I.

Vbi nunc sunt ipsorum politiae? vbi
ipsorum sacra? Sciant ergo Messiam
venisse, qui in Lege & Prophetis pro-
missus erat ex Iuda & progenie
David.

De hac prophetia vide prædictum
tractatum q[uod] Iesus est Iudeus natus.

Virum sive coniugem Mariæ vere
dicit, vt cunq[ue] h[oc] virgo à viro co-
gnita nō fuerit, vere inquam secundū
legem Dei, quia Maria desponsata erat
Ioseph. Lex enim desponsatā pro vera
vxore habet etiā ante nuptias, vt vides
Deute. xxij. vbi reus sit mortis, vt ver⁹
adulter, qui sponsam alteri⁹ violauerit.
Sic & infra angelus dicit ad Ioseph,
Noli timere accipere Mariam coniuge-
turam. Vera itaq[ue] vxor Iosephi est Ma-
ria nō carnis copula, sed lege Domini.
Hinc & Ioseph pater Iesu dici potuit
non soluni putatiue, sed etiā secundū
legem, quia ex vxore eius natus est.
Secundum naturam autē pater dici nō
potuit Ioseph, quia Christus præter
naturam

CAPVT MATTH.

naturam ex virginē natus est, id quod
supra admonui, non esse in scriptura
inconsuetum quosdam dici patres &
esse secundum legem, qui secundum
carnem & naturam nō sunt. Interim
forte hoc agente Deo in lege, vt postea
etiam hic Ioseph absq[ue] mendacio pos-
set pater appellari secundum legem
coniugij, vt cunq[ue] hoc factum, nempe
virginis partus, nullum habeat nec
habere possit exemplum. Deus vo-
luit filium suum nasci ex virginē, alio-
qui non pura fuisset generatio, vt in-
fra dicemus. Voluit quoq[ue] illi patrem
legalem esse, qui absq[ue] mendacio pos-
set nominari pater, vt esset custos, cu-
rator, item testis virginēi partus, & vr
sus suspicio abesset adulterij, vt Christus
dicere posset. Quis ex vobis arguet me
de peccato? Ad hoc credimus, vt dixi,
Deum olim instituisse patres legis, vel
secundum legem, qui secundum car-
nem non essent.

Quo & hoc significare uidebatur
spiritus sanctus in lege, duplicem fore

D. n. Dei

ENARRATIO IN I.

Dei populum , alterum quasi natura,
id quod dico secundū verbum Pauli
Ro.xi. Si Deus naturalibus ramis nō
peperit &c. Et iterum .Quanto magis
hi qui naturales sunt, inferentur pro-
priæ oleæ ? Alterum autē adoptione,
qua clamamus Abba pater, Ro. viij.
Gal. iij. Imo q̄ res est nullus est natu-
ra filius Dei. necq; Iudeus necq; gentilis,
sed solus Christus Fideles siue ex Iu-
dæis siue ex gentibus sunt filij Dei ad-
optione nō natura. Christus nouit se
Patrem habere propicium, dicentem.
Hic est Filius meus dilectus,&c. ergo
& nos tales habemus Deum Patrem,
quia in Christo adoptati sumus,& filij
sicut & Christus. Id intelligere maxi-
mum est, nec intelligere possumus, nisi
respiciamus in Christum, & nobis co-
petere nostrumq; esse credamus quic-
quid in eo videmus. Mirandū valde q;
Christus nobis æquatus sit & nos
Christo. Ioh .i. Dedit eis potestatem
filios Dei fieri &c. Iani igitur non na-
tura filij, sumus gratia filij, & æque est
nostra

CAPVT MATTH.

nostra hæreditas, vt Christi. Item Spi-
ritus S. est Christi, ergo & noster est.
Ergo sicut competit Christo victoria
peccati & mortis, ita & nobis, quæ uti-
nam intelligeremus &c. Ideoq; si sic
coequati sumus Christo per fidem, in-
duamus etiā formam Christi, qui ser-
uiuit nobis, vt ita seruiamus fratribus,
vt unum omnes inter nos sumus, sicut
Deus nos vnum fecit cum Christo.
Hæc est charitas, Phil. ij..

CHRISTI autem nativitas.

Hactenus genealogiā recensuit,
Hnunc autem describit modum,
quemadmodum natus sit Christus ex
sola virgine. Non enim pergere potuit
aut debuit Mattheus, vt diceret, Io-
seph autē genuit Christū, sicut dixerat
Abraham genuit Isaac. Isaac genuit
Iacob &c. Præfatur ergo miraculum
narratq; sic. Christi autem nativitas
sic habet. Atq; ita hanc sanctam con-
ceptionem & nativitatem separat ab

D ij omnibus

ENARRATIO IN L

omnibus alijs. Hactenus em Christus vocatur, & est semen Abraæ, semen Isaac, semen Jacob, semen Dauidis, &c. atq; adeo semen siue filius Adæ vt ex Luca dictum est, nam verus homo est, quod ipse significat, more scripturæ, quoties se filium hominis in Euangelistis vocat. Cum autem ad ipsam eius peruenitur natuitatem, semē viri, atq; adeo vir siue pater secundum carnem excluditur, & æternus pater, effectu spiritus sancti, ex virginе Maria Abraæ & Dauidis filia, producit nobis illud semen Abraæ benedictum, benedictionem omnium gentium, id est, filium suum æternum, iam ex virginе hominem in tempore factum, vt per eum omnes gentes, quæ maledictioni ex Adam subfacebant remissione peccatorum & benedictione donarentur æterna, quemadmodum Abraæ promiserat, dicens, In semine tuo bendifcentur cunctæ cognationes terræ.

Quid est q; Deus promittit omnibus hominibus benedictionē, nūi q; omnes

CAPVT MATTH.

omnes homines coram Deo per unius hominis Adæ inobedientiā maledicti sunt. Quomodo autē possunt per hoc unum Abraæ semen benedici, id est, à sua maledictione liberari, si hoc semen conciperetur & nasceretur, vt alij, qui dicunt. Ecce Domine, ex semine imo mundo formatus sum, & in peccato concepit me mater mea. Caro quidem filius Dei, id est, verus homo pro nobis factus est, sed non carnali modo ex concupiscentia carnis, vt non dicam quam hoc no decuisset filium Dei. Ex spiritu sancto ergo oportuit hanc carnem concipi, ad quod opus ordinauit Deus virginem matrem futuram, ne quid immundum ista conceptio & nativitas haberet, quæ benedictione erat maledictis nobis omnibus allatura, nec est in alio aliquo salus. Ut videas quam etiam promissio Abraæ Patribus facta respiciat in virginem huius benedicti seminis matrem, Similiter & in Christi mortem & resurrectionem & regnum æternum.

D iiii

Nam

ENARRATIO IN I.

Nam si verum semen Abraæ est,
necesse est eum mori, & si ipse est be-
neditio aliorum, vt & Psalmus xx.
dicitur, Impossibile est eum à morte,
quæ maledictio est, teneri, vt ait Petrus
Acto. ij. Neq; peccatum, neq; mors po-
terit illi dominari, vt captiuū teneant,
licet eā ad tempus pro nobis suscepere. It
Et licet in matrem virginem respiciat
tales de Christo promissiones, tamen
etiam Deus expresse hoc voluit tandem
significatiū domui Dauid, dicens Esa.
vij. Audite domus Dauid. Dominus
ipse dabit vobis signū, Ecce virgo, &c.
quæ prophetia & admirabile signum
conuenit cum prima Dei promissione
primis parentibus facta, Ipsum semen
mulieris cōteret caput serpentis, id est,
regnum diaboli, peccatum & mortem,
& infernū, quō omnes damnati sum⁹.
Quid aliud est semen mulieris, quod
non est semen viri, cum de concepcione
& matre agitur, nisi filius virginis?
Reliqua vero, quæ ex verbis talium
Prophetarum & promissionum de
Christo

CAPVT MATTH.

Christo conseq̄untur, vt q̄ hic filius
verus Deus est, & verus homo, purus,
mortalis resurrecturus, supra dixim⁹.

Primum in hoc Euangelio de-
scribitur nobis persona Christi, quis &
quid sit Christus, nempe verus Deus
& verus homo, sine omni peccato.
Verus Deus non solum q̄ Emmanuel
dicitur, sed etiam q̄ salutarius dicitur
populu suum à peccatis, id quod solius
Dei opus est. Verus autē homo, q̄ in
gremium mulierculæ se effundens fit
verus eius filius. Dicit enim Propheta,
Virgo pariet filium, certe nō alienum,
sed suum, quemadmodū Euangelista
manifeste dicit. Peperit filium suum
primogenitū, Sine peccato vcrō, q̄ le-
gis & spiritu S. conceptū, & ex virginē
natū, quemadmodū Paulus i. Cor. xv.
humc hominem ab Adam, atq; adeo ab
omnibus alijs hominibus scernit dis-
cens, Secundus homo de cœlo cœlestis.

Itaq; fatemur duas naturas, diui-
nam & humanam in vna esse persona
Christi inseparabiliter, & nunc filium

D v D*ai*

ENARRATIO IN I.

Dei & filium virginis vnu esse filium,
vnam esse personam, Ideoq; scriptura
& confessio fidei nostre, ne verbis qui-
dem hanc personam separat, sed quod
alteri naturæ conuenit, hoc asserit de
tota Christi persona, Sic filii virginis
filium Dei dicimus, quia hie virginis
filius Deus & Dei filius est, siquidem
Verbum caro factum est &c. Sic filii
Dei vnicum Dominum nostrum fate-
mur conceptum de spiritu sancto, na-
tum ex Maria virgine, passum sub
Pontio Pilato, crucifixum, mortuum,
sepultum, descendisse ad inferos, re-
suicratum, ascendisse, sedere in dexter-
a Patris & iudicaturum. Quemad-
modum & ipse loquitur Ioh. iii. Ne-
mo ascendit in coelum, nisi qui descen-
dit de coelo, filius hominis qui est in coe-
lo. Et Ioh. vi. Quid si videritis filium
hominis ascendentem ubi erat prius.
Et tota scriptura sic loquitur de Chri-
sto simul Deo & homine, Gene. iii.
Semen mulieris (quod certe homo est)
coreret caput serpentis (Id quod Dei
est.)

CAPVT MATTH.

est.) Gene. xxij. In semine Abrahæ
(vides hominem) benedicentur cunctæ
cognationes terræ (hoc Dei est) quæ
exponit Paulus ij. Cor. v. dicens. Deus
erat in Christo mundum reconcilians
sibi, non imputans eis peccata sua. Et
Petrus Acto. iij. ad Iudeos, Vobis (in-
quit) primum Deus cum suscitasset fi-
lium suū Iesum, misit eum benedicen-
tem vobis, ita vt vnu quisq; vestrum
conuerteret se ab iniuriatibus suis.
Ieremiæ xxxij. Germen Danidis (au-
dis hominem) vocabitur Deus iustifi-
cator noster. Esa. ix. Paruulus natus
vocabitur El, id est, Deus & pater fu-
turi sæculi, &c. Esa. xi. In eum qui ex-
urget ex radice Iesse gentes sperabūt,
Paulus Acto. xx. sic audet dicere epis-
copis Ephesiorum. Attendite vobis &
cuncto gregi, in quo vos spiritus san-
ctus posuit Episcopos, ad regendum
ecclesiā Dei, quā acquisiuit sanguine
suo. Sanguis ille sanguis est illius qui
Deus est nempe Christi, recte ergo
sanguis Dei dicitur.

Hæc

ENARRATIO IN I.

Hæc catholici doctores contra Hæreticos aliter sentientes, docuerunt & defenderunt ex scriptura sancta. Sic em̄ scribit beatus Cyrillus ad Suci-
cellum. Duarum naturarū vnionem factam prorsus asserimus, veruntamen vnum Christum, vnum filium, vnum Deum rectissime confitemur. Verbū namq̄ caro factum est. Post vnionem, tanq̄ adempta iam in duo diuisione, vnam credimus filij esse Hypostasim, iam vnius veruntamen facti hominis & incarnati. Nam cum incarnationis modus curiose perquiritur, duo quidā inuicem ineffabiliter & incōfuse, iuxta vnitatem conuenisse mens humana, Proculdubio contuetur, sed vnum ex vtrisq̄ Dei filium Christum dominū credit & firmissime recipit. Vnā itaq̄ eius personam cognoscimus. Differen-
tias quidem vocum agnoscimus, dum alia secundum Christi deitatem, alia secundū eius humanitatem dicuntur, sed post vnitatem naturas nō diuidis-
mus. Hactenus Cyrillus.

Hæc

CAPVT MATTH.

Hæc oportet nos scire, firmiter credere & confiteri, non solum contra Hæreticos & impios doctores, quorū alij diuinitatem, alij veram Christi hu-
manitatem negauerunt, sed etiam pro confirmando fide nostra, q̄ talis sit Christus, nobis à Deo patre datus, qui velit & possit iuuare, velit quia homo similis nobis, possit quia verus Deus. Talis enim decebat vt nobis esset Pon-
tifex, &c. vt epistola dicit ad Ebr.

Secundo in hoc Euangeliō pro-
ponitur nobis per hoc ipsum quod dix-
imus, verus huius personę stue Chri-
sti. Dei & hominiū visus, & cur ipse vel
datus sit nobis, vel venerit, quod est ipsissimum Euangeliū, nempe q̄ est Emmanuel, id est, nobiscum Deus, nō
solum q̄ nunc in carne nostra est simi-
lis nobis, sed etiam q̄ nunc per legem,
quae peccatores dannat & reos facit
aeterni iudicij, nos non damnat, nō est
contra nos, nō est longe à nobis, quē-
admodum in Psalmis dicitur, longe ab
impīs salus, sed est nobiscum, vt Iohan-
nes ait.

ENARRATIO IN I.

nes ait, Habitauit in nobis, est pro nobis, homo & Deus, mediator inter homines & Deum. Item q̄ est Iesus, id est, saluator sive seruator, non qui seruet solum & defendat suos pace politica, sed, vt h̄c ait angelus qui saluet populum suū à peccatis suis. Lege propter peccatum ad mortem æternam damnati sumus, nec est ullū remedium operū aut viriū vel nostrariū, vel vlius creaturæ siue in cœlo, siue in terra, falsa confidēta detersores & magis excæcati fieri possumus, iuuari impossibile est vt possimus. Solus Christus saluat, non omnes, sed populum suum, id est, in ipsum credentes à peccatis suis, quem admodū Iohannes Baptista dicit Ioh. iij. Qui credit in filium, habet vitam æternam, Qui autē non credit in Filium, ira Dei manet super eum. Et Petrus Acto. iiiij. Non est aliud nomen sub cœlo datum hominibus, in quo oporteat nos saluos fieri.

Vbi igitur personam Christi cognovisti, nempe cum esse Deum verū

Ex hoc

CAPVT MATTH.

& hominem, age cognosce etiam eius usum, Nam & diabolus illud etiam nouit, sed hoc nō nouit. Scit enim sibi Christum ad salutem non esse datum. Nos autē agnoscere debemus, parvulum natum esse nobis, & filium datum esse nobis, vt Esa. prædixit. Neq; frustra hoc admoneo, Quid enim prodest tibi de magno thezauro disputare, quo nō tibi licet uti. Doctores veteres necessitate per hereticos ita coacti sunt sua fide ex scripturis sanctis defendere Christi personam, id est, veram eius divinitatem & humanitatem purissimam & articulatum ineffabilis trinitatis, vt raro vacarit eis tractare usum Christi siue articulatum iustificationis, quem tamen si non noris, quid proderit tibi magnifice dicere de Christi persona, quæ etia diabolus nouit. Et dæmones, inquit ille Iacobus, credunt & contremiscunt. Usu autem Christi nobis à patre dato, nosse est verum nosse Euangeliū atq; adeo habere vitam æternam,

DE

ENARRATIO IN I.
DE QVIBVS DAM HIC
Mathæi verbis.

DE coniugio a Deo creato & insituto, dicit Christus in decimo-nono capite, Miramur vero insaniam & blasphemiam Papistarum, doctrinas dæmoniorum, ut Paulus vocat, defendentium, q[uod] pro ornando & commendingando suo impuro coelibatu, in quo neq[ue] virgines sunt, neq[ue] casti, audent exempla producere. Iohannem Baptistam ab utero matris spiritu sancto repletum, & ad hoc a Deo nullum secundum vaticinii Prophetæ, non ut esset æconomicus coiunx, sed vox clamans in deserto, & Mariam virginem, ad hoc spiritu sancto obumbratam, ut esset mater Dei, quæ mera & insignia sunt miracula Dei & personalia, priuilegia generali Dei ordinationi non opponenda, cui ne hoc quidem opponi debet q[uod] quidam vtcunq[ue] alioquin peccatores singulari priuilegio, & dono Dei acceperunt donu[m] cotinendi, id est, corpore & animo, ut ait Paulus, caste viuendi.

Nam

CAPVT MATTH.

Nam hi vtantur, si velint, & gaudeant suo dono, non obstrepet alijs aut confirmant nobis doctrinas dæmoniorū. Quin & audent cæxmplum Christi pro se adducere, q[uod] non fuerit coiunx sed virgo manferit. Quanta per Deum impudentia est, hoc etiam summum diuinæ dignationis & huius sanctissime incarnationis, filij Dei mysterium producere pro doctrinis dæmoniorū prohibentium rubere?

Et interim hoc loco videre noluit, quam filius Dei non monachatum aliquem sed coniugium a se creatum & institutum voluerit maxime honoratum, q[uod] matrem suam, licet virginem, tamen non monialem, sed despensatam & consiugem voluit, & suum curatorem Iosephum, licet castissimum, & spiritu sancto singulariter, id quod non dubium est, castificatum, & ad haec ministeria sanctissima diuinitus uocatum, voluit esse non monachum aut Eusebii aliquem, sed coniugem œconomicum, & matrem sive virginis, secundu[m] legem maritum.

E. Christus

ENARRATIO IN I.

Christus nasci voluit, non per coniugium quidem aut ex coniugio, sed tamen non extra coniugium, siquidem mater eius licet perpetua virgo, tamen coniunx est secundum legem, quæ secundum carnem virum nō cognouit. Quod maius encomium de coniugio scribi potuit? & tamen cæci non hoc sed aliud huc vident, non ex veritate, sed ex doctrinis dæmoniorum.

Iohannes Baptista coelebs, vixit à Deo vocatus in desertum, ut testimonium perhiberet de lumine, sed ipse nunquam coelibatū mandauit cuiquā, aut coniugium prohibuit, neq; hoc vñquā aliquis ex Deo & veritate fecit. Blasphemia Montanica hoc primū sub nomine sp̄ritus sancti tentauit, vt est in Eusebio, Nunc Papistæ per coactum coelibatū, sub nomine virginitatis & castitatis, suis libidinibus omnia conspurcarunt. Negare non possunt, res ipsa clamat in cœlum, &c.

Antequam conuenirent, &c. Et paulopost, Et nō cognouit eam donec peperit

CAPVT MATTH.

peperit filium suum primogenitum. His verbis Matthæus in prophetiam Esaiæ respiciens nihil aliud vult dicere quam virginem cocepisse & peperisse. Si enim grauida est, & parit antequam cognoscatur à viro, certum est virginē concipere & virginē parere. Eluidus autē contra quē scripsit Hieronymus, stulte hinc argumentatus est, Mariam postea à viro cognitam peperisse alios qui in Euangelio vocantur fratres Domini, ignorans phrasim scripturæ, quæ ita loquitur, Coruus non est reuersus ad arcam donec siccarentur aquæ, & non significat eum postea reuersum, sed nunquam potius reuersum. Item, Dixit Dominus Domino meo, sede à dextris meis, Donec ponam inimicos tuos, scabellum pedum tuorum, quis hic diceret significari, q; post subiectiōnem inimicorum Christus deturban dus sit à dextera patris, scilicet ita egregie haberet inimicos suos scabel luin pedum suorum.

E ij

Putabat

ENARRATIO IN I.

Putabat stultus Eluidius eodem
pertinere, q̄ hic Christus dicitur Marie
primogenitus. Quomodo (inquit) pri-
mogenitus dicitur, post quem non se-
quitur alius, qui dicatur secundo ge-
nitus vel tertio genitus? Nam si nullus
frater sequitur non primogenitus, sed
vnigenitus recte vocatur. Sed eadem
stultitia & ignorantia scripturæ hæc
dicit. Nam secundum legem primo-
genitus adaperiens vterum matris iu-
betur quadragesimo die à nativitate
Deo offerri & redimi. Intra quod tem-
pus non possunt mulieri nasci alij filij
qui dicantur secundo geniti, tertio aut
quarto geniti. Alioqui lex ista esset im-
possibilis. Debeo enim offerre primo-
genitum quadragesimo die, & ignoro
num sit primogenitus, si vero expecto
donec eadem mulier pariat plures,
propter quos iam ille sit primum vere
primogenitus, transit tempus quod
præscribit lex, & fio inobediens legi.
Certum ergo est in scriptura primo-
genitum dici & esse qui primū nascitur

sive

CAPVT MATTH.

sive aliquis sive nullus sequatur, ideo
si nullus sequitur, posse eundem esse &
primogenitum & vnigenitū, quemad-
modum & omnes homines intelligat.
Sed phanatici spiritus, vt tunc ita &
nunc semper student vanis suis cogi-
tationibus occupare alios, vt à necessa-
rijs & articulo iustificationis auertant.

Inuenta est vel deprehensa est in
vtero habens sive grauida. Quia con-
iugium ibi erat, ideo alij hic nihil mali
suspicabantur. Iosephum vero grauat
suspicio, quia non tetigerat eam, Quæ
omnia eō describuntur, vt virginem
videamus hanc matrem, quemadmo-
dum & Matthæus ait, Hoc totū factū
est, vt &c. Et Lucas dicit Mariam vir-
ginem, prius fuisse publice Iosepho des-
ponsatam, quam Gabriel angelus mit-
teretur, vt annunciatet eam virginem
per spiritum S. matrem fore Christi.

Sed cur iustus dicitur Iosephi,
pròpterea quod non voluit eam ream
agere apud iudices, sed occulte dimis-
tere? Respondeo, Quanquam ex lege

E iij potuisset

ENARRATIO IN I.

potuisse et eam accusare, tamen celandū duxit quod non intellexit, modo non seipsum participem faceret criminis. si quod esset. Et hæc est iustitia piorum supra iusticiam Scribarum & Phariseorum, non persequi ius suum propter caritatem, vt infra videbis ex doctrina Christi, Matth. v. vt noris non omnia summo iure persequēda. Negligamus ius nostrū erga proximū, dum sumus cum illo in via, quia & Deus negligit ius suū erga nos, & pro malefactis benefacta per gratiam reddit nobis.

Præterea cælandum etiam est crimen fratris, quod forte non crimen, sed suspicio est. Prodigiosa probitas & morum honestas erat in virgine Maria, quæ non patiebatur sinistrum quid suspicari de ea, & tamē quid cogitaret homo indubitate conceptus signa videns? Ideo mox Deus per angelum viro ignoratum mysterium aperit, & eum filium Dauidis vocat, vt admo- neat eum promissionis de Christo Dauidi factæ. Addit vero, Ne timeas,

&c. vi

CAPVT MATTH.

&c. vt sciamus non contemnendam fuisse suspicionem, quippe quod propter conscientiam coram Deo non ausus fuerit hic iustus vir cum ea cohabitare..

Quando hic legis angelum domini apparuisse Iosepho in somnis suis per somniū, & sequenti capite similiter apparuisse Magis, & rursum Iosepho, merito queritur num sit credendum somnijs. Respondeo, quando nihil aliud sunt quam somnia, non est eis credendum, quia nihil certi habent, & imagines illæ apparentes confusissime sunt. Fere accidunt ex affectibus, quæ admodum Cato ait, Somnia ne cures, Nam mens humana quod optat. Cum vigilat sperans, per somnia cernit id ipsum. Et Poeta in Buco. An qui amant ipsi sibi somnia fingunt. Aristoteles in libro de Somno & vigilia putat somnia non mitti hominibus à Deo, q & alia animalia somnient. Cicero autem contra in libro de diuinatione eleganter describit, quæ somnia sobriora

E iiiij hominum

ENARRATIO IN I.

Hominum non omnino sit vana, sed
sæpe etiam renelationes occultorum,
itemq; futurorum euentuum.

De his somnijs, siue vanis, siue no-
vanis, asserimus no- eis innitendum, q
scrè omnia, siue metum siue spem no-
bis faciant, tamen sint incerta. Conie-
cturis tamē vti, propter naturales cau-
sas, quis prohiberet? quemadmodum
medici nonnihil etiā iudicant ex som-
nijs ægrotorū, quam sint eoru affecta
corpora. Et si quæ in somnijs fiunt re-
uelationes, siue occultorū, siue futuro-
rum euentuum, ad consolationem vel
ad cauendum malum (factæ sunt autē
etiam gentilibus) agnoscantur esse do-
num Dei pro hominibus curā gerētis.
Has tum certo sciunt & nihil dubitant
quib; reuelatur, nec inde aliquid certi
potest aut debet constitui pro somnijs
aliorum. Quin & legimus quosdam
veris somnijs deceptos, vt cum Dux
Carthaginem, Hamilchar obsidēs
Syracusas, audit in somno se altera die
in ciuitate coenaturi, gaudet se victo-

rem

CAPVT MATTH.

rem fore, cum tamen captiuus illic coe-
narit, lege Vale. li. i. & Ciceronem.

Scriptura vero prohibet, ne per som-
nia siue facta vel ficta, quasi per Pro-
phetam, si natus nos seduci à verbo &
vero cultu Dei in verbo nobis præ-
scripto, Deut. xiiij. id quod impij docto-
res solebant tentare, imitatione vero
rum Prophetarum, quibus in somno
loquebatur Deus, vt nunc dicam, quā
impietatem vides Iere. xxij. Somniaui
(Inquit) somniaui. &c. Possunt & à
diabolo vera somnia immitti, id quod
allerunt de somnio vxoris Pilati.

Verum de his somnijs no- erat hic
dicendi locus, nisi per occasionem. Nā
Matthæus non solum de somnio dicit,
sed etiam q; angelus domini appa-
rit per somniū Iosepho, nec dubitasse
Iosephum, q; angelus Domini fuerit,
aut verba Dei locutus sit, proinde facit
excitatus quod missus est.

De somnijs igitur quæ sunt diuinæ
reuelationes, de quibus nihil dubitat
cui reuelatur, si queris facilis responsio

B v

est,

ENARRATIO IN I.

est, impium esse talibus non credere.
De quo modo reuelandi dicit Deus,
Nu.xij. Si quis fuerit inter vos Prophe-
ta domini, in visione apparebo ei, vel
per somnium loquar ad illum. Et Ioel
de tempore noui testamenti prophes-
tat, quemadmodum in die Pentecostes
citat Petrus Acto.ij. Et prophetabunt
filii vestri & filie vestrae, iuuenes vestri
visiones videbunt, & seniores vestri
somnia somniabunt. Quibus sic reue-
latur, hi excitati & somnium & reuelas-
tionem sive interpretationem norunt
nec dubitant, quemadmodum Daniel
ait cap.x. Intelligentia opus est in visi-
one. Fit tamen interim quandoq; vt
alijs visionem per somnium alijs in-
telligentiam reuelet, quemadmodum
legis de somnio Nabugdonosor &
Pharaonis. Nec dubium quin & ad-
huc quandoq; Deus quibusdam reue-
let mysteria, quemadmodum & Prus-
dentius in Hymno ante somnum ca-
nit, his verbis, O quā profunda iustis,
Arcana per soporem, Aperit tuenda

Christus,

CAPVT MATTH.

Christus, Quam clara quam tacenda.
Quem rara culpa morum, Nō polluit
frequenter. Hunc lux serena vibrans,
Res edocet latentes.

Hoc totum factum est, scilicet q
Maria concepit ex spiritu sancto, igno-
rante Joseph, qui nō tetigerat eam &c.
vt impleretur prophetia Esaiæ, de
Christo dicentis. Ecce virgo, &c. Hoc
& in verbis angelii videamus. Joseph,
inquit, fili David, vt admoneat eum
promissionis, quæ dicit, Audite ergo
domus David, Dominus ipse dabit vo-
bis signū. Ecce virgo, &c. Et angelus
ad Mariam in Luca, Et dabit illi domi-
nus Deus sedem, David patris eius, &
regnabit in domo Jacob in eternum, &
regni eius nō erit finis, nimirum respi-
ciens in illud quod Esaias cap. ix. addic-
te parvulo nato nobis, & filio nobis
dato. Pacis non erit finis super solium
David, & super regnum eius, vt con-
firmet & corroboret illud in iudicio &
iustitia, amodo & usq; in sempiternū.
Ad quæ

ENARRATIO IN I.

Ad quæ verba respicit Psalmus de Christo, qui incipit. Deus iudicat, &c.

Has prophetias tunc obseruabant qui p̄ij erat inter Iudeos, & ut Lucas ait cap. ij. qui expectabant redemptiōnem, ex quibus unus erat Zacharias, pater Iohannis, qui cecinit. Benedictus dominus Deus Israel, quia visitauit & fecit redemptionem plebis sūræ. Item ipsa Hanna & Simeon, &c. Item & illi qui precesserāt, de quibus Christus ait. Multi Reges iusti & Prophetæ voluerunt videre, & audire, quæ vos, &c. Maxime vero obseruabant, quando videbant Herodem regnare, & quādo videbant Danielis Hebdomadas Christi aduentū postulare. In primis verò diligentissime obseruabant has prophetias, qui erant ex familia Dauidis, q̄ ex se sciebant nasciturum Christum ut dictum est. Et quamvis multi imp̄ij contemnerent vel desperarent, pressi seruitute sub Herode alienigena, qui secundum legem rex esse non potuit, quasi promissio Dei nihil esset, q̄ cum optima

CAPVT MATTH.

optima sperarēt per Messiam, accipit̄ pessima per Herodem, tamen Ioseph vir absq; dubio spiritu sancto plenus, quomodo potuit cōtemnere tales prophetias, & non habere meditatissimas? Facile ergo hic potuit admoneri oratione Dei & spiritu sancto intelligere hoc sanctissimum mysterium.

Addit vero hic angelus, Noli timere ut cohabites cum Maria, quæ est tibi sponsata vxor, Metuis q̄ grauida est tua vxor, quam non tetigisti. Non est hoc quod metuis, sed illud qd̄ Dominus tuæ familiæ promisit, quia, inquit, quod in ea natum est, de spiritu sancto est. Pariet autem filium &c. In hac omnia respexit Euangelista, cum dixit. Hoc totū factum est, &c. Cum filium audis Mariæ, verum hominem audis. Cum conceptum de spiritu sancto, & natum ex virginē, purum audis & sine peccato. Cum verò saluantem à peccatis, non potes intelligere quin Deus verus hic sit, quæ supra admisimus.

Ecce

ENARRATIO IN I.

Ecce virgo &c. Ecce admirantis est particula, Miraculum enim dicturus est siue signum, ut ipse ait, ab ipso Dominino Deo domui David dandum. Iudei postquam malicia & inuidia aguntur contra Christum, Dominum gloriae, patribus ipsorum promissum, non ferentes tam clara testimonia, calumniantur, qd Esaias Alma, id est, iuuenientur dixerit, & non Bethula, id est, virgo, Iccirco Christianos non recte virginem Alma interpretari quando Esaias iuuenientiam tantum dicit concepturam & parituram, id est, iuuenem mulierem nempe ex viro, & hoc esse signum quod filium non filiam sit paritura. Egregium vero signum & non vulgare quod Dominus ipse det domui David, postquam maximum aliquod signum promiserat, siue ex celo sursum, siue ex inferno deorsum. Iuuenis scilicet mulier ex viro concipiet, & pariet filium, si non primo, tamē secundo vel tertio, etiam postquam pepercit filias, ne Iudaica inuidia

CAPVT MATTH.

Inuidia amittat tam pulchram interpretationem.

Si autem interrogas quam iuuenientia intelligent, respondent matrem Ezechiae, sed Propheta hoc non dicit, unde ergo reddet nos certiores de illa matre dico & non de alia iuuenientia. Dicant impudentes nebulones, quando Ezechias vocatus sit vel a matre vel a populo Emmanuel, quo vel solo nomine perire ipsorum commentum. Et crafsissimum preterea mendacium est qd aiunt intelligent prophetiam de Ezechia concipiendo & nascituro, quia quando hoc Esaias prophetabat, Ezechias erat egregius puer, natus annos decem aut plures, id quod notissimum est ex sacra Historia Regum & Paralipomenon & Esaias. Esaias loquitur ad Regem Achas, quo anno regni eius locutus sit, non dicit scriptura, neq; hoc nunc moramur. Regnat autem Achas tantum sedecim annis, & statim post mortem eius fit Rex eius filius Ezechias, annos natus viginti quinq;. Quem pater, vt vides, genuerat

ENARRATIO IN I.

genuerat nouem annis, ante acceptum regnum. Quis ergo, nisi plane brutum sit, non videat hic ad Regem & regnatum Achas, nihil dici vel de Ezechia vel de matre eius? Sicut autem hic vides eorum insaniam, ita mendacium & blasphemiam esse noris, quamecumque aliam iuuenculam viro cognitam tibi hoc loco finixerint, id quod confirmat fidem nostram, tantum abest, ut nos moueat. Vide apud Lyranum aliorum figurae de uxore Esaiæ, verum ubi est ille Emmanuel, qui viij. ca. dicitur Dominus terræ Iudeæ, cuius dominus siue Rex nunquam fuit Esaias aut filius eius?

Sed dicamus de vocabulo Alma, ut videoas istos miseros homines amississe, ut Deum ita & conscientiam, nolunt enim hic scire suam ipsorum linguam & grammaticam. Quid facient suis Iudeis doctissimis viris septuaginta interpretibus, qui priusquam Christus nasceretur, antequam istæ blasphemiae essent, interpretati sunt Alma παρθενος, id est, virgo, quemadmodum & Matthæus

& Lucas

CAPVT MATTH.

& Lucas postea? Quasi vero latinus non significet virginem, quando dicit pueram nondum virum expertam, non lapidem, quando saxum dicitur; aut germanus non idem velit quando dicit, Eine reine Jungfravv & quando, Eine reine Magd? aut quasi non tantum omnes linguae synonymis aut horum loco periphrasibus? Sic rident Iudei semetipcos, dum dicunt non virginem significari, quando Alma dicitur non Bethula, cum utroque virgo significetur, sed hoc interest quod Bethula significat quamecumque virginem etiam aurum. Alma autem tantum iuuenculam virginem, quae seruatur futuro coniugio, quo nomine Hebrei honestissimam atque pulchram significant virginem, a parentibus honestissime educatam, quae possit ambiri ab honestissimis ad coniugium. Nam Hebreis sonat Alma, quasi dicas abscondita & diligenter educata. Siquidem Alam Hebreis latere, abscondere siue occultare significat.

F

Cum

ENARRATIO IN I.

Cum ergo spiritus S. in Esaia volevit dicere virginem concepturam & paritutram & optime sciret suos Iudeos quibus loquebatur habere duo vocabula quibus virgo significatur, non Bethula dicere voluit, ne etiam animi virginem aliquis intelligeret, neve Iudei, qui erant ex familia Davidis, cogerent contra legem multas sine coniugio manere virgines, quemadmodum nunc faciunt doctrinæ dæmoniorum, usq; ad summam senectam expectantes qsq; ex sua filia Melisæ. Quæ res quot scortationes secretas, quot errores per filios inde natos peperisset, quis non videt ex claustris vel vestalium apud gentiles vel monialium apud nosrost? Sed volnlt spiritus S. dicere Alma, id est, iuuenculam virginem, nubilem, pulchram, honestissime educatam, & ab omnibus commendatam propter quam felix diceretur maritus, qui talem acciperet coniugem, de qua neq; ætas, neq; educatio, aut honestas sineret male suspicari, qualis fuit mater Christi

Maria

CAPVT MATTH.

Maria virgo cum despontaretur Ioseph. Virgo ab omnibus commendata traditur coniugio, & maritus eius seruat eam intactam, cognito consilio Dei. Hinc est quod haec mater, cui Iudei maxime male volet propter filium, nunquam legitur male audisse tunc apud ipsos, siquidem tanta erat fama eius integratissimæ, ut ne tanta quidem inuidia contra eam mentiri auferret.

Præterea Iudei, vt rumpantur, nullam puellam possint ex sacris literis nobis producere, quæ vocetur Alma, & non sit virgo. Gene. xxiij. Rèbecca, futura vxor Isaac, vocatur Alma, vbi dicitur. Puella quæ egredietur ad hauriendam aquam. Puella est ibi Alma in Hebræo. De qua Rebeca illuc ante sic dicitur. Puella decora, nimis & Bethula, id est, virgo pulcherrima & icognita viro. Et Exo. ij. soror Mosis Alma dicitur. Perrexit Alma (nos puella legimus) & vocauit matrem suam. Cur ergo nō & haec Alma esset

F. ij

virgo?

ENARRATIO IN I.

virgo de qua Esaias dicit q̄ sit paritura
Emmanuelem, Deum, Patrem futu-
ri seculi, æternum Regem in folio
Dauidis:

I nunc Iudæ & doce spiritum S.,
quibus verbis debeat loqui de' ve-
randa matre Messiae, ne cogaris crede-
re, q̄ frustra expectas Messiam post
hebdomadas Danielis, iam ultra mille
quingentos annos. Vbi est Bethleem,
in qua nasciturus a Mîchea prædicitur?
Vbi Ierusalem & Templum quo ven-
turus est secundum Malachiam? Vbi
est Sacerdotium vestrum & Prophetæ
& regnus vbi sunt omnia sacra vestra?

Dicitis, Propter peccata nostra
non venit Messias, At Deus promisit
certo tempore venturam Messiam, sine
adiecta conditione, siue peccatores sitis
siue non sitis. Atq; adeo Prophetæ præ-
dicunt peccatoribus, & propter pecca-
tores venturam, legite vel Esaiæ cap. liij.
Quasi vero Deus qui seipsum negare
non potest, possit fieri mendax propter
peccata vestra.

Sed

CAPVT MATTH.

Sed quod nam est peccatum vestrum
de quo dicitis? Non nunc colitis Baal.
& alia externa idola, non nunc interfici-
citis sanctos Prophetas, quos non habe-
tis, vt ante captiuitatem Babyloniam, in
qua tamen vos non deseruit Deus, sed
dedit egregios Prophetas, & promisit
captiuitatis solutionem post septuaginta
annos. At nunc post tantum temp⁹
in mera agitis desperatione. Si igitur
verum putatis, q̄ propter uestra pecca-
ta non venit Messias, necesse est ea esse
multo maiora quam illa horrendissi-
ma Patrum uestrorum olim fuerunt.
Scitote igitur non uestra peccata re-
morari aduentum Messie, sed hæc esse
vera peccata vestra, quod venientem
Messiam contempsistis, occidistis, &
adhiuc in synagogis uestris, horrende
blasphematis cæci, impij, damnati, non
solum coram Deo, sed etiā coram toto
mundo, quis enim non videt vos esse
populum maledictum? Nulla salus vo-
bis est, nisi recipiatis fide quem cruci-
fixistis.

F ij

Præterea

ENARRATIO IN I.

Præterea interrogō, Ex quo genere vestro aut stirpe nunc expectatis Messiam illum vestrum? Dicite absq; mendacio, absq; hæsitatione & mala conscientia, qui ex vobis sunt, ex stirpe & familia Dauidis? & qui ex tribu A^xaron, ut rursum regnum & sacerdotiū recipiatis? Hoc facietis ad Calendas græcas. Post captiuitatem Babyloniam quidam sunt amoti à sacerdotio, quod non potuerunt probare genus suum, id est, certo declarare se esse ex genere sacerdotali, & tamen interim tantum per septuaginta annos seruati fuerant simul in Babylone, quid putas, quanta confusio nunc sit inter Iudæos per totum mundum dispersos iam mille quingentis annis? Tantum nungantur & somniant inter se aliud esse ex Joseph, aliud ex Leui, aliud ex Iuda. Hunc ex domo Aaron, illum ex domo Dauid. Atq; adeo qui nunc vocantur Iudæi non magis sciunt se esse Iudæos quam profelyti, id est, illi
qui

CAPVT M ATTH.

qui ex gentibus apud eos sunt, nempe tantum ex eo quod circumcisi sunt, siquidem ignorant egregie, nec nisi vel erronea vel mala conscientia asserere possunt se esse secundum carnem semen Abrahæ, filios Isaac & Iacob, siue natos se esse ex sanguine Iudæorum. Ut maxime nunc sint aliqui ex sanguine Abrahæ, tamen neq; nos neq; illi ipsi asserere certo possunt hunc vel illum esse ex sanguine Abrahæ, tanta confusio accidit eis.

An ignoratis Historiam vastationis Iudaicæ, per Titum factæ, quam Judeus Iosephus describit? Tunc iudicio Dei perierunt omnes (ut Christus prædixerat) q; nō cognouissent temp^o visitationis suæ, alios pestis, alios famæ, alios seditio & gladius occidit, alij missi sunt in prouincias, ut in spectaculis obijcerentur bestijs lacerandi, reliæ qui venditi sunt gentibus, & in miserâ traditi seruitutem, quid interim fecerunt milites Romani, impij, gentiles

F iiiij cum

ENARRATIO IN I.

cum puellis & matronis, quas non occiderat fames aut gladius? Multæ sunt venditæ, non certe Iudæis, sed gentib. Jude vero non Iudæi, non filij Abraæ, sed Goim, id est, gentes nascebantur. Venditi autem Iudæi si quos generunt filios, vel ex Iudaicis foeminis, si quas habuerunt vel ex gentilibus, tamen scrutute gentilium pressi, non potuerunt seruare suas tribus & sanguinem Iudaicum, tanta enim adulteria Goim id est, gentium, & scortationes cogebantur ferre, ut uiles serui, ut iam dudu ante mille annos nemo ex eis certus fuerit, num ex Abraæ sanguine, aut ex Goim, id est, gentium turpi scortatione natus sit. Vnde quis non videt fieri posse, ut omnes hi nebulones de Abraam gloriantes, qui nunc blasphemant Christum dominum gloriae, non sint ex Abraam secundum carnem, sed ex turpi scortatione Goim, id est, gentium, & ita fieri Dei iudicio, ut cum in synagogis suis & coniuuijs maledicunt Goim, id est, gentibus maledicat sibi ipsis,
id quod

CAPVT MATTH.

id quod tamen præter hoc fit, secundum illud, Maledicent illi, & tu benedices, &c. Hæc dico non tam ut insultem maledicis quam ut indicem, quam horrendo iudicio Dei perierint, qui noluerunt suscipere saluatorem. Sicut sacra eorum ita uastata sunt, ut non mansebit lapis super lapidem, ita & sanguis Abraæ in maledicta posteritate, ita à Deo abiectus est, ut iam nusquam possit agnosciri, quemadmodum ista à sanctis Prophetis prædicta sunt. Egregie igitur expectat Messiam ista fex & desplorata turba, Sed quid faciet eis ille, quem singunt Messias, ex viro & foemina, ut alij homines natus?

Sed reuertamur ad vocabulum Alma. Vbi vident blasphemii Iudæi, se non posse consistere contra certas scripturas, incipiunt querere alias scripturas, quas possint iuis fictis interpretationibus torquere & retorquere, ut imperitis ex locis obscuris & incertis, obscurent certissima, quæ diximus, no quod

F v quod

ENARRATIO IN I.

quod ipsi suis cauillis vertendo & per-
uertendo eas in alienos & indignos ra-
piant sensus. Huius generis tantum
vnum locum habent Proverb. xxx.
vbi sic dicitur. Tria sunt apud me mi-
rabilia, imò quatuor quæ ignoro, Via
aquilæ in coelo, Via serpentis super pe-
tram, Via nauis in medio maris & via
viri erga Alma. Talis quoq; est via
mulieris adulteræ, quæ conquit & ter-
git os suum, & dicit, Non sum operata
malum.

Hic viam viri erga Alma, ex-
ponunt turpisime de coitu, ut loeat
ipsis blasphemare, cum tamen nus-
quam in tota sacra scriptura via viri
hoc significet. Et ut triumphent, Allo-
qui (inquiunt) cur statim fieret mentio
adulteræ? Et quidam ex nostris, dum
volunt scribere contra Iudeos, dede-
runt hic Iudeis blasphemandi ansam,
intempestiuis allegorijs, quas hic de
Christo singunt, relicto grammatico
& vero verborum sensu, quæ vide in
expositio-

CAPVT MATTH.

expositione Lyrani, ne frustra hic per-
dam tempus.

Sententia est. Sicut via aquilæ in
in aere est incognita, & via serpentis
supra petram, & via nauis in medio
maris, ita & multo amplius est mihi
ignota via alicuius viri erga Alma, id
est, adolescentulam virginem. Hac
via viri non est coitus & corruptio,
Huius em signa deprehendi possunt,
sed potius est amor viri ambientis for-
mosam virginem, & affectu illo labo-
rantis, quem aliis nec cogitatione, nec
verbis assequi potest, atq; adeo nec ipse
qui expertus est, potest postea satis
nosse aut dicere, quemadmodū fuerit
affectus erga Alma, Interim in omnib.
quæ facit, cogitat, loquitur, somniat de
dilecta, quemadmodum & nos de tali
dicimus. Totus est in sponsa. Sicut
Poeta dixit, Iam dudum animus est in
patinis.

De hoc affectu per translationem
dicitur in Psalmo. Et concipiscet Rex
decorum tuum. Et sponsa in cantis
dicit,

ENARRATIO IN L.

dicit, Amore langueo. An nō vulgarissimum est in scripturis viam, cum de homine sit sermo, significare affectum, modum, mores, vitam, actiones, doctrinam, religionem, &c. secundum verba quibus additur, ut in Psal. i. via peccatorū, via impiorum, via iustorum. Hinc saepe legis viam bonam, & viam malam in Proverbiis, & fere ubique in scripturis. Lutherus paulo aliter hoc interpretatur in SchemHamphoras. Cur ergo hic usam viri interpretaremur contra consuetudinem scripturarē, ut & hic cogeremur postea dicere Alma significare, quod nusquam in tota scriptura significat?

Quod autem additur de adulteria quintum, non comparatur vel similis esse dicitur adultera iuuenitiae, ut & haec intelligatur corrupta, sed simpliciter & manifeste, id quod nemo negare potest, confertur via adulterae, quae nondum copræhensa est in adulterio, sed arte fallit & negare potest, cum via viri ambientis iuuenitiam virginem

in

CAPVT MATTH.

in uxorem, & confertur non ad aliud quam ad hoc quod sit via ignota. Sicut (inquit) ignota est via aquilæ, serpentis, nauis. Ita ignoratur via siue affectus viri erga adolescentulam virginem. Si militer ignoratur quid faciat & quam sit affecta mulier, oblita pacti Dei sui, contra quam nemo potest certo testis sicari. Non enim de quacumque adulteria dicit, sed de occulta, quæ ait, Non sum operata malum. Ideo Iudei suspicaces habebant durissimam zelotypam legem, contra suspectas uxores, Nu. v. Non ergo hic turpia conferuntur, sed quinque dicuntur ignorata, & hoc dicitur. Sicut ignoratur ab alijs amor honestus viri erga virginem quam ambit uxorem, & tamen verus amator est, ita etiam ignoratur turpitudo adulteræ non deprehensæ, & tamen vera adulteria est. Hoc est quod sapiens miratur, Vides mus homines & bonos & malos & tandem ignoramus quid intus sint, secundum illud, i. Reg. xv. Homo videt ea quæ parent, Deus autem iuuetur cor.

Nihil

ENARRATIO IN I.

Nihil igitur hoc loco cogebat nebulae ex Alma facere corruptam , quam nusquam in scripturis significat.

Almoth vel Alamothe in canticis significant regales virgines , quae ad pompam regiam & gloriam aulæ pertinent. Et velint nolunt isti indocti , qui sex sunt iudeorum , ex eisdem canticis certissime declaro Almoth virgines significare. Sic ibi dicitur capite iecto . Sexaginta sunt reginæ , & octoginta concubinæ & Almoth , id est , adolescentularum non est numerus . In Canticis Canticorum Iudei recte fatentur nihil turpe describi , sed illa Canticum esse divina , quæ & in Ecclesia semper habita sunt in scripturis sacris .

Dicant ergo hic quid sunt Almoth . Si non sunt virgines . Nam neq; reginæ sunt neq; concubinæ quæ certo comprehenduntur numero , sed sunt Almoth , quarum non est numerus . Memineris autem & concubinas esse in scripturis vxores , sed Dominae & heredes .

CAPVT MATTH.

heredes non sunt cum filijs suis , accipiunt vero munera , vt apud hosce Germanos fœminæ nobilissimum dotem & alia , quemadmodum legis de filiis concubinarum Abrae Gene . xxv . Si ergo Almoth sunt , hic corruptæ mulieres , id est , non virgines , & non sunt neq; reginæ neq; concubinæ , cum quibus laudantur , vt amatæ & formosæ , tantum una præfertur omnibus , licet amatis & formosis , quid quæso sunt nisi turpia scorta ? Et ne trahas hæc ad Historiam Salomonis , ij . Reg . xi . scito quod illuc mentio sit nulle vxorum , inter quas sunt illæ , quas Lex prohibet propter idolatriam . Adolescentularum autem siue Almoth , ibi nulla est mentio .

Egregiam vero laudem expressit nobis Regius amator , & spiritus S. quo sacra scriptura prodita est , si voleuit nobis commendatum scortorum innumerabilium gregem contra Dei præceptum . Non cōmittes adulteriū , & contra illam legem , Deute . xxij .

Non

ENARRATIO IN L

Non erit meretrix de filiabus Israel,
nec scortator de filijs Israel. Et Leuit.
xxvi. Sacerdos scortum aut viciatam
non ducet vxorem aut repudiatam ab
alio. Sacerdotis filia, si deprehensa fu-
erit in stupro, flammis exuretur, quia
violauit nomē patris sui? Vbi sp̄ritus
sanctus honestissimam domum vult
sacerdotis pr̄e alijs honestis domibus,
ibi non solum scortum non vult duci
vxorem, sed ne viciatā quidem, etiam
si honestissima vim paſſa sit nō volēs,
aut repudiatam ab alio utcunq; absq;
sua culpa. Summo vero sacerdoti etiā
viduam prohibet, licet honestissimā,
scilicet hic in spirituali Cantico scorto-
rum greges nobis cōmendarer. Relin-
quitur ergo hic Almoth certissime vir-
gines esse, quando neq; reginæ neq;
concubinæ sunt, & scorta esse nō pos-
sunt. Et sunt in Regali pompa Al-
moth, quæ in alio spirituali cantico,
nempe Psal. xlvi. Bethuloth scribuntur
in simili spirituali pompa, vbi sic legi-
mus. Virgines post eam, &c. Quis nūc
certiora

CAPVT MATTH.

certiora vellet de vocabulo Alma?

Verum qui doctiores sunt inter
Iudeos hæc norunt, nempe vocabulū
Alma significare virginem, sed non
anum virginem, quemadmodū dixi-
mus. At non ferentes tam clarum te-
stimonium quidam sic cauillantur.
Esto Alma significet virginem, tamen
ne sic quidem vos Christiani ex Esaia
habetis aut defendere potestis, q; virgo
concepit, & virgo peperit, aut concep-
tura virgo dicitur & paritura. Nam
verba Prophetæ sic possunt intelligi.
Ecce virgo, id est, quæ nunc est virgo
concipiet aliquando & pariet post duos,
tres vel decem annos videlicet ex ma-
rito. Egregium scilicet Messiam ex-
pectant ex immundo conceptum semi-
ne, qui nō possit saluare populum sūt
à peccatis, vt qui ipse in peccato sit con-
ceptus.

Hic certe cum de Esaiae verbis lo-
quuntur, non debent citare nostros
textus aut Euangeli Matthæi trans-
lationem, quam vident suæ calumniæ

G aptam,

ENARRATIO IN I.

aptam. Nam Apostoli sancti sape nō verba, sed verborum sententias nobis ex Hebreo reddiderūt, nihil morati p ex hoc offenderetur siue Iudeus, siue alius incredulus scientes cum Paulo, i. Cor. xiiiij. p prophetiae datae sunt non incredulis, sed creditibus. Quamuis autem hæc sit nebulonum manifesta cauillatio & sophistica calumnia ita ut ridiculus sit qui censeat eos esse refellendos, & nō potius contemnendos & ridendos, tamē spiritus sanctus per os Esaiæ de hac Alma & hac conceptione & partu sic locutus est, vt ne ista quidē ridicula cauillatio locū habere possit. Nam sic habet Esaias in Hebreo. Ecce virgo pregnans est & pariens filium, & ipsa vocabit nomen eius Emmanuel. Audisne infelix Iudæ, virginem grauidam & parentem, quod miraculum Propheta videt coram in spiritu, vt obstruatur tibi os blasphemum?

Post vero hæc omnia clamant insani contra nos. Vester (inquit)
 Messias,

CAPVT MATTH.

Messias, non Emmanuel dictus est, sed Jesus, id quod & vos fatemini, ergo p̄phetia Esaiæ, quæ dicit nomen filij vocandum Emmanuel, nihil pertinet ad eum. Rursum hæc vel turpis ignorantia est vel impudens calumnia. Nam & ipsi more scripturæ vni personæ plura nomina tribuunt etiam propria. Et præterea quæ Latini vocantur prenomina, cognomina & agnomina, propter naturam, virtutem, euentum aut officium attributa, & quicquid de aliquo predicatur apud homines. Hebrew & sacrae literæ dicunt uno vocabulo nomen siue vocationem vel appellacionem quemadmodū Ecelesiastes cap. viiij. dicit. Melius est nomen bonum, quam vnguentum preciosum. Sic Christus dicit, Beatus pacifici, quoniam filii Dei vocabuntur. Qui itinerim tamē vocantur Iohannes, Petrus, Hanna, &c. Ego scilicet eum qui Petrus vocatur, & Simon Bariona, non etiam vocabo Apostolum? Non veritus est Matthæus in codem loco citare Prophetam quod

G. 11.

Christus

ENARRATIO IN L

Christus vocandus sit Emmanuel, & narrare q̄ angelus iussorūt cum vocari Iesum. Similiter & Lucas in vno & eodē loco narrat angelum Mariæ dixisse. Et vocabis nomē eius Iesum. Et tamē mox addidisse. Hic erit magnus, & filius altissimi vocabitur. Postulent hic ineptuli, vt qui Iesus vocatur, non debeat vocari filius Dei, sicut illiū qui Emmanuel vocatur, nō vocetur Iesus, atq̄ adeo quia Iesus vocatur, non vocetur Christus, vt rursum accūsent Mattheum, qui dixit. De qua natus est Iesus qui vocatur Christus. Sic neq; Saluator, neq; Deus, neq; homo, neq; Propheta vocabitur, q̄a vocatur Iesus. Id quod more sacræ scripturae perinde fuerit q. d. qui vocatur Nicolaus non potest esse prædicator, vel Consul vel sutor, imōne homo quidē. Et qui cunḡ dixerit vel (vt Hebrei loquuntur) vocauerit eum hominem, is mentitur, quia non homo, sed Nicolaus est nō menētus.

Si hæc ignorant, sunt stupidissi-
mi

CAPVT MATTH.

mi asini, sed ignorare nō possunt, ergo sunt calumniatores & mendaces ex patre suo diabolo. Cur non potius accusant suos Prophetas & sacram scripturam, qui multo pluribus nominib. vocant siue appellant Messiam? Iacob vocat eum Silo. Gene. xl ix. Ergo, secundum istos, Esaias non debuit eum vocare Emmanuel, & postquam vocauit eum Emmanuel, nō debuit de eo dicere, cap. ix. Et vocabitur nō men eius, Admirabilis, Consiliarius, Deus, Fortis, Pater in perpetuū, Princeps pacis. Nec Ieremias cap. xxiiij. de Christo filio David. Et hoc est nomen eius, quod vocabunt eum, Dominus iusticia nostra. Nomen itaq; rei, vt dixi, apud Hebraeos est fama, & quicquid vere de re dici aut prædicari potest, & falsum nomen vocant falsam de re prædicationem aut famam, & malum nomen famam malam. Sic oramus, Pater, sanctificetur nomē tuum. Item in Psalmo. Deus in nomine tuo saluū me fac, id est, per potentiam & gratiā, G que

ENARRATIO IN E

qua de te prædicatur & creditur , ut
amplius glorificeris . Item propter glo-
riam nominis tui Domine libera nos .
Et Apoc . iij . dicitur angelo Sardiensis
Ecclesiæ . Nomen habes q̄ vias &
mortuis es .

Quando igitur legis Christum
vocandū filium Dei aut Deum , quem
admodū Iehoua eum vocat Ierealias ,
non intelligitur absq; re talem tantum
nominationē habiturū , quemadmodū
aliquis nebulo calumniari posset cōtra
morem scripturæ , quasi sit impositū ab
homīnibus propriū nomen , sed potius
spiritus S. prædicit hoc apud homines
credendū , prædicandū , fatendū de eo ,
quod ipse vere est , vt q̄ hactenus igno-
ratus fuit mundo , nunc agnoscatur &
prædicetur Deus & homo , verbū caro
factū , id quod est vere vocari Emma-
nuel , nobiscū Deū , Iesum saluante
nos a peccatis nostris , & recōciliantem
Patri , q̄ antea per legē damnantē nos
nō aliud agnoscebatur quam cōtrari-
us & alienus à nobis , neq; adhuc alicui
Deus

CAPVT MATTH.

Deus pater est , antequam hic filius vir-
ginis vocetur , id est prædictetur ipsi &
agnoscatur filius Dei nobiscum Deus .
Lex enim est durus pædagogus , sed
tantū vsc̄ ad Christum , vt Galatis di-
citur . Sic & de alijs Christi nominibus ,
intellige quod talis esse inuulgabitur ,
prædicabitur , credetur , agnosceretur .

Dicant nunc Iudæi , quem alium
possint ostendere nobis , qui sic vocat⁹
sit . id est , prædicatus ab hominibus in
mundo , quemadmodū Prophetæ præ-
dicent . Quando aut̄ Saluator noster ita
vocatur id est , talis prædicatur & credi-
tur , à fidelibus & Iudæis & gentibus ,
Cur nō & ista Iudæorū sex . relicta hor-
renda blasphemia suscipit ad vitam
quem pater nobis misit , quemadmodū
in Lege & Prophetis promiserat ?

Vocatur autem Emmanuel , pri-
mum à matre sua virginē . Sic enim est
in Hebræo . Et ipsa scilicet virgo voca-
bit nomen filij sui Emmanuel quia ip-
sa incarnatum filium Dei & suum pri-
mum cognovit , adorauit , & gauisa est

G iij de hac

ENARRATIO IN I.

de hac hominum gloria & salute. Sic & angelus dicit ad Mariam virginem, Tu vocabis nomen eius Iesum. Quod autem primum mater agnouit, postea agnatum est & predicatum a Iudatis & gentibus, quemadmodum idem Esaias, cap. ix, dicit. Et vocabitur Admirabilis, &c. Et Iere. Hoc est nomen quod vocabunt eum &c. Hoc interim est quod Matthaeus non verba Esiae, ut dixi, sed sententiam referens dicit. Et vocabitur nomen &c. vel ut constanter habent græca exemplaria. Et vocabunt nomine eius Emmanuel. De quo salutis nostre mysterio Paulus i. Timo. iiiij. Re vera magnū est pietatis mysterium, manifestatum in carne, iustificatum in spiritu, visum angelis, praedicatum gentibus, creditum in mundo, receptū in gloria. Hæc hactenus diximus contra blasphemiam Iudæorum, pro veritate verborum Esiae & Matthei, quæ patrem excludunt, & solius matris filii meminerunt, ut necesse sit eam esse virginem, quibus confirmatur articulus fidei nostra

CAPVT MATTH.

nostre, quo confitemur Christum unicum Dei filium conceptū de spiritu S. natū ex Maria virgine, ut habitaret in nobis, ut dixit Iohannes, Verbum caro factum est, & habitauit in nobis, & saluaret verus Iesus a peccatis populi suum, id est, in ipsum credentes, hoc est ipse conceptione & nativitate mundus (de quo dicitur, i. Corin. xv. Secundus homo de cœlo cœlestis) sanctificaret & reconciliaret patri nos in peccatis conceptos & natos, & ipsa origine ex

Adam, primo ex terra homine,
damnatos, Id quod vere est
cum esse Emmanuelem, id
est, nobiscum Deum,
quemadmodum &
ipse praedicatur
per totum
mundū
in
Ecclesia sanctorum.

CAPVT II.

Gv IN

ENARRATIO IN II.



N die Epiphanię Do
minū, soleimus multa
canere & legere, ex
Esaia. Surge illuminare &c. ex Psalmo,
Reges tharsis &c. ac
similia quæ vulgo
credunt de his Magis tantum esse præ
dicta, cum tamen de vocatione omnium
gentium ad Christum vocandarū in
telligenda sint, quartū hi Magi cum suis
comitibus fuerunt primiti postquam
verbum fuerat caro factum. Nam
Prophetæ suis Iudeis vaticinantes de
futura gentium salute, sæpe eas gentes
nominatim exprimunt, quæ eis vicinæ
erant & inimicissime, ut suos admira
tione suspendant, q[uod] atrociissimi & no
centiissimi hostes accessuri prædictur
ad populu Dei, Deumq[ue] glorificaturi.
Exprimunt itaq[ue] nominatim sæpe Ba
bylonios, Aethiopes, Syrios, Edumeos
Palestinos siue Philistijm, Moabitas,
Ammonitas, Cedar siue Iudaicas,
qui &

CAPVT MATTH.

qui & Agareni sunt, & nunc Saraceni
volunt appellari &c.

Dicamus ergo hic de vocatione
gentium, cuius meminisse nos gentes
debemus cum summa erga Deum gra
tiarum actione, ad confirmandam ex
verbo Dei fidem nostram. Nam Lu
cas cum de infirmitate saluatoris agit, de
scribit primum vocatos Iudeos pasto
res ad præsepe Christi angelorum re
velatione, & prædicatum a pastoribus
Christum in Bethlehem & vicinia eius,
prædicatum quoq[ue] a Simeone sancto,
& Hanna prophetisa in templo Hiero
sologmorum. Matthæus autem & nos
gentes vocatos, hac historia mirabili
nobis describit.

PRIMO. Contra Iudeos & dis
putationes Satanæ simus armati, q[uod] lis
cer Iudei haberet oracula Dei, id quod
Ro. iij. magna prærogativa eorū dicitur
tamen eadē Dei oracula promis
tavit & gentibus salutem. Testamentū
hoc promissionum salutis, erat cōmu
ne & Iudeis & gentibus, ceu fratribus
vniuers

ENARRATIO IN IL

vnius patris filii. Sed illi quasi praesentes, ut dicitur Eph. ii. testamentum legebant. Nos vero quasi absentes hoc ignorabamus, nihil tamen minus hoc erat gentium quam Iudeorum. Sed in tempore a saeculis praeordinato reuelandum & in toto mundo praeedicandū.

Vbi erant Iudei quando Deus dixit in paradiſo serpenti, Semen mulieris conteret caput tuum? An nō totum genus humanum sub peccatum vendicū iam erat sub serpente, id est, diabolo qui mortis habet imperium? Hoc imperium auferendum promittitur a ceruice omniū hominum per semen mulieris Christum. Et ad Abram certe nō Iudeū aut circumcisum, neq; de solis Iudeis dicitur. Gene. xij. Faciam te in gentem magnam, & in te benedicentur vniuersa cognationes terræ. Hoc intelligentes sancti Prophetæ sape prædicunt futuram salutē & benedictionē gentibus. Sic enim ait Psalmus de Christo, Et adorabit eum omnes Reges, omnes gentes seruiet ei.

Item

CAPVT MATTH.

Item, Reminiscentur & conuertentur ad Dominum vniuersi fines terræ. Quoniam Domini est regnum & ipse dominabitur gentium. Item Postula mihi & dabo tibi gentes hæreditatem tuam & possessionem tuam terminos terræ. Et Isa. cap. xi. In eum gentes sperabunt. Et cap. xl ix. Parum est ut sis mihi seruus ad fuscitandas tribus Jacob, & feces Israel conuertendas. Dedi te in lucem gentium, ut sis salus mea usq; ad extremū terræ. Item liij. Lauda sterilis quæ nō paris, &c. Item lx. Et ambulabunt gentes in lumine tuo &c. Item lxv. Quæsierunt me qui ante nō interrogabant, &c. Et Osee i. Et erit, in loco vbi dictum est, Non populus meus vos, ibi vocabuntur filii Dei viuentis. Lege Paulum Eph. ii. Hic cum Paulo fideanter dicimus. Ro. ii. An Iudeorum tantum est Deus? un non & gentium?

SECUNDO. Cum gentiles legis & audis, intellige, id quod res clamat postulam impium, ignorantem Dei sine Deo,

ENARRATIO IN II.

Deo, sine Christo, sine spiritu sancto,
ut dicitur Ephe.ij. plane populum dia-
boli & damnatum, quibus dicit Paulus
i. Cor. xij. Scitis q̄ gentes fuistis, ad si-
mulachra muta, prout ducebamini
euntes.

TERTIO. Certum est ergo cum
audis gentes vocatas, & à Deo suscep-
tas, nullo suo merito aut propter bona
opera eas suscepas, sed sola gratia
Dei, qui, ut dicitur Ephe. i. Dilexit
nos in Christo ante constitutionem
mundi, in laudem gloriae gratiae sua-
qua gratos reddidit nos in dilecto filio
suo, &c. Lege Ro. ix.

QUARTO. Certum est & hoc, q̄
sine lege gentes susceptae sint per fidem.
Atq; hic tantū abest ut glorie ut contra
gentes Iudei, ut ipsi sectādo legē iusti-
cīæ ad legē iustitiae nō puenerint, quia
non ex fide, sed tanq; ex operibus legis
quesierunt iusticiā impingentes in lapi-
dem offensionis. Gentes autē quae nō
sectabantur iusticiam, apprehenderūt
iusticiam, iusticiam autē vanam, quae est

cū

CAPVT MATTH.

ex fide, ut hæc legis Ro. ix. quæ de rea-
probatione Iudæorū & electione gen-
tium repetenda sunt, cap. viij. Matthæi
in historia Centurionis. Ut uideas nūc
illud Ro. ij. Omnes & Iudei, & gentes
peccauerunt, & vacant gloria Dei.
Iustificantur autē gratis, per gratiam
ipsius, per redemptionem, qua est in
Christo Iesu, &c. Nunquā in eternum
erit peccatorum alia iustificatio coram
Deo, id quod ex prædicatione Euange-
lij, siue gratiæ, & propria experientiæ
fatentur nobiscum omnes conscientiæ
Sanctorū, siue iustificatorum, ut omne
obstruatur, & subditus fiat Deo to-
tus mundus, quia ex operibus legis nō
iustificabitur omnis caro coram Deo.
Si nō ex operibus Legis dituus multo
minus ex operibus legum humanarū,
minus ex quibus dicit Dominus, Frustra cos-
lunt me, docentes doctrinas & mandas-
ta hominum.

QVINTO. Queris quomodo hi
Magi facti sint credentes, siue petue-
nent ad fidem. Respondeo, sicut nos,
quem-

ENARRATIO IN II.

quemadmodū Pau. Ro. x. dicit. Quo modo credent in eum, de quo nō audierunt? Fides est ex auditū, auditus autem per verbum Dei. Alio quidem modo quam publica prædicatione per uenit ad eos verbum, & bona erga ipsos voluntas Dei, sed tamē peruenisse certum est ex hac Historia. Nam licet forte ex suis patribus habuerint verbū de venturo salvatore & Deum timuerint, quemadmodū Abinilech Gene. xx. & ille Gene. xxvi. & Iob. &c. tamē hoc asserere non possumus. Hoc vero certum est, q̄ cum stella habuerint reuelatum verbum Dei siue vocale, siue occulto spiritu inspiratū. Alioqui solū ex visa stella, licet noua & admirabilē nō potuissent scire Regem natū Iudaeorum quemadmodū se scire fatentur, multo minus se ad illum R̄gem Iudeorum pertinere, cum essent non Iudei, sed gentes, quemadmodū se ad eū pertinere fatentur. Venimus (inquit) adorare eum. Ex ipsis itaq; siue reuelatione Dei concipiunt fidē & stellā

ceu

CAPVT MATTH.

ceu signo gratiae & sacramento confirmantur in fide sua, quemadmodum dicitur. Videntes stellam gauisi sunt gaudio magno valde. Hoc est gaudium conscientiae in spiritu S. Sicut vero credunt, ita & confitentur suam fidem etiam illic vbi eis est periculum vitæ. nempe in regia ciuitate Ierusalem, vbi rex habitat Herodes, vbi certe crimen laese maiestatis est alium nominare Regem, & velle adorare. Corde, ait Paulus, creditur ad iusticiam, ore fit confessio ad salutem.

SExto. Postquam hi Magi ex impijs pñj, ex infidelibus fideles facti sunt, iam suscepti à Deo, & filij Dei facti, vide quemadmodum noua via testentur suam fidem, & ipso fructu declarent se esse per gratiam Dei arbores bonas esse factos. Nam stella duce, & reuelatione Dei ad puerū Iesum perducti, nihil offenduntur formis despectis & vilibus, nempe paupertate & imbecillitate pueri; squalore & foetore respectissimi vel stabuli, vel cubiculi,

H

cum

ENARRATIO IN II.

cum hic nihil interim esset quod non
egregie contemnendū duceret huma-
na ratio, ut videoas veram, solidam &
constantem fuisse fidem, sed procidūt
& adorant puerum. Vera enim fides
& confessio non potest non adorare
Deum, & Christū Dominū, atq; adeo
ipsa est adoratio, etiam si non procidas
corpo. Agnosce Deum patrem in
Christo, & Christum iusticiam tuam,
ita vere adoras.

Item, offerunt parvulo ex thezau-
ris suis munera, aurū, thus' & myrrā,
coſulentes ſimul & paupertati & odo-
ri loci, vt nunc nihil aliud dicam aut
longius repetam, quę varia hic de hisce
muneribus dici solent. Et Christus per
petuo ſuorum fideliū bona opera ſive
beneficia proximis indigentibus im-
pensa pro muneribus, imō sacrificiq;,
vt tibi exhibitis acceptat. Sic enim ait,
Quod vni ex minimis meis feciſtis,
mihi feciſtis. Eluriui & dediſtis mihi
manducare, &c.

Item, video eos porro credere verbo
Dicit

CAPVT MATTH.

Dei & amare verbum, quia credunt
oraculo Dei, quod poſtea accipiunt in
ſomniſ, cum contra de quibusdā dicat
Christus, q; ad tempus credunt, & in
tempore temptationis recedunt.

In iſtis scandalis, quod illie vident
omnia despecta, q; nullum ex Iudeis
vident querere ſuum Regem natum,
quod vident ab Herode iſtidias ſtruī
querentibus Christum, tamē conſan-
tes in fide perdurant, ſecundum illud
Pſalmi. Pax multa diſligentibus legem
tuā, & non eſt illis scandalū, id eſt, neq;
potentia mundi, neq; aſtutia ſeduca-
tur à lege, id eſt, verbo Dei, tantū abeſt
vt resiliant offenſi fratrū imbecillitate.

Neq; vero hi Magi iam ad Chri-
ſtum conuerſi, nunc excogitant ſuper-
ſtioſum aliquod viuendi genus, reli-
cta ſui vocatione alijs utili, vt Papifti-
cum vulgus cum ſuis monachis faciūt,
& ſimiſiter hodie Anabaptiſtæ, ſed di-
uitio verbo admoniti reuertuntur in
regionem ſuam, atq; adeo prohibetur
vel in Bethlehem vel alibi in Iudea
Hij manere,

ENARRATIO IN II.

manere. Non dubito istos sapientes in sua regione seruiuisse reipublicæ. Hoc scilicet officiū seruendi alijs relinquerent, & singeret se relinquere mundū, quemadmodū ociosi homines sine fide apud nos faciunt, sub specie cultus Dei contra Dei verbum & voluntatem, & contra rationem sanae fidei, eum cōtra Deus velit nos alijs seruire? Propter Christum, & propterea q̄ Christianus factus es, non est opus, vt mutes tui vocationem, quēadmodū Paulus scribit, i. Cor. vii.

Sic pastores, de quibus Lucas scribit, postquam coelesti reuelatione ad Christum perducti sunt, summeq; per hoc à Deo honorati, non commenti sunt aliquam nouam religionem, sed sentientes veram & solam religionem esse credere in illum qui ipsis manifestatus erat, hoc est, in Christum pro nobis incarnatum confitentur diuulgant, ita ut mirentur quotquot eos audiunt. Hęc est confessio fidei. Et revertuntur ad suum gregem seruientes suae vocatiōnē &

CAPVT MATTH.

tioni, & contenti sua sorte, donec Deus voluerit aut dederit meliora, quemadmodum Paulus ait, Si potes liber fieri, magis vtere.

Anabaptistæ insanía sua faciunt homines in hac vita & conuersatione politica æquales, nolunt seruos obediere, cuius contrarium vides in his pastoribus, nolunt dominos gubernare, cuius contrarium vides in hisce Magis, Quiscq; hie, siue Iudeus, siue gentilis, siue dominus siue seruus redit ad sui vocationem.

Hoc tamen interim est verum, Post conuersionem, id est, postquam credidisti in Deum per Christum non est redeundū ad infidelitatem, ad idolatriam, ad damnatos errores, ad blasphemias, ad inobedientiam, ad scelerā & turpitudines. Alioqui quæ esset hac conuersio, quæ potius esset aueratio à Dto: aut ubi in talibus maneret fides? Non neganda quidem est poenitentia lapsis, neq; sentiendum q̄ homo in hac vita possit esse perfectus absq; peccato

H in sed,

ENARRARIO IN II.

Sed Christianus suam fragilitatem nō amat, & suos errores & peccata damnat, fidens misericordia Dei perpetuo, & certo credens remissionem peccatorum. Atq; hoc est expressum de istis beatis Magis in eo, q; verbo siue oraculo Dei admoniti sunt, ne reuertatur ad Herodem, id est, impietatem quae sic ipsos perditura.

Hæc interim dico, ne quis has bonas arbores, nempe vocatas ad fidem gentes, putet nō producere bonū fructum, id est, bona opera. Sed bona opera nō iustificant coram Deo, sed cum fiunt a iustificatis fide filiis Dei, iustificantur ipsa, vt sint iusta & bona opera. Siquidem persona placet per fidem Christi, & opera placent propter personam operantem. Alioqui, quicquid non est ex fide, peccatum est. Operi iustificatorū filiorū Dei, sunt iustificatae non iustificans coram Deo, sed iustificata à Deo, & accepta facta propria filios Dei operantes, quæ etiam haberent quandoq; suras ex gratia promissione de quibus alias.

Hacten

CAPVT MATTH.

Hactenus hæc de fide & vocatione gentium, & de bonis operibus fidelitatis. Reliqua quæ hic pertinent, vide in Postilla.

CVM natus esset Iesus. Hoc est lætum Euangelium. Illum scilicet esse natum, quem Lex & Prophetæ prædicterant Iesum, id est, iustificatorem, Ro. iii.

IN diebus Herodis Regis. Sic & Lucas exorditur. Erat in diebus Herodis Regis, &c. Significant autem Euangelistæ tempus tunc fuisse ut niret Christus, cum describunt alienigenam per Romanorū potestatem in Iudæa regnasse, secundū prophetani Jacob, Gene. xlix. Non auferetur Scriptum de Iuda, &c. Et Esa. xi. Egreditur virga de radice Iesse, id est, ex iam bene mortuo truncō propagati regni Davidis &c. Hoc tempus significant nobis hebdomadæ Danielis.

IN Bethleem Iudææ.
Sicut tempus nativitatis Christi, ita &

H. viii locum

ENARRATIO IN II.

locum significat, quem Micheas cap. v.^a prædixerat. Gentes quærunt Christū, Iudei turbantur, quæ ita à Prophetis ut supra diximus erant prædicta. Hæc omnia Mattheus significat, vt sciamus hunc esse Christum, ex spíritu sancto à Prophetis prædictum &c.

AB oriente Magi. Respectu Hierosolymorū Chaldaei & Perſae ad orientem iacent, illuc quos græci Philosophos vocant, Magi vocantur, Sunt autem doctores populi, Consiliarij Regum vel etiam Sacerdotes, maxima autoritate viri, de quibus ita ait Strabo li. xi. Parthorum collegium (ut Possidoniū refert) duplex est, alterum affiniū, alterum Magorum, ac sapientum, e quibus utrīscq; Reges sunt.

Venerunt Hierosolymā. Quasi tantus Rex quem quærebant, non nisi in Regia ciuitate & totius regni metropoli nasci deberet. Sic enim iudicat caro sine Dei verbo de Ecclesia, q; illic sit ubi pompam ceremoniarū, & splendorem cultuum videt. Sed spíritus nouit

CAPVT MATTH.

nouit articulum esse fidei, Credo sanctam Ecclesiam catholicam. Fide opus est, vt sanctam Ecclesiam agnoscas, cuius faciem vides ubi Euangeliū prædicatur, & Sacramenta Christi rite administrantur secundum Christi institutionem, vtcungq; cætera interim respecta apparent. Non ita gloria Ierusalem nascitur Christus, sed in respectu Bethleem, non in aula, sed in stabulo, & reuelatur non superbis & sapientibus, sed parvulis nempe pastoriis, non sanctulis & sua iustitia præsumentibus, sed peccatoribus, nempe Magis gentilibus. Vis scire ubi sit Ecclesia, in qua Christus est usq; ad consummationem seculi, nō interroga rationem, quæ pompam & speciem spectat, sed interroga verbum Dei. Hic ratio somniat Christum in Ierusalem natum, ideo illò veniunt Magi, sed verbum Dei ex Michea dieit Bethleem esse locum nativitatis eius. Sine verbo omnia sunt incerta, vtcungq; videantur habere rationem sapientia. Verbum

ENARRATIO IN II.

autem certificat conscientiam, illuminat
veritatem, laetificat promissione, quem
admodum hic sit Magis, Postquam au-
dierunt prophetiam & credunt, obedien-
tes verbo, abeunt Bethleem, stella
prius in oriente visa, rursum apparet,
praecedit, & ad Christum dicit &c.

Vbi, &c. Hæc interrogatio est
intrepida fidei confessio.

TVrbatur Herodes, & Hierosol-
yma cum illo. Infideles de aduentu
Christi, & de prædicatione Euangeliū
gaudere non possunt, vt reuelentur ex
multis cordibus cogitationes.

Tempus Magi indicant.

Locum Iudeorum sacerdotes, vt
sint Iudei inexcusabiles.

Percontans est. Nihil omittit
Herodes iſidias Christo struens, sed ut
dicitur Prover. xxi. Non est sapientia, non
est prudētia, non est cōſiliū contra Dñm.
De malitia cordis humani hic esset di-
cendum, sed alibi hoc faciemus, forte
eu dixerimus de Iohannis decollatiōe.

PVerum dicit. Nam Regem di-
cere fastus non permittebat. Lege

CAPVT MATTH.

Lege Mich. v. vbi Propheta hū
Bethlemiticū ducem ab eterno fuisse,
id est, Deum esse dicit. Quod autem
dicit. Ex te enim, &c. significat ibi na-
sciturum quidem, sed nō ibi mansurū,
quín potius dilatandum etiā in gentes
regnū eius. Sicut & illuc. De Sion
exibit Lex, &c. & illuc. Virgam virtu-
tis tue emittet Dominus ex Zion, &c.

De Stella, vide Postillam.
De herodibus, lege Carionē Philippi.
De tribus donis supra. Alij varie.

ORaculo. Hæc est sollicitudo
Dei patris p̄ fidelibus in quibuscunq;
periculis. Secundū Psal. Cum ipso sum
in tribulatione, &c. Et Esa. xliv. Noli
timere, quia redemi te, & vocauī te no-
mine tuo, meus es tu. Cum transieris
per aquas, tecum ero, & flumina non
operient te. Cum ambulaueris in igne
non combureris & flamma non arde-
bit in te, quia ego dominus Deus tuus,
sanctus Israel, saluator tuus. Sed
hic opus est fide, &c. Sic curat Deus
pro puerō Mose aquis exposito.

Sic

ENARRATIO IN IL.

Sic pro Davide Saulis insidias & persecutio[n]em sustinente. Sic pro Ioseph vendito,&c. H[oc]c permittit Deus & facit, nec tamen credimus.

Digressio. Pratermittit Matthæus de die purificationis, in quo Si meonis & Hannæ oracula cœlestia de pueru Iesu, Hierosolymis oblato, publice audiuntur. Qua fama postea vulgarata, cum nec pastores & qui ab eis auferant tacerent, motus Herodes, & videns sibi illusum esse à Magis, incipit scire in Bethleemiticos paruulos, ut infra dicitur. Illa itaq[ue] Lucas scribit, & interim omittit illa, quæ hic Matthæus scribit de interfectione paruolorum & fuga Christi in Aegyptū. Ergo quod hic legis. Digressio illis, Ecce angelus Domini apparuit, &c. intellige ex Luca factum post purificationē. Et quod Lucas dicit, Et ut perfecrunt omnia secundum legem domini, reuersi sunt in Galilæam in ciuitatem suam Nazareth. Intellige ex Mattheo factum post septem annos, Nam interim post purificationem

CAPVT MATTH.

ficationem abeunt in Aegyptum & manent ibi usq[ue] ad obitum Herodis, & postea reuertuntur in Galilæam, ut infra Matthæus etiam dicit, cum Luca consentiens.

FVge in Aegyptum. Rursum, quod de Magis ante diximus, vides hic solitudinem paternam erga filium. Hoc est quod in Iohanne ipse Christus quandoq[ue] testatur suam horam nondum uenisse. Quo ceu egregio exemplo docemur nos curæ esse Deo, tantu[m] credamus hoc ipsum, & dicamus cum Psalmo, In manibus tuis sunt tempora mea, q. d. non in manibus illorum qui mihi male volunt. Item, Multi dicunt animæ, Non est salus ipsi in Deo. Tu autem Domine scutum es pro me glorificans me & exaltans caput meū, &c. Cum autem venerit hora constituta à Deo ut potiamur, tunc intelligamus, et certo sciamus ceu filij Dei, non à Deo irato hæc incommoda accidere nobis, sed bona patris erga nos voluntate. Quem enim diligit, corripit, &c. & in uoces

ENARRATIO IN II.

uocemus, Pater si fieri potest, transfer
a me calicem istum, veruntamen non
mea, sed tua fiat voluntas. Ne nos in-
ducas in tentationem, sed libera nos a
malo. Si haec crederemus, nihil esset
beatius nobis, siue prospera siue aduer-
sa accidant, &c.

CVm Christus hic fugiat, queris an
fugere liceat persecutionem, lice-
re enim viderur quod Christus facit.
Respondeo, Ex hoc loco siue ex hoc
facto Christi, non tuto confirmabis
conscientiam tuam q̄ fugere liceat, si
non habeas certum de fugiendo ver-
bum, aut certo scias hoc tibi esse liberū
& non prohibitum. Primum q̄ tu
non es Christus. Ipse enim nouist suum
tempus & horam, nec fugis ut aufuge-
ret, sed expectauit horam suam, quem
admodū Ioh. xiiij. dicitur. Sciens Iesus
quod venit hora eius, ut trāseat ex hoc
mundo ad Patrem. Et xvij. Sciens
Iesus omnia quae ventura erant super
ipsum processit ac dixit eis, Quae quae-
ritis? Nā sunt quæda personalia, id est,
quæ

CAPVT MATTH.

uræ faciunt quidam, quæ alijs prohibi-
ta fuit (de miraculis hic non dico) vt q̄
Christus exiit è templo emetes & ven-
dentes. Elias occidit falsos Prophetas
& sacerdotes Baal. Gedeon perdit ad-
uersarios, &c. quæ tamen sua à Deo
mandata habent. Non licet itaq̄ argu-
mentari, Christus hoc fecit, Elias hoc
fecit, Gedeon hoc fecit. Ergo & ego
faciam, vel mihi facere licebit. Multi
licent Magistrati ut habenti potesta-
tem à Deo, quæ non licent priuato ho-
mini.

Deinde hic vides Christum non
sua autoritate fugere in Aegyptum,
sed autoritate & mandato Dei. Siqui-
dem angelus adfert ad Ioseph hoc ver-
bum Dei. Surge & accipe puerum &
matrem eius, & fuge in Aegyptum, &
mane ibi donec aliud iussero. Si tale
verbum habes de fugiendo aut singu-
lare verbum ad te defertur, aut tibi re-
uelatur, non opus habes quæstione an
fugere liceat. Nam per verbum Dei
sancta sint etiam illa quæ alioqui sunt
illicita

ENARRATIO IN II.

Alicita & lege prohibita, vt spoliare & fraudem facere viciniis est prohibitum hac lege. Non furtum facies, quando autem dicit Dominus filii Israhel. Spoliare Aegyptios, & fraudem facite viciniis vestris Aegyptiis. Exo. xi. non solum licet eis, sed etiam debet fraudem facere, & obediendo faciunt opus bonum & sanctum verbo Dei sanctificatum, quod alioqui est pessimum & Dei vindicta dignum, vt ait Paulus, i. Tessa. iiiij.

Non igitur hoc Christi fugientis exemplum soluit questionem an fuge re liceat in persecutione. Neq; enim ipse suam deseruit vocationem aut vere fugit suam quam passurus erat persecutionem, sed cum omnia nosset, suo se seruauit temporis in salute nostrâ.

Quaramus igitur verbum Dei, vt sciamus certo num fugere liceat in persecutione Euangelij, nec ne. Quod fugere liceat, est certum Dei verbum, Matth. x. Si vos persecuti fuerint in hac ciuitate, fugite in aliâ. Item, Si non receperunt

CAPVT MATTH.

recepérint vos, exēentes ex edib⁹ aut ciuitate illa excutire puluerem pedum vestrorum &c. Item, Estote prudētes sicut serpentes. Et cauete ab illis hominibus tradent em vos in cœilia, &c.

Tertullianus in libro de fuga in persecutione, contendit mandatum Christi, Fugite in aliam, tantū esse tem porale, & pertinere tantū ad Aposto los ante passionem Christi in Iudea prædicantes, sicut & illud quod ibidem Christus mandat. In viam gentium ne abieritis, & in ciuitates Samaritanorū ne intraueritis, sed ite potius ad oves perditas domus Israhel. Nam postea ait Christus, Ite in mundum uniuersum, & prædicate Euangelium omni creaturæ. Si ergo (inquit) cessauit exceptio viæ nationū, & in ciuitates Samaritanorum, cur nō cessauerit & fugæ præceptum? At huic responderi potest. De nationibus postea Dominus dixit. Ite ad omnes gentes, Fugæ autem præceptum vel permissionem postea non legitur sustulisse. Non ergo sequitur.

I

Illud

ENARRATIO IN II.

Illud sustulit ergo & hoc. Nam de illo aliud protulit mandatū, hoc autem reliquit intactum. Alioqui si argumen- tum Tertulliani valet, q̄ post missum spiritum sanctum præceptū fugæ ablatum est, quia ablata est prohibitio eundi ad gentes, sunt & reliqua post missum spiritum S. prohibita. Aposto- lis, quæ sunt. Profecti prædicare dicen- tes. Appropinquauit regnū cœlorum. Infirmos sanare, &c. Ecce ego mitto vos, sicut oves in medio luporum, &c. Cum tradiderint vos, ne sitis solicii quomodo aut quid loquamini, &c. Ne metuatis vobis ab his qui occidunt cor- pus, &c. quia hęc omnia eodem conte- xtū illuc p̄cipit Christus. vides absurdā.

Si vero opponis Tertulliano q̄ Paulus accepto sp̄itu S. per importam dimissus fugit, & fratres adiuuant fugam gaudentes, tantū abest ut sentiat se peccare, vt legitur iij. Cor. xiiij. & Act. ix. Respondet Sed idem Paulus Act. xxij. Lachrymantibus & rogantibus fratribus propter Agabus prophetiam respondit.

CAPVT MATTH.

respondit. Quid facitis flentes & afflis- gentes cor meum. Ego vero nō solum vinciri, sed & mori paratus sum Hiero- solymis pro nomine Domini Iesu. Et dixerunt, Domini voluntas fiat, non proposuerunt Paulo mandatū. Fugite in aliam, scientes hoc cessasse. Ita vult Tertullianus clausi clavo tundere, sed ex verbis eius sequitur. Accepto spiri- tu sancto nō licet fugere & cessauit il- lud mandatum vel permisso. Fugite in aliam, Ergo Paulus peccauit fugien- do, & peccarunt alij fratres dimittentes eum in sporta, & peccant isti qui rogat eum ne ascendat Hierosolymam, scien- tes mandatum fugæ cessasse.

Pergit vero Tertullianus. Si (in- quir) voluit Dominus hoc præceptum de fuga perdurare, deliquerūt apostoli qui nō in fine usq; fugere curauerunt. Hoc est nodum in scirpo querere, ca- villari & eludere, nō autē certo dicere. Apostoli (inquit) passi sunt, ergo non fuderunt, cum tamē vtrinq; fecerint, suo tempore pro Christo & eius Ec- clesia

ENARRATIO IN II.

Eclesia sancte & rectissime, neq; scine-
tint quod eos sciuisse ille singit nempe
accepto spiritu sancto cessasse fugae in-
ue mandatum sive permissionem.
Nunquid nobis incognita est historia
Actorum Apostolicorum, vbi scribitur
quemadmodum manifeste spiritus
sanctus in Christi discipulos missus sit?
Nam Tertulliani paracletū Montanis
cum nihil moror. Nonne spiritum S.
aceperunt de quibus scribitur Acto.
viiij. Facta est post Stephani necem per
secutio magna aduersus Ecclesiam, quae
erat Hierosolymis, & omnes dispersi
sunt per regiones Iudaei & Samariae
praeter apostolos? Nee accusantur q;
peccarint fugientes, nec deseruntur a
spiritu sancto, quin potius hac occasio-
ne Deus ad alios quoq; mittit Euange-
lium filij sui. Nam inter illos est Philip-
pus diaconus, qui vt praedicat Christum,
ita mira operatur virtute spiritus san-
cti. Et alij vt scribitur Acto. xi. perue-
niunt ad Iudeos, inter gentes disper-
sus, & usq; ad Antiochiam. Cur his no
persuader

CAPVT MATTH.

persuadet Tertulliani spiritus fugas
præceptum post missum spiritum san-
ctum cessasse. Nonne Paulus & Bar-
nabas ex Iconio fugiunt ad ciuitates
Licaonias cum inteligerent se lapidan-
dos. & Paulus Lystris lapidatus abicit
Derben, Acto. xiiij. Non debuit idem
Paulus cum suo Sila noctu fugere ex
Thessalonica, neq; post ipse solus ex
Berrhaea, dimissus a fratrib. Act. xvij.
Si præceptum fugae erat sublatum, & iam
fugere non licuit accepto spiritu sancto.
Vide postea quam utatur omnibus
psidijs quae Deus interim offert, quam
appellet ad Cæsarem, quemadmodum
insidias Iudeorum per puerum Prae-
fecto prodat, ne occidatur a Iudeis, An
non & hoc est fugere, cauere omnibus
modis ne occidaris? Non igitur agno-
scunt apostoli iussionem Christi cessasse.
Fugite in aliam. Et ne dicas peccasse
apostolos accepto spiritu sancto fugientis
adest Deus suo spiritu fugientis
bus & operatur mirabilia, illaq; fuga
complet cursum prædicationis eorum

I ij

quem

ENARRATIO IN II.

quem eis mandauerat. Fugiūt suo tempore pro Christo & Ecclesia secundum verbum Christi, & patiuntur suo tempore pro Christo & Ecclesia secundum verbum Christi, utrumque mandatum est eis. Matth. x. neutrum mutatum, sicut nec illud. Excute puluerem, &c. ut uides. Acto. xiiij.

Interrogemus & ipsum Christū, qui dixerat. Fugite in aliam, num cessarit hoc siue præceptum siue permissione. Respondet. Non, quia dixi, & postea non mutauī. An no & ipse post datum spiritu sanctum iubet discipulos fuge re, cum de uastatione Hierosolymorū & Iudæorum, quæ post quadraginta annos uentura erat, dicit. Tunc qui in Iudæa sunt, fugiant ad montes, & qui in tecto sunt, non descendant in domū pro tunica ferenda. Væ pregnantibus & nutrientibus in die illa, nimirum quod fugere commode non poterint. Orate ne fuga vestra fiat in hieme vel Sabbato.

Habes itaque de fugiendo certum
Dei

CAPVT MATTH.

Dei verbum, etiam virtutibus & signis confirmatū, quod fugere non sit prohibitū. Nunc si placet, ad huius certi verbi confirmationem adde exempla Christi fugientis & aliorum sanctorū, quemadmodum exempla vidisti apostolorū. Fugio aerem malum, stercus, pestem, ignem, aquam, cruentas bestias. Item fugio famem, ut Abraham Gene. xij. ut Isaac Gene. xxvi. cur no & gladiū, ut hic Christus, ut Iacob Gene. xxvij. ut Moses. Exo. iiij. ut Elias. iiij. Reg. xix. ut centū Prophetæ sub Iezabelis persecutiō occultati per Abdīn. iiij. Reg. xvij. ut David sub Saulis persecutiō, ut sanctus Athanasius, de quo legis in Ecclesiastica historia Eusebīj & Tripartita, quem virum mirabiliter Deus Ecclesiæ per fugam seruauit contra Arrhianos?

At ait Tertullianus. Christus vult nos pati, fugere non est pati. Ex postulet ipse cum Christo qui utrumque discipulis præcepit Matth. x. Mirum vero quid ipsi venerit in mente quod

I

fugere

ENARRATIO IN II.

fugere in persecutione separat a pati,
quasi solum patiatur is qui iugulum
præbet occisoris, quasi vero nihil patia-
tur qui fugatur & ad mortem queritur,
ejectus a possessione, a rebus, ab uxore
& liberis, ab honoribus in exilium &
nusquam tutus est ut David Athana-
sius &c. Certe hic persecutorem quidem
fugit, sed non passionem aut luctum, &
patitur ista Christianus propter Christum & Euangeliū, cuius veritatem
si negare vellet non opus esset ista pati,
neque tamen sic fugit, ut si evadere non
liceat, Christi fidem & verbum verita-
tis negare velit propter quascunq[ue] poe-
nas aut mortem, tantum in ista trepi-
datione orat Deum ut a se transeat ca-
lix iste & ne inducatur in tentationem
sed liberetur a malo. Hic vere est in
numero corū de quibus Christus dicit
Matth. v. Beati qui persecutionem pa-
tiuntur propter iusticiam, quoniam
ipsorum est regnum cœlorum. Beati
estis cum probra iniecerint in vos ho-
mines & insectati fuerint, & dixerint
omne

CAPVT MATTH.

omne verbum malum aduersum vos
mentientes propter me, Gaudete &c.
Et Matth. xix. & Marc. ix. Qui relique
rit domos aut fratres aut sorores aut
patrem aut matrem, aut uxorem aut
liberos aut agros propter me & Euangeliū,
recipiet centupla, nunc in hoc
tempore, dominus & fratres & sorores
& matres & liberos & agros cum per-
secutionibus ac in seculo venturo vitam
æternam. Non dicit fugientem & des-
erentem sua esse sine persecutione, sed
promittit persecutionem patienti q[uod] satis
habiturus sit amissis omnib[us], quocunq[ue]
peruerterit. Siquidem Domini est terra
& plenitudo eius.

Tandem Tertullianus calore di-
sputationis eō vehitur, ut statuat plane
non esse Christianū, nec esse posse qui
paci timet. Hæ sunt enim eius verba.
Non potest qui pati timet, eius esse qui
passus est. At qui pati non timet, iste
perfectus erit in dilectione utiq[ue] Dei.
Perfecta enim dilectio foras mittit ti-
morem, & ideo multi vocati, pauci
I v. vero

ENARRATIO IN II:

vero electi. Non queritur qui latam
via sequi paratus sit, sed qui angustā.
Hęc ille.

Tendunt certe hęc ad doctrinas
dæmoniorum, quę faciunt nobis pec-
cata vbi peccata non sunt, & confiden-
tias faciunt vbi esset timendum. Quid
audio? qui pati timet, id est, qui fugit,
etiam si credat in Christum, & nō velit
negare Euangelium sanctum propter
quamcumq; ignominiam, damnū aut
mortem, tamen nō potest esse Christi.
Item Qui in tales angustias cadit pro-
pter Christum & sustinet damna rerū
atq; exilium & nusquam tutus est, nō
est ex electis, nō ambulat per angusta
portam, sed per latam, per egregias sci-
licet mundi voluptates. Item, talis non
habet perfectam dilectionem, quę si
adesset nullū haberet timorem, secun-
dum verba Iohannis. Egregia scilicet
consolatio pro patientibus exilia pro-
pter Christum? Abraham timet ne
occidant ipsum propter vxorem. Ia-
cob timet & fugit, vt & Moses & Elias

& cen-

CAPVT MATTH.

& centum Prophetę, ergo scilicet non
sunt Dei. De Petro Christus prædictit.
Cuna senueris alius te cinget, & ducet
quo tu nō vis, ergo hic non potest esse
eius qui passus est, id est, Christi, quia
pati timet. Multo minus ille est Dei
qui dicit in Psalmo. Cor meum concur-
batum est in me, & formido mortis ce-
cidit super me. Timor & tremor vene-
runt super me & cotexerunt me tene-
bre. Et dixi, quis dabit mihi pennas si-
c ut columba & auolabo & requiesca.
Ecce elongabo fugientes, & manebo
in solitudine. Expectabo saluamentem
me à pusillaminitate spiritus & tem-
pestate &c.

Certe aliquis potest timere pati
absq; peccato, id quod videmus in
Christo deprecante calicem mortis,
qui omnem infirmitatem nostram as-
sumpsit absq; peccato. Præsumentes
spiritus solent in tentatione & cruce
deficere, vt negator Petrus, Trepidan-
tes autem & de sua virtute desperan-
tes, seq; misericordie Dei comendantes

Deus

ENARRATIO IN II.

Deus in fide confortat, ut postea crucifixum Petrum.

Scribitur Tertullianum occisum pro Christo, id si verum est, credo tunc quosdam eius errores ex animo eius cecidisse, alios vero miserante Deo non imputatos fuisse, & ipsum suas hanc periculosas leges in se non agnouisse. Porro sicut pluribus alijs scripturis in libris suis abusus est, ita & hic abutitur verbis Iohannis, ut videoas quam diligentiores fuerint statim post tempora apostolorum in sacris scripturis, desicientes ad suas leges. Iccirco libri eorum qui talia scripserunt seruati sunt, quod talia ratione humanae arrident. Illorum vero scripta qui talibus contradicerunt, perierunt ut inutilia.

Sanctus Iohannes in eo loco dicit de lucta fidei, ubi in sanctissimis etiam est timor horrendus, ita ut dicant. Domine ne in furore, &c. Et Petrus tamet super mare gradiens, cum videt insurgentem tempestatem. Paulus etiam dicit, Intus timores foris pugnat, quid timuit

CAPVT MATTH.

timuit post tanta benefacta? Taceo nunc de capite nostro Christo domino in horto agonizante. Dicit vero tantum de charitate nostra erga proximum, & perfectam dicit charitatem non comparatione alicuius imperfectioris charitatis, sed veram, ut perfecta charitas illuc in Iohanne illud significet quod paulus dicit charitatem non factam, que nihil aliud est quam vera charitas. Hac non habet timorem, id est, malam conscientiam, nec erubescit coram proximo de malo conatu, consilio aut facto contra proximum, aut de eo quod neglexerit suum officium, &c. Hac est fiducia gloriae nostrae erga proximum. Ceterum in conspectu Dei nemo iustus est. Si quid erga proximum a nobis vel non factum vel male factum est, deprendatur apud eundem proximum, & reconciliamus nos ei & apud Deum tecumus oratione dominica, ut perfecta, id est, vera charitas excludat sine forasmittat timorem de quo dicimus, &c.

Hactenus interim satis diximus

ENARRATIO IN II.

ex verbo Dei de eo q̄ fugere liceat in persecutione. Credo Tertullianum suo tempore habuisse iustam occasionem quare noluerit quosdam fugere, vt quando non vult Ecclesiam deserī ab Episcopis & Diaconiis, de quibus infra dicam. Verum ipsam simplicem questionem, An liceat fugere Christiano in persecutione, non debuit ita contra scripturam & veritatem tractare, quemadmodum etiam tractat de corona militis, de velandis virginibus, de exhortatione castitatis, quando immundas facit secundas nuptias, nec satilis æquus est primis &c.

Pulcherrimum vero fuerit quando hostes veritatis producunt contra nos scripturas, q̄ non debemus fugere si velimus esse Christiani, dolentes q̄ homicidis nō offeramus caput, q̄ non possint nos occidere cum volunt, quemadmodū in fabula lupus quaeritur sibi fidem nō haberī, & promittit se pacem facturū cum pastore si canes dimiserit, quemadmodū Arluiani obiecabant S. Athanasio,

CAPVT MATTH.

Athanasio, quod parum constans fūgeret, dolentes quod eum occidere nō possent. Quibus ipse Athanasius elegantissime respondet, quæ legis in historia Ecclesiastica Tripartita li. vi. ca. xxij. Lupus docet oues q̄ fugere non debent, sicut & impij pastores docent nos quod dehemus ipsos audire, contra verbum Christi dicentis, Alienum non sequuntur oues meæ, sed fugiunt ab eo, quia non norunt vocem alienorum.

Contra hæc omnia videtur esse verbum Christi. Ioh. x. Mercenarius, qui nō est pastor, cuius non sunt oues propriæ, videt lupum venientem & deserit oues fugitq; & lupus rapit, & dispergit oues. Mercenarius autem fugit, quia mercenarius est, & oues nō sunt illi curæ. Pastor vero bonus non fugit, sed ponit animam suam pro omnibus suis, & educit & reducit eas ad fabula saluberrima, tantum abest ut deferat eas. Et i. Ioh. iiiij. Ut Christus animam suam pro nobis posuit, ita & nos pro

ENARRATIO IN II.

pro fratribus nostris animas nostras
ponere debemus.

Supra ex scripturis statuimus q̄
fugere liceat Christiano , nec ex ipsa
fuga sola si nihil aliud accelererit facien-
dum esse peccatum , quemadmodum
peccatum facit Tertullianus , & notum
est , quod tantum de persecutione gla-
diū diximus & corporis periculo , vbi
fugimus , vtentes bona occasiōe quam
Deus offert , non solum ut seruemus
nos dum licet , sed etiam ne temere nos
gladio obijciamus humana præsumpti-
one quasi fortes futuri & constantes in
confessio[n]e Christi & veritatis Euangeli-
cae , ne accidat nobis qn[uod] præsu-
mentibus apostolis & nimium sibi fi-
dentibus , qui vbi Christo dixerant , se
paratos cum illo in carcerem & in mor-
tem ire , non solum fugerunt sed etiam
scandalizati à fide ceciderunt . Petrus
etiam cum iuramento negauit , qui pre-
ceteris fuerat confidentior , id quod &
ceteri erant facturi , si ipsos aduersarij,
vt Petru[m] , vrsulent . Quos tamē , licet
peccantes

CAPVT MATTH.

peccantes & à fide cadentes . Christus
per fugam seruat suā Ecclesię , dicens
persecutoribus . Si me queritis , sinite
hos abire , & gloriat[ur] coram patre .
Quos (inquit) dedisti mihi , non perdi-
di ex eis quenquam . Verum hoc ex-
emplum nō pertinet ad tractatā quæ-
stionem . Non sic fugere licet , vt neges
Christum , & cadas à fide propter per-
secutionem , quemadmodū illi de quib[us].
Christus ait . Quidam ad tempus ere-
dunt , & in tēpore temptationis recedūt .
Nam cum ex verbo Dei docemus lice-
re fugere , certum est q̄ simul interim
non docemus licere Christum negare ,
aut sic fugere ut tua fuga Euangeliū
& salus pereat apud fratres , id quod
nunc dicam .

Est itaq; hic ex verbo Christi , cū
de pastoribus dicit , non simplex illa
quæstio . Num liceat Christiano fuge-
re , quam tractauimus , sed alia , nempe
hac . Num liceat pastori , id est , doctori
Ecclesiae siue prædicatori fugere . Et
certe videmus pastores fugisse . Sunt
K enim

ENARRARIO IN II.

enim omnes pastores, de quibus supra legis q̄ fugerint, & q̄ talis fuga possit fieri absq; peccato, testatur sua fuga ipse pastor pastorum Christus dominus, qui peccatum nō fecit, nec inuentus est dolus in ore eius. Nec tamen illi mercenarij, sed pastores dicuntur & sunt. Siquidem fugiunt, non inobedientes ut Ionas neq; suam vocationem deserentes, sed potius ut nō occisi prædicationi seruant alibi, vel commode cum licet reuertantur. Nec deserunt oues, id est, animas quas Christo lucratī sunt sed admonent ut persistant in gratia Dei quam acceperunt, quemadmodū facit Paulus in Actis apostolorū. Nam verum illum & bonum & vnicū pastorem Christum oues acceperunt per ministerium prædicationis illorum, qui fugantur & queruntur ad mortem.

Illarum ergo ouium fuerit ut in verbo salutis permaneant. Alij qui interim contemnūt verbum dum audire licet, iudicio Dei per tyrannorum persecutionem amittunt verbum, quem
admodum

CAPVT MATTH.

admodum Iudeis dicit Paulus, Vobis primum oportuit prædicari hoc verbū salutis, sed quia indignos vos iudicatis vita æterna, ecce conuertimur ad gentes. Sie enim præcepit nobis Dominus. Dedi te in lucem gentiū, &c. Ergo per Esaiam nobis dicitur. Quærite Domini num dum inueniri potest, inuocate eū dum prope est, Potest inueniri & prope est quando adest nobis prædicatio ne & verbo suo.

Sic autem fugiunt electi, damna & exilium patiuntur propter fratres, quia verbum quod eis prædicauerunt negare nolunt, neq; volunt ab eo desistere, vt comprehensi, si ita Deus aduersarijs permiserit, vtrunq; carne infirma trepident, propter crucem & mortem, tamen nolint deficere à vivificatore Christo, & à veritate quam fratribus prædicauerunt, atq; ita parati sunt Christum & eius Euangeliū glorificare, vt Paulus, siue per vitam siue per mortem. An non hoc est, vt ante diximus, animas pro fratribus ponere,

K ij

quem

ENARRATIO IN IL

quemadmodum Iohannes in epistola
dicit^c.

Non video qui morerer pro fratribus, alio modo, quam ubi eslet periculum fidei sive salutis fratrum. Sic enim Christus (cuius exemplum citat Iohannes) mortuus est propter Euangelium quod praedicauit in nostri salutem. Alioqui si in hoc periculo non sunt fratres, gaudent de mea fuga & gratias agunt Deo quod conseruor, quemadmodum illi iuvant Paulum ac deducunt fugientem non semel. Illos autem certe non fratres nihil moror qui vellent me occidum cum dicunt Christiani fugere non debent. Hoc interim dico, ne putes Iohannem sentire, quod me oporteat libere maleficum, aut pro pecunia aliorum mori, nisi forte pro verbo quo increpotamini & damna rerum alij facientes. Porro qui sic propter Christum & Ecclesiam fugientes gladii exilia patiuntur, parati pro Christo & Ecclesia mori, si ita Deus voluerit, & stare & non fugere, si fratribus pereundu est impia

aliorum

CAPVT MATTH.

aliorum doctrina, qua de re statim dicā, quomodo poteris vocare mercenarios? An sua querunt contra Christum qui omnibus propter Christum exuuntur?

Verum ut clarius rem intelligas, interpretemur verbum Christi de mercenario & de fuga mercenarij. Mercenarius a mercede dictus, non commoda & obedientiam Domini sui spectat sed tantum mercedem, nihil curat quemadmodum post locatam operam opus suum proficit. Talis est qui Ecclesiae seruiens, querit tantum diuitias, honores, fauores, tranquillitatem, sua comoda, non animarum salutem. Hic interim dum omnia tranquilla sunt, & ipse verbum salutis sincere praedicat, potest videri non mercenarius, sed verus pastor. Cum autem videt lupum veniente, quos Christus etiam dicit fratres & latrones, sunt autem falsi doctores & seductores. Fures, quia primum insidijs agunt apud nos, quasi ipsi verbum veritatis doceant. Latrones vero, quia occidunt animas seductas & externam

K ij

quoq

ENARRATIO IN II.

Quoq; persecutionem excitant per se-
ductū vulgus, vt olim Pseudoprophe-
tae, Pseudapostoli, & nunc Papistæ &
alii Sectæ. De his enim lupis, furibus
& latronibus Christus dicit, id est, falsis
prædicatorib; Non inquit audierunt
eos oues, qui tantum veniunt vt furen-
tur & mactent & perdant. Tunc (in-
quam) qui pastor videbatur sese mer-
cenariū fuisse declarat, & deserit oues
& fugit, & lupus rapit & dispergit oues.
Quæ parabolica sunt non corporalia,
id quod legenti notissimum esse debet
ex verbis Euangelista & Christi.

Nostra quæstio ab initio erat de
fuga corporali, quæ potest quandoq;
etiam a pastorib; fieri, non vt deserat
oues sed vt seruentur ouibus, quemad
modum Christus ipse fugit, non vt ra-
piantur a lupis oues, id est, seducantur
doctrinis dæmoniorum, aut dispergan-
tur, id est, in varias sectas scindantur,
& malis conscientijs & incertis doctri-
nis non cohærent Christo & inter se,
sed cōgregatæ maneat in vnitate fidei

& dos-

CAPVT MATTH.

& doctrinæ sanæ, quemadmodū Atha-
nasius fugit, & ex exilio seruit ouibus
Christi scribens, & nihil omittens con-
tra Arrhianorū impiū dogma, quem-
admodum Paulus, licet absens, tamen
agit & scribit contra Pseudapostolos
qui seduxerant Galatas, Corinthios &
alios, quod nō potuisset, si statim se ad-
uersarijs obtulisset occidendum. Atq;
ita seruantur oues, non occiduntur, id
est, non fit vt nō maneant oues Christi
etiam si occiduntur propter Christum
gladio persecutoris, vt Christus ait.
Nemo potest ex manibus patris aut
meis rapere.

Non potest doctor Ecclesiæ ar-
mata manu aut seditione excitata oce-
currere tyrannis, vt nō occident Chris-
tianos, ne eō trahas parabolam quō
non spectat, sed potius admonet Dos-
tores, ne Christum in persecutiōne ne-
gent. Sicut & Christus fugiens in Aegyptum, nō hoc præstitit ne occideren-
tur ab Herode innocentes pueri, in qui-
bus ipse quærebatur.

K iii

Hic

ENARRATIO IN II.

Hic autē mercenariū non oues, sed
mercedem spectans, cum videt lupum,
id est, seductorē & seductionī suic false
doctrinæ credentem populum, qui pos-
sit obesse ipsius mercedi, id est, pecu-
niæ, honori, fauori, comoditati, ne om-
nino abiiciatur, & forte etiā ut maiori
gratia hominum fruatur, fugit nō loci
mutatione, sed cessando à veritatis cō-
fessione, fugit à veritate & Christo, si-
let enim à veritate ne sua perdat aut in
periculo sit, & sinit oues praua doctrinā
rapi à lupo, id est, diaboli ministris,
qui non docent doctrinas Dei, sed dæ-
moniorum ex serpente illo antiquo se-
ductore, & ita disperguntur oues, ut
dictum est. Aut deteriora adhuc faciens
mercenariū, negat Christi veritatem,
& incipit dicere & docere quæ lupus
vult mercedis gratia, quemadmodum
mercenariū nihil spectat ut prospicit sua
opera vel non prospicit Domino, modo
mercedem accipiat. Hic mactantur &
perduntur oues, id est, nō manent oues
quæ seducuntur, nec audiunt vocē sui
pastoris,

CAPVT MATTH.

pastoris, quemadmodum ouis mortua
non est ouis.

Nam tametsi vera Christi ouis
non possit rapi ex manibus Christi, vt
ipse ait, potest enim vel post maximos
errores audita voce Christi veri pasto-
ris reduci, tamen quod ad præsentem
seductionem attinet, mercenarius reus
est omnium animarum seductarum.
Contra quod Paulus certe nō merce-
nariorū Acto. xx. dixit, Contestor vos
hodie q̄ mundus sum à sanguine om-
nium. Non em̄ subterfugi quo minus
annunciarem vobis omne consilium
Dei. Non loquitur de sanguine corpo-
rali. Talis mactatio omnium ouium &
perditio animarū non fit quando solū
corpora Christianorum gladio perse-
cutorum occiduntur, nisi dicere velis
Christum nō mansisse filiū Dei quan-
do occidebatur, sanctos martyres non
mansisse oues aut filios Dei quādo pro
Christo oīa extrema patiebantur, &c.

Quam multos hodie videmus
mercenarios sub Papatu, qui intelligunt
K v quidem

ENARRATIO IN II.

quidem veritatem Euangeliū, sed sibi
nisiq; rebus metuentes, manent sedus
stores. Porro quos Christus mercena-
rios vocat, opponens eos bonis pasto-
ribus Prophetæ vocat malos pastores
per quos malus populus iudicio Dei
perit, quia dilectionem veritatis, ut
Paulus ait, non suscipit. Sic legis Iere.
v. Prophetæ prophetabant mendaciū,
& sacerdotes applaudebant manibus
suis, & populus meus dilexit talia. Et
Esa. xxx. Populus ad iracundiam Deū
prouocat, filij mendaces; filij nolentes
audire legem Dei, qui dicunt videnti-
bus, nolite videre, & aspicientibus, no-
lite aspicere, nobis ea quæ recta sunt, lo-
quimini nobis placentia, videte nobis
errores, auferte a me viam, declinate a
me semitā, cesset a facie nostra sanctus
Israel. Iere. xxiiij. & Eze. xxxiiij. Vt
pastoribus, &c. Et Eze. xxxiiij. Si me
dicente ad impium. Impie morte mo-
rieris, non fueris tu Propheta locutus
ut se custodiat impius a via sua, ipse
impius in impietate sua morietur, san-
guinem

CAPVT MATTH.

guinem autem eius de manu tua re-
quiram, &c. Et Lucæ xix. Quare non
dedisti pecuniam meam ad usuram?

De his mercenarijs & de fuga eo-
rum, quæ est impia veritatis negatio &
turpis ouium proditio propter merce-
dem, non opus est proponere quæsti-
onem, num liceat eis fugere gladium.
Nam diligentēs suas mercedes ut me-
retrix Oīcę ij, non expectant donec ad
gladium veniatur, sed statim deficiunt
& faciunt quæ ab aduersarijs veritatis
iubentur. Et fit ut hi in loco manendo
fugiant & deserant oves, boni autem
pastores etiam a loco fugiendo, non fu-
giant nec deserat oves, quemadmodū
supra exempla vidiſti. Non em potes
dicere, q; Christus fugiendo deseruit &
prodidit oves, qui bonus pastor pro
quibus animam ponere venerat.

Non igitur illud dictum Christi
ex parabola, Mercenarius fugit, hue
commode citatur, cum queritur num
Christiano vel etiam pastori liceat fu-
gere in persecutione gladij. Et certe

ENARRATIO IN II.

ob reuerentiam verorum Christiano-
rum & bonorum pastorum, qui certe
non sunt mercenarij, conueniebat hoc
in ista causa non citare, aut opponere
verbo Christi, fugite in aliam, & facto
eius & sanctorum. Et proh dolor, mer-
cenariorum fuga impia & damnata
frequentior est, illa autem de qua no-
stra quæstio rarius accidit.

Citat tamen in hac causa dictum
de mercenario Augustinus in epistola
ad Honoratum Episcopum, quæ nunc
legitur centesima octogesima, sed ipse
causam, num liceat Ecclesiæ ministris
fugere in persecutione, diligentissime
& sanctissime tractat.

Vt uero tandem finiamus, relin-
quamus mercenarios, & dicamus pro
consciëtijs bonorū pastorum, qui cuim
Paulo dicere possunt. Non subterfugi
quo minus annunciarē vobis omne
consilium Dei. Fugit Christus, nec ta-
men deserit oues aut efficit ut rapiātur
ac dispergantur, sed suo tempore pro
omnibus ponit animā suam. Fugiunt
d

CAPVT MATTH.

& Sancti suo tempore se seruantes Ecclesiae, & moriuntur si Deus vult pro Ecclesia suo tempore. Estq; hic tempus fugiendi & tempus moriendi, vtrunq; pro Christo & Ecclesia, quia Christum negare nolunt quem Ecclesiæ prædicauerunt, vtrunq; tempus facile discerere licet.

Si licet fugere, & nihil prodest
ouisbus q; occidor, imo ipsæ orant Deū
pro me & cupiūt me seruatum, quem
admodum Ecclesia orat pro Petro in
carcerem misso & gaudet de liberato.
Acto. xij. cur nō abeam ego pastor cū
pastore Petro in nomine Domini? Si
non licet fugere, nō volo negare Chri-
stum, sed etiam eum meo sanguine &
morte confiteri & glorificare in nomi-
ne Domini cum Iacobo de quo ibidem
dicitur. Si autē fugere possim & mea
fuga periturae sunt animæ fratru, nam
corpora contra tyrannicam violentiā
defendere non possum, vt supra dixi-
mus, manebo & ponam animam meā
pro fratribus meis in nomine Domini,
quæ

ENARRATIO IN II.

quemadmodum quando maneo apud Ecclesiam meam saeuiente peste, quem admodum nunc prædico Euangelium propter fratres meos & proximos meos, ut in Psalmis dicitur, nihil moratus quod me excommunicant & querunt ut occidant, quemadmodum quando sectis Satanæ pro sana doctrina & sincero Christi Euangelio me oppono, omnia facio & patior probra, damna, pericula propter fratres ut salvi siant.

Habes meam sententiam, in qua si quid tibi obscurius adhuc videtur, prodest & Augustinū videre in epistola prædicta, cuius capita hic recensebo. Primum ait licere Christianis fugere qui no sunt pastores & neminem post se relinquunt suæ curæ commissum. Qui si omnes fugiunt (nam tunc omnium nomina suæ Ecclesiæ habebant inscripta) frustra manere pastores. Deinde & pastoribus licere fugere exemplo Pauli, si non est generalis perseguatio, & tantum ipsi queruntur ad mortem.

CAPVT MATTH.

mortem, interimq; est alijs vel alij pastores aut alij boni viri qui no queruntur, per quos Ecclesia curetur, qnæ no est ita deserenda vt pateat lupis. Si vero est generalis persecutio omnium prædicatorum, & timetur ne occisis omnibus postea nullus sit qui Ecclesiæ consulat, videturq; omnino cōsultum & necessarium vt quidam per fugam dimittantur ab Ecclesia & seruentur, tunc ne quosdam vel timor humanus arguat, quin malint se quam alios servatos, vel arrogantia deprauet quasi ipsi meliores præ ceteris sint qui seruentur, & plus quam alij profuturi sint Ecclesiæ, siadet Augustinus oratione committi rem Dco, & iacta sorte quosdam dimitti & quosdam retineri, secundum illud Proverb. xvij. Contradiciones sedat sortitio, & inter potentes definit.

VSez ad obitum Herodis. Fuit ergo Christus in Aegypto septem annis. Nam Herodes tringinta septem annis regnauit, vt scribit Iosephus xvij. lib. Antiquit.

ENARRATIO IN II.

Antiquit. ca. x. Trigesimo vero anno
regni eius Christus natus est.

Interfecit omnes pueros &c. An
non isti parvuli habent pactum Dei
circumcisio[n]em, quod Deus vult ipso
rum esse Deus, ut legis Gene. xvij.
Vbi ergo nunc est illa paterna Dei so
licitudo erga credentes, de qua ante
diximus? Iam sinit Herodeni furere.
Sed hic conditio Ecclesiæ siue Christia
norum hominum descripta est, & ex
emplo nobis ob oculos posita, quae vi
detur quasi Deus nō curet aut sollicitus
sit pro suis fidelibus, dum mundo sunt
reiectamenta, vt Paulus ait, dum etiam
sibi ipsis saepe videntur deserti à Deo,
breuiter, vt hic dicitur, quasi nō sint, si
ue nihil sint, atq[ue] adeo quasi vera Eccle
sia perierit, quemadmodū & in Cain à
fratre occiso vides. Interim tamen ser
uantur contra omnes portas inferorū
vel in morte. Caro non iudicat nec vi
det istos pueros scrupuli, & tamen si vi
uerent postea forte Christū persequen
tentur, occidcent & blasphemari in

Euangelium,

CAPVT MATTH.

Euangelium, vt alij eius coeui perire.
Scilicet hoc nō est feruaris. Immortales
nunc sunt & apud Deum & apud ho
mines, quos occidit Herodes occasione
Christi.

Taceat Anabaptistica impietas,
Christus suos cōmilitones suscipit pu
eros, nec possunt non singulari gloria
apud Deum præcellere qui populus
Messiæ, pactum Dei habentes, pro
Christo moriuntur. Ita & Ecclesia ser
vatur cum opprimitur & peritura vi
detur. Nulla potentia aut sapientia po
tuit ei hactenus præualere, id quod
Christus dixit. Portæ inferi non præ
ualebunt aduersus eam.

Aduerte hic etiam diligenter q
Matthæus citans ex Ieremia de his pu
eris occisis, quod primū dictum est de
Iudæis abducendis in Babyloniam
captiuitatem, fatetur manifestissime
resurrectionem. Siquidem Ieremias
prædicit filios Iuda reducendos in ter
ram suam. Interim tamen latenter illa
reductionem extremæ resurrectionis
L signis

ENARRATIO IN II.

Significans illorum qui à Babylonijs & fame fuerant occisi, saltem illorum qui in periculo reuersi ex corde ad Domini num veniam sui errati desiderassent & & postulassent. Quando vero hi pueri occisi ab Herode, coram carne desperantur reuicturi, quia (inquit) non sunt, id est, mortui sunt & perierunt, ita ut consolationem mater Rachel admittere non possit, & tamen Matthæus dicit de eis quoq; verū quod Ieremias predixerat de filijs Rachel (vt post hæ dicam) nempe eos redimendos, certum est nobis Christianis, q; reducentur in ultima reductione sive resurrectione, & gaudebunt nobiscum, gratias agentes. q; Deus maxime solitus fuerit pro ipsorum salute tum cum maxime de relicti videbantur & occidebantur. Si hoc sciremus, sciremus & illud Psalmi, In manib; tuis sunt tempora mea, vt ante diximus, & illud Christi, Omnes capilli capitib; vestri numerati sunt.

D'functio Herode &c. Quæris cum Deus possit omnia, cur mandat Christum

CAPVT MATTH.

Christum fugeres, cur redires, cur non cogit Herodem cedere & alios aduersarios, aut cur non occidit eos, & interim seruat suos in pace? Respondeo, Deus cōstituit tempus patiendi & tempus glorificationis nostræ. Interim in terris vult nos cōtinere in regno fidei & solo suo verbo, quemadmodum Christum iubet abire in Aegyptum & redire, vt impij nostra miseria & afflictione excæcentur & compleant sua peccata, quemadmodū de Amortheis scriptum est, & nostra fides hisce tentationibus exerceatur augescatq; magis usq; in diem Domini. Psalmus, Cū perierint peccatores videbis, id est, gaudi debis.

IN terram Israel. Nam ibi secundum prophetias oportuit eum auspicari regnum, pati, resurgere, dare spiritu sanctum.

Timuit illò ire. Hæc est confirmatione imbecillium, qui metu periculi cedunt, dum non confidunt se aliquid promoturos Euangelij prædicatione.

L 11 Adde

ENARRATIO IN III.

Adde hæc illis quæ supra diximus contra Tertullianū de fuga in persœctiōe.

De quatuor in hoc capite ciratis onibus quas citat Matthæus ex scripturis, abunde dixi contra calumniatores pro certissima veritate in caput Iere. xxxi.

CAPVT III.



RAET Erita Christi infan-
tia, de qua Lu-
cas quadam
scripsit, ad ip-
sius Euangelij
iululatione si-
ue ad manife-
statum Christi
regnum Euangelista Matthæus festi-
nat. Nam hoc erat eius institutum, quo
se non peruenturum congruo ordine
putauit, nisi prius Christum in carnem
venisse ostenderet, id quod hactenus
fecit.

Exorditur

CAPVT MATTH.

Exorditur vero Euangelij præ-
dicationem & nouum Dei testamentū
vt & alij Euangelistæ, à prædicatione
Iohannis Baptiste. Siquidem prædictū
erat in Prophetis, hunc ante Christum
præcessurum, vt in Malachia & Esaïa,
quæ nota sunt ex Euangelistis, vt præ-
dicatione & baptismo pœnitentiae pa-
raret Domino populum ad suscipien-
dum Christum, de quo testificatus est,
q̄ sit agnus Dei, auferens peccata mun-
di, &c. id quod eius pater in Luca sic
cecinit. Et tu puer Propheta altissimi
vocaberis, præibis, &c. in quibus ver-
bis & omnium Christi prædicatorum
officium & negocium egregie descri-
ptum est. Et Iohannes Euangelista
scribit. Hic venit in testimonium, &c.

Prædicat vero Iohannes in deser-
to secundum Esa. vaticinum, & egre-
ditur ad eum populus, non predicit in
Scholis Iudæorum aut in templo Hie-
rosolymorum, neq; sacerdotali pompa
vestitus altari astat ad sacrificandum,
cum tamē natus sit ad sacerdotiū illud

Lij

Ieul

ENARRATIO IN III.

leuiticum, sed incedit vestitu despactis simo. Item nō viuit aut edit ex decimis & primitijs ditatus vt sacerdotes, sed ita vt à victu eius omnes homines abhorreant. Quare: vt ostendat se aliam iustitiam quam Legis docere, quæ est nulli temporis, loco, personis, legibus, operibus, obseruantijs alligata, nempe Christum, Dei iusticiam & omnium gentium benedictionem, de quo Abrahæ promissum erat. In semine tuo benedicentur cunctæ cognationes terræ. Hoc regnum, vt Christus ait, nō venit cum obseruatione. De quo ipse etiam dicit mulieri, Neq; in monte hoc, neq; Hierosolymis adorabitis Patrem, sed etc.

Non enim ista agresti & durissima vita, leges monachales aut aliquem ordinem voluit instituere, multo minore sanctitatem in tali obseruantia coram Deo aut merita statuere, vt non dicā q; hoc effet impium. Quando enim vñq; hoc docuit populum aut suos discipulos: vt stultum monachorum vulgus putat, quod omnia agit sine vocatione & sine Dei verbo & fide, longe aliter

CAPVT MATTH.

quām Iohannes ad ista diuinitus vocatus, nam futurum eum in deserto ubi ita uiuitur, p̄dixerat spiritus sanctus, sed quando non edebat alia miracula pro confirmatione suę doctrinæ, vt diceatur in Iohanne, haec vita eius & conuersatio in oculis Iudæorum talia mirantur & pro singulari sanctitate habentium, erat vīce miraculorum, ita vt suspicati sint eum esse Christum, vnde non habent excusationem q; illi non crediderunt, quem summe sanctū crediderunt. Qui vero fieret ex sua vita, victu & vestitu sanctus, qui sanctificatus fuerat ante hæc omnia in utero matris. Nostris Hypocritis Christus non est sanctus, qui Iohannis victu & conuersatione non erat ita suspiciendus. Breuiter, hæc nō respiciunt in aliud, nisi vt credatur eius testimonio, ad quod solū ipse venit, nō venit propter talem vestitum aut victum, vt dicitur Ioh. 1. Hic venit in testimoniu, &c. Similiter dicimus de Simeone & Hanna, de quibus Lucas scribit, q; vita ipsorum commendatur,

L uij mendatur,

ENARRATIO IN III.

mendatur, non ut inde iustitia carnis
sive hypocrisis, quæ omnia imitatur si-
ne sanctorum fide' nobis comedetur,
sed ut probetur nobis eorū testimoniu-
m de Christo, & non habeant excusatio-
nem qui tales pro sanctis habent & nō
credunt eorum testimonio sive prædi-
cationi.

Poenitentiam agite. Certum est
hic poenitentiam dici quam vulgo vo-
camus contritionem. Nam de fide se-
orsim additur Appropinquauit regnum
cælorum, quemadmodū & in Marco.
Poenitentiam agite & credite Euange-
lio, & ita frequenter in sacris literis ac-
cipitur. Ut sit poenitentia displicentia
de eo quod ante placuit & dolor de er-
rato, id quod ratio vocabuli habet etiā
μετάνοια, apud Græcos. Sic Deus lo-
quitur quasi affectu humano, Iere. 18.
Si poenitentiam egerit gens illa à malo
quod locutus sum aduersus eam, agā
& ego poenitentiam super malo quod
cogitavi ut facerem ei. Si fecerit malū,
agam poenitentiam super bono quod
locutus

CAPVT MATTH.

locutus sum ut facerem ei. Et Eze. 18.
Si impius egerit poenitentiam, ab om-
nibus peccatis suis quæ operat⁹ est, &c.
Et Paulus loquitur n. Cor. xii. Ne ite-
rum cum venero humiliet me Deus, &
lugeam multos ex ijs qui ante peccauie-
runt & nō egerunt poenitentiam super
immundicijs & fornicatione, & impu-
dicitia quam gellerunt. Et Petrus ad
Simonem magum, Act. viii. Poeniten-
tiam age ab hac nequitia tua, & roga
Deum, si forte remittatur tibi hæc co-
gitatio cordis tui.

Non rccipimus vero quæ hac te-
nus ex Scholasticorum doctrina docu-
erunt de tribus poenitentiæ partibus,
contritione q̄ propter ipsam remittun-
tur peccata, confessione quam fecerūt
carnificinam conscientiarum, & satis-
factione cui fidētes impie negabamus
Christi sanguinem & Dei patris mis-
ericordiam. Hæc ipsi fecerunt nostra
opera, & in his tribus constiuerunt re-
missionem peccatorum, cum tamen re-
missio esse non possit si nostro opere,

L v

merito

ENARRATIO IN III.

merito & satisfactione aliquid accipimus. Omnia hic erant nostra, ubi hic erat fides. Sine Christo erat illis remissio peccatorum.

Nam si non satis erant illa vulgaria, configiebamus ad indulgentias Papales, vota & merita monastica, peregrinationes longas, sacrificiorū institutiones & aedificationes monasteriorum, quae omnia nihil aliud sunt quam blasphemia & impietas, error & seductio, si remissionem peccatorū per Christum credimus. Iuste nobis factū est, quia dilectionem veritatis nō suscepimus, propterea misit nobis Deus efficiacem errorem, ut prædixit Paulus, alioqui vel ipsa ratio dixisset non esse debiti remissionem cum solutio qualiscumq; exigitur. Trepidare debebamus ad verbum Dei, quemadmodū docet ipse Dominus Esa. lxvi. Sed nos contempto Dei verbo didicimus trepidare ad verba hominum, mandantiū nobis quod Deus non mandauit, aut singentiū nobis iusticiam ex opere nostro quasi ex verbo Dei.

Mirum

CAPVT MATTH.

Mirum quam hic trepidauerim⁹ ad nomen Augustini, sine tamen Augustini culpa, qui manifeste solet admonere, ne sua aut aliorum doctorum scripta pro scripturis sanctis suscipias mus. Quantæ turbationes, quantæ carnificinae conscientiarū surrexerunt nobis, quia non Deus, sed Augustinus dicebatur dixisse quādam in libro de poenitentia, quemadmodū integre pœnitere & pure sacerdoti proprio confiteri debeamus, quae etiā si Augustinus dixisset, qua quāso autoritate præmerent conscientias, pro quibus Christus mortuus est. Nunc autē ne Augustinus quidē illum librum de poenitentia scripsit, sed subditicius est. Nam in ipso capite xvij. ipse Augustinus citatur. Et tamē ex istis mendacijs facit non nobis ille homo peccati Papa cum suis Canonistis & Scholasticis articulos fideli, impudenter citans Augustinum in decretis de pœn. dist. i. Quem pœnitet, d. v. Consideret.

Nos cum de poenitentia loquimur

68

ENARRATIO IN III.

ex scriptura, non intelligimus contritionem aliquam actiue id est, ut fingunt dolorem voluntariae assumptum , aut saltem, ut uocant, attritionem , id est, aliquantulam peccati displicentiam, qua non conteruntur, quia manent ideo qui fuerunt, sed volunt ipsis se contere & fingunt nescio quid, neque intelligimus aliquam humanam satisfactionem coram Deo, nam sic malae preparares mus viam Domini cum Iohanne, qui clamat, Parate viam Domini, ad gratiam saluatoris Christi suscipiendam, si doceremus nostris contritionibus siue actiuis siue pauciis & nostris operibus siue confessionibus siue satisfactionibus remitti peccata, quid nobis cum voluntariis illis & electricis, id est, excogitatis contra Christi fidem religionibus, Coll. iij. Damnatis?

Sed cum loquimur de poenitentia vel ut vocamus Contritione, intelligimus veram in nobis ipsis nostri confusione, veros iudicij Dei & mortis terrores & conscientiae dolores de peccato.

CAPVT MATTH.

Cato. Siquidem lux & verbum Domini praeueniens ante Christum , id est, prædicatio poenitentiae inflamat & illuminat sua choruscatione, ut cadant non solum crassae illae impietates , sed etiam occultae , quae sunt ignorantia Dei, negligentia & contemptus Dei, nostra cupiditas, studiu gloriae & optima securitas, fiducia nostri. Hic videmus non operu solum, sed & naturae nostre impuritatem, & quam horrenda mala & damnatio nobis sit ex illo peccato quod ex primis parentibus contractu vocamus originale. Haec contrito non est dolor voluntarie assumptus pro peccatis, ut loquuntur, sed est poenitentia donum a Deo datum . Cui enim Deus non dat non habet poenitentiam veram, de qua nunc dicimus. Dat autem poenitentiam per prædicationem poenitentiae siue per prædicationem legis, qua vtitur Euangeliū ad præparandam viam Christo. Ro. i. Reuelatur ira, &c. Nam ita loquitur scriptura ij. Timo. iij. Si quando det illis Deus poenitentiam

ENARRATIO IN IL

nitentiam ad agnoscendam veritatem & resipiscant a diaboli laqueis capti ab eo ad ipsius voluntatem. Act. v. Hunc Principem & Salvatorem Deus exaltauit dextera sua, ad dandam Israeli poenitentiam & remissionem peccatorum. Et xi. Ergo & gentibus Deus dedit poenitentiam ad vitam.

At quæris quantus sit dolor & terror in poenitentia sive contritione. Respondeo, quando poenitentia, de qua loquimur, donum Dei est, nō potest Deo prescribi modus, quemadmodum terreat reuelato per legem peccato. Scholastici doctores citat illud Iere. vi. de captiuitate Babylonica dictū. Luceat vniogeniti fac tibi planctū amarū, quia veniet repēte vastator super vos. Et ne abiacerent alios vel etiam seipso si istos summos non sentirent dolores, coacti sunt fingere imperfectam illam contritionem quam vocant attritionē. Hanc interpretantur imperfectam disiplinentiam de peccatis commissis.

Nos autē videmus quosdam etiā cum

CAPVT MATTH.

cum gaudio accedere ad Christum, ut Matthæum, Zacheum, alios. Item de gentibus scriptum est Acto. xiiij. Ausdientes gentes gauiſae sunt & glorificabant verbum Domini, & crediderunt quotquot erant præordinati ad vitam æternam. Verum hoc ipsum gaudiū testatur eos fuisse in luctu & terrore conscientiarū propter peccatum. Non enim suscipitur Euangeliū & in Euangeliō Christus, nisi ab ihs qui se suaq̄ omnia norūt damnata, & velleſi fieri posset placatū habere Deum, quemadmodū Christus dicit. Pauperes Euangeliizantur. Nouimus siquidē quid vel sanctis accidat dum in tentatione & horrore iudiciorū Dei & mortis deseruntur, nempe q̄ coguntur clamare. Domine ne in furore tuo, &c.

Hac interim dixi de vocabulo & re poenitentiae, de qua dicitur, Poenitentiam agite. Nos vero & in Scholis & pro concione, quando iam receptū est ut poenitentia accipiatur pro tota conversione ad Deum, docendi gratia, non

ENARRATIO IN III.

non solam contritionem esse dicimus
pœnitentiam, sed eam habere duas
partes, videlicet contritionem & fidem,
comprehendentes uno pœnitentia vno
cabeulo quæ tamen hic duo sunt cum
dicitur. Pœnitentiam agite, appropin-
quauit regnum cœlorum. Et Lucæ vlt. cu
Christus dicit pœnitentia & remissio
nem peccatorum. Nam alterum præ-
dicatio legis est, alterum Euangeli⁹ sive
fidei, vt ante diximus, quæ ut infernus
& cœlum differunt, nisi mortificatio &
viuificatio non differant. Cur ergo sic
docemus? Respondeo, Nō cotendim⁹
aut præscribimus vt sic quisq; doceat,
modo non doceatur contra Euangeli⁹
veritatem. Si more scripturæ loqueris,
separa ista duo, pœnitentiam & fidem,
sed pœnitentia inanem esse scito quā
fides non sequitur, vt fuit pœnitentia
Esau, Saulis, Iudæ, &c. Illa vero falsam
& nihil aliud esse quam blasphemiam,
quam docent Papistæ, qui, quod nunc
in vsu est, pœnitentiam accipiunt pro
conuersione peccatoris, qua homo ex

filio

CAPVT MATTH.

filio perditiois fit filius salutis & saluus
a peccatis suis, & nihil in hac pœnitentia
docent de fide. Contra istam im-
pietatem, nos hoc recepto more acci-
pientes vocabulum pœnitentiam, dici-
mus pœnitentiam habere duas partes,
ne quemadmodū Antichristus docea-
mus remissionem peccatorum sine fi-
de in Christum, vt ante dictum est de
tribus sophisticis pœnitentia partibus.
Nam & pœnitentia illa salutaris, de qua
scriptura loquitur, sic datur nobis a
Deo vt urgeat ad fidem promisse grar-
ia, quemadmodum Lex secundum
Paulum paedagogus noster est ad
Christum, & ita fit Lex salutaris, quæ
tamen salutem nō habet, sed est minis-
terium mortis. Sic enim ante legisti.
Gentibus enim dedit Deus pœnitentia
ad vitam. Et Acto. v. Hunc Principe
& salvatorem Deus exaltauit dextera
sua ad dandam pœnitentiam Israeli &
remissionem peccatorum. Et Marci i.
Iohannes baptisat & prædicat baptis-
mum pœnitentia in remissionem pec-
catorum

M

catorum

ENARRATIO IN III.

catorum, id est, prædicat futurū Christum & baptisat baptismō pœnitentie, vt Paulus ait Acto. xix, in futurum Christum, per quem est remissio peccatorum credentibus prædicationi & baptismō Iohannis. Sic enim de Christo ait, Ecce agnus Dei, qui tollit peccata mundi. Baptismum pœnitentie sic exprimit hic Matthæus. Baptizabantur ab eo in Jordane confitentes peccata sua, & Iohannes baptista. Ego baptizo vos aqua in pœnitentiam, id est, vt agnoscentes vestros errores & peccata, suscipiat saluatorem in Lege & Prophetis promissum. Sed hæc interim obiter de forma verborum nostrorum quando docemus de pœnitentia contra impiam doctrinam illorum qui remissionem peccatorum docent sine fine in Christum. Neq; vero præter scripturam dicimus pœnitentiam salutarem duas habere partes contritionem & fidem quia & scriptura sic quandoque loqui solet, vt Marci i, prædicans baptismum pœnitentiae in remissionem peccatorum.

RE

CAPVT MATTH.

Reuertamur ergo ad ea quæ coepimus. Pœnitentiam (inquit) agite, apud propinquat regnum cœlorum. Euangeliū siue nouum testamentum seruat sibi hoc officium prædicandę legis siue pœnitentię, quemadmodum diximus, vt totus mundus fiat obnoxius Deo, Ro. in. Ioh. xvii. Spiritus sanctus arguit mundū de peccato, de iudicio & de iusticia. Hoc fulmine dericiuntur & peccatores & sanctuli, neutri permittuntur esse iusti coram Deo, sed terrentur & desperant. Atq; hoc est veram inchoare pœnitentiā. Hic audit homo hoc iudicium. Nihil sunt omnes homines oportet vos fieri alios, & aliter facere. Hic nemo iustus est. Hæc nō est actua contritio siue sicta pœnitentia, sed passiva contritio, vera pœnitentia, verus cordis dolor, angustia & mors. Vbi vero lex siue pœnitentiæ prædicatio hoc suum officium sola & solummodo facit sine addito Euangelio, ibi est pœnitentia inutilis, mors, infernus & desperatio, vt in Saule & Iuda, Paulus

M i

ait,

ENARRARIO IN III.

ait, Lex occidit per peccatum. Item, Lex iram operatur, &c. Ie círco nouum testamentum mox ad hoc officium prædicationis poenitentiae addit consolatricem gratiae promissionem per Euangeliū cui credendum est. Appropinquit inquit regnum cœlorum. Credite Euangeliō, accipite remissionem peccatorum in Christo. Hic sola in Christum fides iustificat, nec est aliud nomen sub cœlo datum hominibus, in quo nos oporteat saluos fieri, non est in alio salus. Hæc salus, consolatio & remissio peccatorum in Euangeliō nobis varie offertur, nempe per verbum, per sacramenta per virtutem clavium, per muturum colloquium, quod lege Matth. xviiij, vt, quemadmodum in Psalmo canitur, sit multiplex & copiosa apud Deum redemptio.

Hæc poenitentia durat Christianis per totam vitam, siquidem luctantur cū reliquo in carne peccato quam diu viuunt. Ro. viij, no quidē per proprias vires, sed per donum spiritus S. quod

CAPVT MATTH.

quod sequitur remissionem peccatorum. Ro. viij. Si spiritu facta carnis mortificatio ritis, uiuetis. Hoc donum purgat & euertit quotidie & perpetuo reliquum in carne peccatum, & conatur hominem vere purgatum efficere. Hoc ignorant Papa, Iureconsulti, theologi, scholastici, omnes homines. Est enim doctrina ē cœlis hominibus reuelata, & apud impios sanctulos hæresis vocatur & diaboli doctrina.

Regnum cœlorum, regnum Dei, regnum Christi, dicitur contra caput serpentis, regnum diaboli, regnum mortis, regnum peccati, atq; adeo contra regnum & tyrannidem legis, & contra irā Dei, sub qua sunt omnes homines. Regnauit enim mors per peccatum ab Adam usq; ad Mosen. Per Mosen autem id est, legem reuelatum peccatum grauius occidit & desperare fecit. Donec veniret Euangeliū quod promittit remissionem peccatorum & vitam æternam propter Christum.

Hæc est benedictio omnium gentium
M iij

ENARRATIO IN III.

gentium in semine Abrahæ. Siquidem Euangeliō Christi benedicitur omnib. qui per legem erant maledicti & damnati. Hoc vere est regnum cœlorum, vbi iam Deus in Christo regnat & iustitia datur æterna nō nostris meritis, sed sola Dei bonitate, qui dilexit nos, & tradidit vñigenitū suum pro nobis, cum adhuc inimici essemus & impij, ob-signauitq; nos spiritu sancto, scilicet Data nobis fide per Euangeliū promissionis, vt hoc credamus & credendo simus filij Dei & heredes. Hic simus nos regnū Dei Reges & sacerdotes in Christo. Hic conteritur caput serpentis secundum promissionem Adæ factam per semen mulieris Christum. Hic cedit sententia, damnatio & terror legis, id quod per nullas vires, per nulla opera aut iusticias legis fieri potuit. Hic vere cognoscitur Deus, nempe q; sit Pater noster in Christo, & perit horrenda illa coecitas, contemptus, infidelitas, iniusticia &c. ex peccato originis contracta. Sic Christus ait, Lex & Prophetæ

CAPVT MATTH.

phetæ usq; ad Iohannem, ex eo iam regnum Dei Euangelizatur. Et Paulus Galatis. Donec (inquit) veniret semen, cui promissum erat.

Neg̃ vero hic solum respicere debes illud tempus antequam Christus in terris exhiberetur, sed etiā hoc tempus in singulis hominibus per totum mundum perpetuo, quando nondum per Euangeliū suscep̃tus est Christ⁹. Nam ibi regnat peccati & mors, & nō est remedium donec per Euangeliū veniat semen illud æternæ benedictionis. Nam qui serio sentiunt tyrannidē legis, quæ reuelat peccati & iram Dei de cœlo, perirent in æternū, vt Saul & Iudas, nisi sequeretur mox ista consolatio & prædicatio Euangeliū regni Dei. Quam diu non creditur in filium Dei, ira Dei manet super omnes homines, ait Iohannes Baptista. Vbi autē suscipitur fide filius Dei, nulla ira Dei esse potest. In illo enim coplacuit sibi Pater.

Præter hunc filium nihil respicis Deus, qui credit in eum est filius Dei &

M iiii

hæc

ENARRATIO IN III.

hæres regni. Sola igitur misericordia est, non nostrum meritum suscipimus. Non glorietur hic homo de sua vel sapientia vel iusticia nemo enim hec nouit quæ à sæculo fuerūt in Deo abscondita. Ro. vlt. & Patrem nemo nouit nisi filius, & cui voluerit filius reuelare. Matth. xi. Et Paulus nullam corā Deo probatam dicit iusticiam, ne legis quidem, nisi eam quæ per fidē est in Christum, Phil. ij. Sileant ergo hic sapientes, qui dicentes se sapientes, stulti facti sunt. Ro. i. Sileant & iusti, id est iusticarij, qui audiunt, Meretrices & publicani præcedunt vos in regnū cœlorū.

Et si sapientia & iusticia humana hic gloriari nō possint, sed debent gloriam dare Deo, & fateri se esse nihil, & damnatos, magna insania esset & maximus Dei contemptus, non damnare cognitam stultitiam & hominibus nota iusticiam ex secunda Mosis tabula. Id quod dicimus contra impenitentes illos, qui ex prædicatione gratia discut peccare, cum audiūt nō iusticiarios, sed meretrices

CAPVT MATTH.

meretrices & publicanos siue peccatores saluari, non volentes scire, q̄ ad pœnitentiam vocantur peccatores ut suscipiant Christum, quemadmodum Christus ait, Non veni vocare iustos, sed peccatores ad pœnitentiam. Item contra illos qui sciunt sapientiam humana ignorare Deum, & Dei iusticiam, ipsi veram Dei sapientiā stultissime negligunt, non discunt discernere inter Legem & Euangeliū, inter politicam & Christianā iusticiam. Hinc sit ut in temptationibus, & quando impugnant à sectarijs & falsa doctrina, non multo magis intelligent Euangeliū quam equis & mulus.

Addē in consolationem gentiū, quod & hic silere oportet sanguinem Iudaicum, nihil est q̄ Iudei ex patribus sancti prognati, pactum Dei circumcisionem in carne sua gestant, nisi suscipiant hoc regnū cœlorū, quod illa illius populi electio & illa circumcisio spectabat, secundum promissionem Abraham factā. In semine tuo, &c. Contra quos

M v hic

ENARRATIO IN III.

hic statim concionatur Iohannes, cum dicit Regnum cœlorū aduenire. Nam ipsi regnum terrenū per Messiam sibi somniabant, ut & hodie sex Iudeorū, non certe regnum cœlorū. Item infra. Nolite dicere, Patrem habemus Abram, &c. Et Christus dicit, Venient ab oriente & occidente & recumbent eū Abraham, Isaac & Jacob in regno cœlorum. Filii autē regni ejicientur in tenebras exteriores, ibi erit fletus & stridor dentium.

Quod igitur hæc omnia humana nihil sunt & damnata, est prædicatio poenitentiae & regnum cœlorum promittitur, prædicatio Euāgelij & gratiæ est. Hæc omnia Iohannes Euāgelistā sic expressit. Qui nō ex sanguinisbus, neq; ex voluntate carnis, nec ex voluntate viri, sed ex Deo nati sunt. Sola igitur vt dixi misericordia est, non nostrum meritum, q; in Christo suscipimus, ex regno tenebrarum in regnum cœlorum, Col. i. &c. Id quod hic Iohannes diserte addit, cum de regno cœlorum

rum

CAPVT MATTH.

rum dicit, Appropinquauit. Non enim nostris viribus meritis, iusticijs accessimus aut meriti sumus illud, quod sub regno mortis & tenebrarum comprehendens, ne nouiinus quidem num esset & quid esset, tantum abest, ut vel desiderare potuerit quispiam, sed venit ad nos, quæsuit nos, reuelatum est per Euāgeliū vnigeniti filij Dei & datum, ut nihil aliud quam gratiam Dei in hoc verbo intelligere possis.

IN deserto, quod facit ad meritis diem Iudeæ.

VOX clamantis. Quamvis in deserto secundum vaticinum, tamen vox clamatis prædictoris est vel vox clamans, ita ut excitet totam Iudeam, id ne putes in angulo eum prædicasse, id quod sectarij primum faciunt, ut deinceps occupent publicas cathedras. Nam preelectus Iohannes a Deo ad hoc præcursiois officiū, ut prædixeret Eliam &

ENARRATIO IN III.

& Malachias, latitat à puero in desertis
vñq ad tempus vocationis suæ, de quo
Lucæ iij. Quia vero hæc vox Iohannes
ad hunc clamorem à Deo electus & vo-
catus est, certum est & baptismū eius à
Deo esse ip̄i mandatum, nam per hūc
credentibus suū clamorem, id est, præ-
dicationem confirmabat, quemadmo-
dum Ioh. i. ip̄se respondet ex Esa, indi-
gnantibus sacerdotibus & leuitis quod
baptizaret. Ego inquit sum vox cla-
mantis, &c. q. d. Non sine vocatione
Dei prædico baptismum poenitentiae.
Ideoq & Ioh. i. dicit, Qui misit me ba-
ptisare, &c. Et Lucas cap. vij. vocat
prædicationem & baptismū Iohannis
consilium Dei. Id quod tunc in Iudæa
adeo notum erat, vt nō ausi sint Scribe
& Pharisei contra h̄icere cū Dominus
interrogaret. Baptisma Iohannis erat
ne ex hominibus an ex Deo?

Error est, sed hactenus iucundus
& absq; periculo doctrinæ, in verbis
cantum non in ipsa re, q; distinximus
inter baptismum Iohannis & Christi.

Nunc

CAPVT, MATTH.

Nunc vero quando sectis omnia plena
sunt, & posset calumniator hisce con-
suetis Christianorū doctorum verbis
abuti, sanctissime admonuit Philippus
noster, nō discernendū inter baptisma
Iohannis & Christi, nisi velimus discer-
nere personas, nempe inter Iohannem
& Christum, inter seruum & dominū,
inter iustificationis ministrū & ipsum
iustificatorem, quemadmodum Iohan-
nes infra dicit. Ego baptiso vos aqua,
ille autem, &c. id quod nemo querit in
hac quæstione, sed discernendū inter
baptisma Iohannis & Apostolorum.
Vtrumq Christi est siue in Christum.
Sed Iohannes vt prædicat venturum
Christum, ita baptisat in venturum
Christum, queadmodū hic manifeste
dicit, Qui post me venturus est. Apo-
stoli vero vt prædicant Christum qui
venit, ita baptizant in Christum qui
venit. Qualis enim est prædicatio Ioh-
annis & Apostolorū de Christo, talis
est & baptismus eorum. Ille mandatū
Dei habet prædicandi & baptisandi in
Iudæa,

ENARRATIO IN III.

Iudæa, ut dixim⁹, ut credatur in Christum venturum. H̄i autē in toto mundo, ut credatur in Christum qui venit, & qui accepta potestate in cœlo & in terra saluator est omnium & Iudæorū & gentium.

Postquam igitur Christus suo sacrificio & salvatione venit, impium esset prædicare q̄ nō venisset, sed venturus esset, quæ est, hodie Iudæorum blasphemia, impius esset & baptismus quo baptizaretur ita in venturū Christum. Quid enim hæc prædicatio & baptismus aliud esset quam negare Christum qui venit? Cessat igitur ut prædicatio Iohannis, ita & eius sacratissimus in Christū venturū baptismus, Postquam Christus factus est dux, ut prædixerat Daniel, Vſq; inquit, ad Christum ducem. Siquidem Iohannes præcursor futurus erat saluatoris non aliud, quemadmodū angelus patri eius dixit, Ipse prebit ante illū, &c. Et pater cecinit, Præbis em ante facie Domini parare vias eius, id quod repetitum ex

Eſaia

CAPVT MATTH.

Eſaia nemo est qui nō videt. Hæc legis ex ore Pauli Acto. xix, vbi sic dicitur. Iohānes baptisauit baptismo poenitentiae, dicens populo, ut crederent in eum, qui post ipsum venturus esset, hoc est in Iesum q̄ ipſe esset Christus.

Quod autem Iohannes baptista infra dicit, Christus vos baptizabit spiritu sancto & igni, non dicit de ministerio Ecclesie, siue de baptismō apostolis & Ecclesiæ instituto & mandato quem Ecclesia seruat, qui est mundatio siue lauacrum aquæ in verbo Ephe. v. sed dicit id quod verba habent de eo quod ipse per se esse erat facturus manifeste, coram oculis illorum, & illis ipsis quibus prædicauit Iohannes. Prophetat enim de manifesta donatione spiritus sancti qui venit in igne, ut legis in Actis Apostolorum.

Nam etiā Apostoli antea ut nos habuerunt fidem per spiritum sanctū, quemadmodū Petro confitenti, Tu es Christus filius Dei vivi, Respondet Christus.

ENARRATIO IN III.

Christus. Beatus es Simon Bariona,
Caro & sanguis non reuelauit tibi, sed
Pater meus qui est in cœlis, nempe sp̄
ritu sancto.

Vt autem ita intelligas, Christus
ipse dicit Acto. i. Iohannes baptisauit
aqua, vos autem baptisabimini spiritu
sancto, non post multos hos dies. Ec
Petrus Acto. xi. de historia Cornelij.
Cum (inquit) coepisse gentibus loqui,
cecidit spiritus sanctus super eos sicut
& in nos in initio. Recordatus autem
sum verbi Domini, quemadmodum dí-
xerat. Iohannes quidē baptisauit aqua,
vos autē baptisabimini spiritu sancto,
id quod etiam ipse Petrus in die Pen-
tecostes dixerat prædictū per Ioelem,
vt legis Acto. ii.

Vides itaq; Iohannem non hoc
dixisse de baptismate Christi quod Ec-
clesiae sive Christus instituit, licet etiam
in eo ipso detur spiritus sanctus, sed
occulte. Nam vt historia habet Acto.
x. in historia Cornelij, post hunc bap-
tismum quo baptisauit Christus ipse
Cornelij

CAPVT MATTH.

Cornelij domum spiritu sancto & igni
sine Petro, imo ne cogitante quidem
Petro, & nihil minus sperante. Petrus
iussit nostrum aquæ baptismū a Chri-
sto institutum, addi eisdem qui spiritu
sancto & igni a Christo ē cœlis erant
baptizati, quia non potest contemni
Christi institutio vbi spiritus sanctus
est, quemadmodū contemnunt Sacra-
menta Christi ex spiritu diaboli qui-
dam hodie, qui sapientiam & spiritum
maxime iactant. Sectarius aliquis qui
alioqui contēnit in Sacramētis Christi
institutionem, hic sine dubio dixisset.
Quid opus est baptizare aqua, quos
Christus ipse baptisauit spiritu sancto
& igni? Sed sinamus eos. Sic legis. Ad
hoc loquente Petro cecidit spiritus S.
super omnes qui audiebant verbum &
loquebantur linguis &c. Tunc respon-
dit Petrus, Nunquid aquam quis pro-
hibere potest, vt no baptisentur hi qui
spiritum sanctum acceperunt sicut &
nos? Et iussit eos baptizari in nomine
Iesu Christi. Audis & hic baptismum

N aquæ

ENARRATIO IN II.

aquaꝝ quemadmodū & Iohannes dicit
de suo baptisme. Ego baptiso vos
aqua.

Hæc interim necessario dicimus,
propter ipsam verbi Dei & Historiæ
veritatem, quia erant olim, & nunc
quidam dicuntur esse apud Indos qui
Iacobitæ vocantur, si recte memini &
si verum est quod dicitur, qui sentiebat
ex his verbis Iohannis de Christo, non
aquam tantum ad baptismū adhiben-
dam, sed etiam ignem, & parvulos ali-
quo signo, nescio quo per ignē notan-
dos. Et certe Origenes scribit quandā
suam discipulam catechumenam, quæ
martyrio coronabatur, baptismū ignis
esse consecutam, ut legis in historia
Ecclesiastica Eusebij lib. vi. cap. iij.
Videtur illa mulier a lictoribus præ-
uenta, ne posset consequi baptismum
aquaꝝ.

Si vero externum ignem à nobis
ad adiunctionem sentiunt adhibendam,
cur non etiam adhibent externe spiri-
tum sanctum ad aquæ baptismum?

Nam

CAPVT MATTH.

Nam nō solum dicitur. Ipse baptisabit
vos igni, sed ipse baptisabit vos igni &
spiritu sancto? Aut cur nō immergūt
totum hominem in ignem, quando hic
audiuunt baptismum ignis nō aliquam
per ignem vel cauteriū notationem?
Sed credimus eos non adeo esse stupi-
dos, vt tales baptismū tentare velint.
Sic fit illis qui relicta institutione Chri-
sti & mandato, aliud verbum arripiūt,
quod non est ipsis mandatum.

De Christo dicitur. Ipse bapti-
zabit igni & spiritu sancto. Hoc ipsi
arripiunt sine mandato, quasi ipsi sine
Christus & plus quam Iohannes &
Apostoli. Institutione autem baptismi
aquaꝝ, dicit. Ite docete omnes gentes,
baptisantes eos in nomine Patris &
Filij, & Spiritus sancti. Hic est baptis-
mus aquæ, quo & Christus in Iordanē
baptisatus est, & Euuuchus Candacis
reginæ in flumine, de quo Paulus di-
cit, q̄ Christus mundat suam sponsam
lauacro aquæ in verbo. Hanc institu-
tionem contineant, meliore volentes

N i facer

ENARRATIO IN III.

facere baptismum dum ignem addunt
a Christo non institutum.

Sunt qui dicunt nunc Christum
baptisare aqua & spiritu sancto, quem
dat occulte, ut verū est, secundū illud
verbum Christi, Nisi quis renatus fu-
erit ex aqua & spiritu sancto, &c. In ex-
tremo autē die baptisaturū per ignem
suos electos, quando per ignem purga-
tiā morte & omni corruptione libera-
buntur per Iesum Christum Dominū
nostrum. Hoc vtcung⁹ dicatur, modo
nihil decadat gratie Christi per quē so-
lum purgamer, tamen nihil ad institu-
tionem baptismi, nihil⁹ pertinet ad
hæc verba Iohannis.

Quis etiam repræhenderet vel
veteres doctores, vel nos pie docentes,
q̄ renascimur ex aqua & spiritu sancto
qui cſt ignis, vt capiatur coniunctio &
expositiue, Baptisamur spiritu sancto,
id est, igni, si hoc licet ut notū per igno-
tius, & rem ipsam per suam allegoriam
exponamus, ut alia uocabula omnia in
propria significatione relinquentes ex
solo

CAPVT MATTH.

solo igni faciamus allegoriam. Nemo
enim malam sententiam esse dicit, si eu
qui in se sp̄ritus sanctus est dixerit esse
ignem ex effectu. Sp̄ritus enim præ-
dicatione Euangeli⁹ primum exurit,
confundit, damnat & perire facit om-
nia nostra, siquidem arguit mundum
de peccato, & de iudicio & de iusticia,
Deinde illuminat fide & cognitione
Dei & uoluntatis eius, & inflamat
amore Dei, inuocatione, vita pia, ita ut
multæ aquæ tribulationis nō possint
extinguere hanc sanctam flammat &
spiritus sancti ignē. Sed quamuis hæc
vere dicantur, & certissime uerū est q̄
Christus etiā nunc in Ecclesia baptisat
spiritu sancto, tamen ex alijs scripturæ
locis confirmanda sunt. Iohannes hic
talia non dicit.

Similiter nō male dicitur. Chri-
stus baptizat spiritu sancto, id quod
nemo negat de baptismo a se instituto,
& igni, scilicet tribulationis, quemad-
modum i. Petri i. & alibi saepe scriptura
utitur ista ignis allegoria, q̄ per ignem
N in istum

ENARRATIO IN III.

Iustum probamur & purgamer quemadmodum aurum in igne, alioqui quidam ad tempus credunt, & in tempore tentationis recedunt. Sed quid haec ad sacramentum baptismi, quo non in opera humana aut tribulationes uel passiones respicitur, sed in solum Christum purgatorem & saluatorem? Ut non dicam quod in verbis certis institutionis Christi nihil certi relinquatur, si ubiuis licet incertis allegoribus corrumpere historias ueritatem. Nam ubi scriptura ignis allegoria uititur pro tribulatione, ibi se ipso exponit ut nemo ita accipit dubitet id quod non sit hic uerum quid his hic opus est: verba Iohannis baptistae hoc non uolunt.

Plausibile uero est, quod quidam putant hoc Iohannem dicere, Christus baptisabit uos Iudeos, alios spiritu sancto ad uitam qui crediderint, alios igni inextinguibili qui non crediderint. Et uidetur huic sententiæ astipulari quod sequitur. Repurgabit aream suam, & congreget triticum in horreum suum,

paleam

CAPVT MATTH.

paleam autem exuret igni inextinguibili. Sed ego ut baptisatum pro damnatione & perditione accipere non possum, ita etiam non debeo. Certe Iohannes de tali baptismo non dicit.

Has varias interpretationes verborum Iohannis ubi dicit. Ille baptisabit &c. vobis chariss. auditores proposui, non ut probetis eos qui uarie solent verbum Dei interpretari, & in mille lacrare formas, sed potius caueatis eos. Nam magnam sapientiam & spiritum iactitant, quasi non etiam aliis possit in quouis scripturæ loco fingere. Si hoc est interpretari scripturam et non potius obscuram reddere. Et certe est tales esse indoctissimos et ignorantissimos scripturæ, quia ualiam illam et certam spiritus sancti sententiam non uident alioqui qui auderent in eodem scriptura loco agam et saxe diuersam asserere! Fit etiam ut se pro illam bonas sententias, licet aliunde probandas non dicat quales quo proposicii, et quales saxe diuersus Augustinius sanctissimas dicit, licet non

ENARRATIO IN III.

non in loco, sed dicant potius absurdas
& à scriptura alienas, quemadmodum
Papa solet, ut cum interpretatur verbū
Christi cōtra Christū. Tu es Petr⁹, &c.

Habetis igitur hic ex me egregiū
exemplum varie interpretationis, ad
cauendum. Nam licet quædā sint uera
in se quæ dixi, quæ vel ex alijs scriptu-
ræ locis possunt confirmari, uel saltem
nihil apud pios habere periculi in fide,
~~camē~~ hæ omnes interpretationes simul,
præter unam, sunt falsæ huius loci in-
terpretationes, quæ nobis cauēdæ sunt
ubiqz & unica quæ uera est querenda,
fide magistra, quemadmodum Paulus
ait interpretationem siue doctrinam
debet esse analogam fidei.

Non tamen video qui nō sit pe-
niciulum, quam profalsam interpre-
tationē negatiū interim historiæ ue-
ritatis, et fere fit, ut detur erroris
inquietudo spiritibus, ut factum est il-
lis qui qnt baptismū ignobilitate
oscitantia nostra et iniquitudo erga
deum, fastidium uerbi et contumacio
pro

occiso +

CAPVT MATTH.

præsumptio sapientiæ & securitas ab-
duxerūt nos à sacra scriptura, id quod
uides uel in hoc uno loco. Nam pauci
admodum usq; in hodiernum diem
uiderunt hanc scripturæ huius inter-
pretationem quam ex facto sequenti
& ex verbo Christi & Petri ueram
ostendimus.

Confitentes peccata sua, id est,
fatētes sc̄ esse peccatores uel agnoscen-
tes peccata sua & damnantes ea, quō
fatentur se poenitentiam agere, & præ-
dicationi Iohannis credere. Inianit
prorsus qui hic aliquid dici putat de
confessione auriculari. Iccirco nunc
de ea hic ne uerbum quidē dicam, sed
dicam forte alibi commodiori loco,

VM uidisset, &c. Necessario hoc
in historia additur. Cum eū pœ-
nitentia mandato Dei per Prophetas
& Prædicatores prædicatur omnibus
hominibus, ut resipiscant ab erroribus
& peccatis suis, ut totus mundus fiat
obnoxius Deo, quemadmodū dicitur

N v

Ro. iii.

ENARRARIO IN III.

Rom. sanctuli & suo iudicio iusti, quales hic sunt Pharisæi & Sadducei, contemnunt, & iudicant hanc poenitentia prædicatione plane nihil ad se pertinere. Non malam quidem esse prædicationem, sed quæ non ad ipsos cum iusti sint, uerū ad peccatores tantum pertinet. i.e. ad publicanos & meretrices. Hos Christus Lucas xv. uocat iustos qui non indigeant poenitentia, quemadmodum ipsi sentiunt, frustra inflati mente carnis sua, & doctrinis humanis excæcati, ut dicitur Col. ii.

Ideo spiritus sanctus qui per prædicationem uerbi arguit totum mundum, & condemnat omnia nostra, fortius ac durius arguit hoc sanctorum genus qui nolunt esse peccatores & propter peccatum damniati, aut si peccatum uident saltem illud quo peccatur in secundam tabulam, nam primam prorsus non intelligunt, tamen confidunt suis cperibus, iusticjbus, cultibus fictis, satisfactionibus, breuiter, ut dicitur Lucas xvij, confidunt in semetipsos tanquam iusti.

CAPVT MATTH.

iusti, & aspernantur cæteros &c.

Vocat ergo Iohannes eos progeniem viperarum, non solù q[uod] ex mala origine ueniant in peccatis concepsi & nati, id quod est omnium hominum, sed multo magis, q[uod] ultra naturalem illam naturæ corruptæ cæcitatem & impietatem, habuerint patres, id est, doctores traditionum humanarum, ficti cultus & falsæ operum iusticiae, quæ est uera idolatria, & ignorantia primi præcepti, qua dicit impius in corde suo, Non est Deus, Vnde fit ut meretrices & publicani citius agnoscant suum peccatum, & conuertantur ad Deum quam isti spientes & sanctuli contemptores Dei & hominum, non iusti ut uideri uolunt, sed mendaces insana doctrina, & homicidæ atroci in professores uerbi odio, ut Christus eos suis coloribus despingit Ioh. viij. Cæci sunt & duces cæcorum. Matth. xv. Ipsi infecti doctrinis dæmoniorum & uero diaboli ueneno generat discipulos eodem ueneno infestos, q[uod] calore generandi ipsi pereunt, & gignunt

ENARRATIO IN III.

gignunt filios sive discipulos, quos si
militer postea perire necesse est, quem
admodum de coitu & partu viperarū
scribitur.

Pergit uero Iohannes, Quis (in-
quit) submonstrauit uobis: &c. signifi-
cans nullum genus hominū magis ex-
cæcatum contra Dei ueritatē atq; hoc,
q; dicat. Non miror de alijs, q; agnoscē-
tes sua peccata resipiscunt, & dant glo-
riam verbo Dei. De uobis uero miror,
q; possitis persuaderi, ut resipiscentes
non sustinatis uenturam Dei iram.
Venturam aut̄ iram dicit, quia futurū
erat nunc, secundum prædicta Prophe-
tarum, ut infideles Iudæi & corpore &
spiritu abiiceretur, amissio regno etiam
Messiæ sive Christi & sacerdotio. De
qua fra Dei infra dicit hic Iohannes
multis uerbis. Et Ioh. iij. Qui nō credit
in Filium ira Dei manet super ipsum.
Hæc omnia de hypocritis & iusticiarijs
omnium temporum uera sunt.

FAcite igitur fructus. Post in-
crepationem admonet & terret sive
commínatur.

CAPVT MATTH.

commínatur. Admonet ut qui iam
uolunt uideri pœnitentes & credentes
prædicationi, uere & ex animo pœni-
teant & resipiscant. Comminatur ue-
ro q; sunt perituri nisi resipiscant, q; nō
erunt coram Deo filii Abraæ. q; securis
ad radicem arboris posita est, q; palea
exuretur igni inextinguibili. Hodie
apud nos, qui spirituales se iactabant,
inueniuntur per Euangelij prædicati-
onem regnum esse Antichristi, de quo
dicam forte capite sequenti de tertia
Christi tentatione. Vides quā pereant
sua impietate & manifesti sint hostes
Christi, de quibus Psalmo ij.

Iusticiarium uulgs monachi &
alijs ex his verbis, Facite dignos fructus
pœnitentiae uolunt confirmare man-
dataas suas ex humanis traditionibus
satisfactions pro peccatis, & omnes
illas iusticias humanas, & fictas religi-
ones & impia sacrificia, cum tamen ne
unum quidem uerbum hic dicatur, q;
per talia satisfaciendū sit pro peccatis,
tūdō longe aliud hic dicitur, nempe Ap-
propinquauit

ENARRATIO IN IIL

propinquavit regnum cœlorum. Et plane illa impia opinione satisfactionū negatur Euangelium, negatur sanguis Christi & misericordia patris, unde nobis non merita remissio, quæ non esset remissio, sed gratuita remissio est peccatorum, quam prædicat syncerum Christi Euangeliū siue ullis meritis siue operibus nostris, siue sint indebita ex trapitionibus humanis, siue debita ex lege diuina ut nō dicā, quod ex lege diuina esse non possunt cum fiunt fiducia satisfaciendi pro peccatis, nam hoc est idolatria contra maximum & primum preceptum sine quo alia omnia corā Deo nihil sunt, quod docet fidere soli benignitati patris, &c. Lege hæc in Apologia confessionis Augustinæ.

Ridiculum igitur est uel apud pueros sic interpretari, Facite dignos fructus pœnitentiae, id est, satis facite pro peccatis uestris, aut in mundo aut in monasterio. Quando hoc Iohannes prædicauit qui clamat, agnum Dei tollere peccata mundi, ut sit diuina remissio

CAPVT MATTH.

missio peccatorum non humana satis factio pro peccatis.

Quæ est ergo horum uerborum nativa sententia? Respondeo hoc uolunt quod sonant, facere fructū, more scripturæ, est, pducere vel ferre fructū, quemadmodū herbæ & arbores, Nam ex his sumpta est hæc metaphora, vt Psal. i. Et omnia quæcumq; faciet prosperabuntur, id quod uel ex hoc loco notissimum est, Nam statim additur. Omnis arbor quæ nō facit fructū bonum, &c. Ex fructu autem cognoscitur arbor, bona ne sit aut mala, quemadmodum & Christus dicit Matth. vii, vbi & manifeſte exponit metaphoram, dicens. Ex fructibus ipsorum agnosceris eos. Ex fructibus scilicet quos faciunt siue producunt agnosceris eos, nō dicit, Per fructus suos satisfacient pro peccatis suis, cum potius impios nebulones & hypocritas, doctrinæ dæmoniorum prædicatores, eos esse dicat, ut non dicam, q; Christus satisfactores peccatorum no agnoscit, tantum abest, ut suo uerbo

ENARRATIO IN · III.

uerbo approbet. Tam crasse nos hæc iudicare hoc loco oportet propter cras sisimam uel ipsius grammatices ignorantiam , qua docuimus hactenus ex his uerbis impietatem.

Hoc igitur uolunt hæc uerba, Facite fructus dignos pœnitentiæ, uel, Facite fructus qui deceat pœnitentiæ. Vos Pharisæi & Sadducei uenitís huc ad baptismum pœnitentiæ. Sed si uere iam uultis esse posthac bona arbores, id est, uere & ex animo pœnitentes & credentes prædicationi Dei. Facite, id est, producite in conscientia uestra coram Deo secundū primā legis tabula, & externe coram mundo secundum alteram legis tabulam, fructus dignos pœnitentiæ uel fructus qui deceat pœnitentiā, hoc est, relinquite errores, non docete doctrinas humanas, nō seducite alios, bene facite secundū uerbum Dei, seruite alijs secundū uestrī uocatiōnem. Hoc est quod uulgo & uere dicitur, Pœnitentia est noua uita ex uerbo Dei, & baptism⁹ est mortificatio nostri,

CAPVT MATTH.

nostri, ut posthac Deo uiuamus. Si uero blasphemias uestras, falsos cult⁹, seductiones, rapinas, hypocrisin, contemptum uerbi Dei & uitia alia nō deferitis, sed amaueritis posthac & defenderitis, ex his fructibus apparebit, & uobis coram Deo & alijs corā mundo, uos esse adhuc malas arbores, non esse uere pœnitentes sed maiora peccata iam additis priorib⁹, conati iam & Deum fallere reuelata nunc ueritate. Hic pereundum est uobis iudicio Dei cum alijs hypocritis &c.

Hoc uerbo significabat Iohannes se in spiritu uidere quosdam Pharisæos & Sadduceos, ficto corde uentre ad baptismum, & propter uulgas simulare probitatem, quemadmodū & Simon magus uenit ad predicationem & baptismū apostolorū, & Iudas proditor uidebatur esse bonus Christian⁹, Saul sanctus rex, nempe à Deo electus ad regnum, ut Iudas ad apostolatū, & quidam hodie Euangelici qui sunt admonendi & terrendi hisce Iohannis

O

uerbis,

ENARRATIO IN III.

uerbis, ut uere resipiscant, ament Euān gelium, credant in Christum, fateatur & doctrina Sc̄iūta secundū Dei uerbū, & si peccata adhuc sentiunt in isto pec cati corpore, non tamē deficiat ab ista fiducia misericordiæ Dei & remissionis peccatorum in Christo. Hi sunt digni fructus poenitentiar̄ Christianæ. Si aut̄ ueteres errores & abominationes Pa pisticas probant, alios cōtemnunt &c. quid illis cum Euāngelio & sacramen tis Christi adhuc sunt in peccatis suis. Nam uera quidē est remissio peccato rum per Christum, ut in Psal. dicitur, Beati quorū remissæ sunt iniquitates, &c. sed illīc additur. In cuius spiritu non est dolus.

Vide quā dico ex Luæ tertio, Iohannes cū dignos fructus poeniten tie, id est, nouam uitam requirit, non mutat ciuiles & politicas ordinationes uocans homines ut relictis muneribus publicis & uocatione, habitent secum in deserto, sic edant, sic se torqueant, hæc & illa faciant pro peccatis auferen dis, pro

CAPVT MATTH.

dis, pro meritis augendis, has & illas seruent regulas monachales, sic uestiāt &c. quā est iustificatio Antichristiana, sed fideles iam factos & fide iustifica tos admonet charitatis erga proximos ut qui abundant cæteris subueniant. Qui habet (inquit) duras tunicas &c. Publicani ultra constitutum nihil exi gant ab hominib⁹. Milites no sūnt ini urij, sed contenti suis stipendij, id est, quisq; in sua uocatione seruat fideliter alijs, tanquam Domino Christo, quem admodum Paulus & Petrus adnionēt seruos & subdītos, itemq; dominos & magistratus.

Aduerte quod Lucas dicit Io hannem ad turbas dixisse hæc uerba, Progenies uiperarum, &c. quando au tem nō facit mentionem Phariseorum & Sadduceorum, intelligitur ex Matthæo dixisse hæc principaliter ad Pha riseos & Sadducaeos, qui in illa turba erant. Nam & Christus in Euāngelio saepe seorsum sic concionatur contra eos. Recte tamen ad totā turbam ista

O ij per

ENARRATIO IN III.

pertinent, quæ sinit se à Pharisæis & Sadducaeis seduci, secundum illud. Si cæcus cæcum dueit, ambo in foueam cadunt. Quemadmodum & spiritus sanctus in Paulo i. Timoth. iiiij. non solum magistros quos spiritus erroneous & diabulos uocat, sed etiam discipulos & uel solos discipulos erroris damna-
tos dicit, Post fidei (inquit) defectio-
nem adhærebunt spiritibus erroris &
doctrinis dæmoniorum &c.

NE sitis hac mente, &c. id est, Ne fiduciā habeatis in hoc, quod estis nati ex carne Abrae & Patriarcharum, propterea quod Deus promisit Abrae & semini eius, Meminisse etiam uos oportet quam comminatus sit etiam in Mose & Prophetis, Iudæis incredulis, unde nosse uos oportet filios Abrae credentes esse illos qui benedicendos se credunt per semen Abrae Christum, quemadmodum scriptum est, In semine tuo benedicentur cunctæ co-
gnationes terræ. Filii sunt Abrae qui credunt ut Abraham, & qui ex fide faciunt

CAPVT MATTH.

faciunt ut Abraham, obedientes uerbo Dei, quemadmodum & Christus de- clarat Ioh. viij. & Paulus Gal. iiiij. Omnes filii Dei estis, eo quod credidistis Christo Iesu, Nam quicunq; baptisati estis, Christum induistis. Non est Iu- dæus neq; Græcus, non est seruus neq; liber, non est masculus neq; foemina. Omnes enim uos estis unus in Christo Iesu. Quod si uos estis Christi, igitur Abrae semen estis, & iuxta promissi-
onem haeredes. Itaq; qui ex fide sunt, benedicuntur cum fideli Abraham. Nam quotquot ex operibus legis sunt maledictioni sunt obnoxij, &c.

Valde præsumebant Iudæi qua-
si sancti de generis nobilitate siue san-
ctitate, quod essent populus Dei, qui
perire no posset, nolentes uidere quod
Deus requirit fidem, obliti omnium
maledictionum legis, & comminatio-
num contra incredulos Iudæos. Con-
tra quod dicit Johannes Euangelista,
Sui eum non receperunt, quotquot
autem receperunt eum, dedit eis pot-
estatem

O iiij

ENARRATIO IN III.

statem filios Dei sieris qui credunt in nomen eius , qui non ex fanguinibus, &c. Et fideles poenitentes siue resipiscentes dicunt Esa. Ixij. Tu Domine Pater noster es , Abraham nescit nos, Israel ignorat nos. Tu domine Pater noster, redemptor noster, a seculo nomen tuum. Et hic Iohannes communatur eis. Potens (inquit) est Deus de hisce lapidibus suscitare ipsi Abram filios, id est, qui credituri sunt ut Abraham, abiectis uobis, si non credideritis ut Abraham ereditit, id quod illi imputatum est ad iusticiam.

Lapides certe, quos indicat manu Iohannes in deserto, non sunt ex semine Abrae, non habent legem Mosis, non colunt Deum, neq; diuinis neq; humanas traditiones habent. Muti sunt, surdi, cæci, absq; corde, absq; uita, quo significat Iohannes gentiles a republica Israelis alienos, ut dicitur etia Ephe. ij. & per hoc prædicat ueram & meram Dei gratiam, quemadmodum de conuersione gentium dixi supra secundo

CAPVT MATTH.

etundo capite . De quibus Paulus ad Romanos ex Olea dicit, Vocabo non plebem meam, plebem meam &c. & ex Esaia, Inuentus sum a non querentib; me &c.

Iam securis, &c. Id est, nunc fiet quod prædictum est uobis . Abhiciensur & a Deo & ab hominibus inerediti Iudezi omnes, tantum reliquæ salutem fient, id quod Paulus rursus citat ex Esaia. Si fuerit numerus filiorum Israel ut arena maris, reliquæ salutem fient. Securim uocat iudicium Dei quod iam imminebat contemptoribus Christi siue Euangeli eius . Et pergit eadē similitudine, Omnis arbor inquit &c. qua postquam damnauit generis fiduciam, nunc etiam damnat operum & iustitiae propriæ fiduciam. Nihil minus suspicantur isti Pharisei & Saducæi quam se non facere fructum bonum, dum faciunt multa secundum traditio nes humanas, seruientes, ut putant, Deo, unde audent dicere, Non sum si eut ceteri homines, &c. vnde & nomen O iii. habent

ENARRATIO IN III.

habent Pharisei, id est, separati, & Sad-
ducae, id est, iustificati. Omnia quæ fa-
ciunt uel ex traditionibus huimanis,
uel in speciem ex lege Dei (quæ cor re-
quirit, id est, ut facias quæ præcipi-
tur ex fide) faciunt ut videantur ab ho-
minibus Matth. vi. & ut merita habeat
coram Deo, non ex fide, sed ex suis
operibus iusti quemadmodum ille di-
xit, Gratias ago tibi Deus, quia nō sum
sicut cæteri, &c. De quibus dicemus
Matth. viij. vbi etiam excluduntur à
regno, qui Euangelium prædicarunt,
demones expulerunt, & miracula fe-
cerunt in nomine Christi, quod horum
operum fiducia suscipi uolunt in coe-
lum, non propter Christum solum, fa-
cientes ex diuinis operibus & nomine
Christi factis opera sibi pessima, id est,
idolatriam. Quod si de talibus hoc as-
crit Christus, quid de alijs speres? Hoc
etiam Iohannes Euangelista sic dixit,
Neq; ex uoluntate carnis neq; ex uo-
luntate uiri &c. Et Paulus ex Mose,
Non est uolentis neq; currentis, sed mi-
serentis Dei.

Ex

CAPVT MATTH.

Ex ista falsa fiducia, quæ uere in-
credulitas est, fit ut hi iusticiarij & hy-
pocrita de lege gloriantes primū præ-
ceptum non solum non habeant, sed
etiam horrende in illud impingant, &
plus quam alij peccatores peccent &
excæcati sunt. Admonet ergo Iohan-
nes ut resipiscentes uere credant, &
quisq; secundum uerbum Dei sue ser-
uiat uocationi, id quod est omnia ex fia
de facere &c.

Ego quidem baptiso &c. Ex-
pressius hoc describit Iohannes cap. i.
Cum enim Iohannes tantus habereatur
ut posset credi quod esset Christus, ut
dicitur Lucæ ij. interrogabant eum, ut
est Ioh. i. Tu quis es? &c. Denicit ergo
se licet in utero sanctificatus sit, longe
infra Christum, & se ne cōparandum
quidem illi uel in minimo fatetur, in-
dignumq; qui uel eius calceamenta
portet, id est, qui saltem uilissimum
ministerium ei præstet, quo declarat
non hominem solum Iesum Christum
sed etiam Deum esse, alioqui certe ho-

O v modignus

ENARRATIO IN III.

mo dignus est qui homini præster obsequium. Quam confessionem Iohannis Baptiste, de Christi etiam diuinitate, clarius uides Ioh. i. & iii. Et addit, Ipse baptisabit uos spiritu sancto & igni, q. d. Ego interim nullum miraculum facio, ut dicitur etiam Ioh. x. Ipse uero declarabit se in celo & in terra esse filium Dei & salutem mundi, portentis & mirabilibus, & post eius resurrectiōnem uiidebitis & fieri uobis quod Ioh. prædixit. Et erit in nouissimis diebus &c. que legis Aeto. ii.

Potest me, id est post meum officium, postquam consummauero prædicationis & præeursionis meæ negotiū, ministrandi Deo mandatum, ipse ueniet, scilicet ad suum officium, & inchoabit prædicatione Euangeliū suum in terris regnum. Ego tunc cesabo, ipsius uero regni non erit finis. Hoc Malachias de Iohanne & Christo ita prædixit. Ecce ego mittam angelum meū, &c. Sic & in Evangelio Iohannis intelligi, nam de personis non potest intelligi.

CAPVT MATTH.

telligi, quia Iohannes & Christus simul erant in terris, neq; Iohannes aliter intelligit, qui & in Evangelio Iohannis sic loquitur, Ego baptizo in aqua, Medicus autem uestrū stetit quem uos uescitis, quo uerbo fatetur eum præsentem, & tamen addit, Ipse est qui post me uenit, qui ante me factus est, id est, dignior & superior me, cuius non sum dignus ut soluam eius corrigiā calceamentū, & rursum. Illum oportet crescerē, me autē minui. Qui ē supernis uenit super omnes est &c. Non itaq; in hominem, licet sanctissimū, dicit Iohannes confidendum, sed in Iesum Christum Deum & hominē, hunc esse salvatorem & mediátorem inter Deum & hominē, qui donat spíritum S. & uerba Dei loquitur. Quid ergo nobis cum patribus dum docent contra Christi iusticiam & Euangeliū sinceritatem: quid cum meritis & inuocatione sanctorū & reliqua Papistarum idolatria: &c.

Cuius uentilabrum. Alia similitudine idem dicit quod antea de securi-

ENARRATIO IN III.

curi & arboribus. Christus constitutus iudex uiuorum & mortuorum. Acto. x. triticum, id est, fideles congregat in horreum suum, in Ecclesiam suam, in regnum cœlorum, habet eos pro populo suo, & filios Dei facit. Paleam autem, id est, incredulos & hypocritas, qui triticum præmunt, separatos tradet iusta standos & temporaliter & in æternum. Ut uideas quam diligenter Iohannes præstet prædicationē poenitentiaē, quæ interim sine fructu maneret, ut ante diximus, nisi etiam prædicaretur remissio peccatorum per Euangeliū. Id quod hic etiam describit Matthæus Iohannem fecisse cum dixit. Appropinquauit regnum cœlorum, sed multo clarius hoc uides Ioh. i.

& in testimonij Johannis de Christo.

SEQVITVR NVNC RE
uelatus mundo Christus, & regnum eius per Euangeliū in terris.

CAPVT MATTH.

TVnc accedit Iesus à Galilæa ad Iordanem, &c.

Postquam præcursor Iohannes cum sua prædicatione & baptismo descriptus est, Nunc Christus accedit se se declaraturus mundo, sed primum suis Iudæis secundum promissiones patribus factas Ro. xv. quemadmodū Iohannes dixerat. Qui post me uenturus est, &c. Hic Christus filius Dei pro nobis homo factus, ut fieret in cruce hostia pro nobis, incipit regnum suum per Euangeliū inuulgatum in terris, quod postea mittit ad omnes gentes, dicens. Euntes in mundum uniuersum, &c.

Quod cum prædiceretur Iudæis olim conquerebantur Prophetæ, ut est Esaïæ linij. Domine quis credidit audiuit nostro, & brachium domini cui reuelatum est? Siquidem & gentes & Iudæi, id est, omnes homines etiam hodie offenduntur formis crucis. Ideoq; & carnales Iudæi expectant suis somnijs alię

ENARRATIO IN III.

nisi alium Christum, & aliud Christi regnum in terris, quo nihilo meliores essent coram Deo quam nunc sunt. Non intelligunt promissiones de semine mulieris de semine Abrae, & alias in Prophetis & Psalmis de Christo. Non uident suum peccatum & sui damnationem, & opus se habere Christo redemptore. Non possunt excusatui uideri, hanc esse gloriosissimam gloriam in regno Christi, q[uia] Christus mundat suam Ecclesiam per spiritum S. Iauacro aquam in uerbo, condonans omnia peccata, facit filios Dei, triumphat in nobis contra peccatum, mortem, Satanam, donat uitram aeternam, ut cum fiducia per eum dicamus. Vbi nunc mors est uictoria tua? Omnia regna & imperia mundi quae peritura sunt, ne unum quidem peccatum ex conscientia afflitti & terribilis peccatoris auferre possunt. Legant Iudei suas prophetias & uidetur Christum uenisse & regnare quemadmodum promissus est.

In hoc tempore sacri baptismi & prædicationis Christi, siue in uulgatis

Evangelijs

CAPVT MATTH.

Evangelijs de filio Dei respexerunt Prophete quando de Christi regno predixerunt. Ro. i. Quod ante promiserat per Prophetas suos in scripturis sanctis de filio suo, quemadmodum Daniel praecateris manifestissime hoc tempus ducatus siue incepit regni Christi predicti circa ca. ix. vñq[ue] (inquit) ad Christum Ducem, non dicit vñq[ue] ad Christum natum, sed Ducem, id est, incipiente per Evangelium regnare primum ex suo ore, deinde etiam ex ore infantium & lactentium, ut est Psal. viii. Verba Danielis sunt: Septuaginta hebdomades constitutae sunt super populum tuum, & super civitatem tuam sanctam, tunc auertetur prevaricatio, tegetur peccatum, expiatitur iniurias, adducetur iusticia aeterna, obsignabitur uisio & prophetia, & ungetur (i.e. rex erit) Sanctus sanctorum. Scito ergo & animaduerte, ab exitu sermonis, ut iterum edificetur Hierusalem usque ad Christum Ducem &c. Harum hebdomadarum computationem uidere licet, si legeris Lutheri annotationem in Danielen, & Philippum in Chronicis Carionis.

Sic &c

ENARRATIO IN III.

Sic & Petrus Acto. x. repetit de
hoc tempore & initio regni Christi si-
ue noui testamenti, dicens gentibus in
domo Cornelii, Sermonem quem mis-
sit Deus filiis Israel, annuncians pacem
per Iesum Christum (hic est omnium
Dominus) ipsi nostris, de quo sermone
fama diuulgatum fuit in tota Iudea,
rumore primum orto à Galilæa, post
baptisma quod prædicabat Iohannes,
ut Iesum Nazarenum unixerit Deus
(id est, fecerit regem & summum sacer-
dotem spiritu sancto & uirtute, qui ob-
ambulauit bene faciendo & sanando
omnes oppressos à diabolo, quoniam
Deus erat cum illo &c. quæ certe an-
gustiora & maiora sunt quam Iudæi
somniant & caro uidere potest.

Incipit uero Christus suum re-
gnum à baptismo quem ipse suscepit,
& paulo post instituet toti mundo non
Iudæis solum, neq; masculis solum ut
circumcisionem, ut hac gloriosa & di-
uina ad Iordanem revelatione, quæ fit

præ

CAPVT MATTH.

præsente populo qui ad Iohannem
confluebat, qualis nunquam prioribus
Patribus & Prophetis facta est, decla-
ret quantam Dei gratiam & cœlestem
gloriam ipse per Euangelium siue nos-
uum testamentum attulerit, lege &
terrore iudicij Dei pressis, id est, mise-
ris & desperatis peccatoribus.

Siquidem ibi aperitur super Chri-
stum cœlum, non dubium quin cum
ingenti lumine, & ex illo lumine con-
cionatur pater luminum super lumen
mundi, id est, super Filium suum, sine
quo quid sunt omnia nisi tenebre, Ioh.
i. Hac uero concione quæ ipsissimum
est Euangelium, pater, non Iudæis in
templo, sed toti mundo ex cœlis, tan-
quam orbis terrarum suggesto, com-
mendat nobis suum filium. His ma-
gnificis uerbis, Hic est filius meus dilec-
tus, in quo mihi bene complacuit.
Non enim propter se aut propter filium
haec dicit, quemadmodum & de alia
uoce Patris etiam legis Ioh. xij. sed
propter nos, q. dicat. Vos homines hic

P

uidetis

ENARRATIO IN III.

uidetis Filium meum dilectum in carne uestra, id est, uobis similem & uobis datum. Hunc uobis do, hunc uobis commendabo. Hic quantum quatinus est, uester est, si fide eum suscepitis. Ioh. i. In hoc dilecto estis mihi dilecti. Ephe. i. In hoc placente mihi, erit & in uobis mihi complacitum. In Christo eritis accepti, non in lege & operibus uestris, non in ulla creatura siue coelesti siue alia. Qui non crediderit in Filium ira Dei manet super eum Ioh. iii. quantum cuncta uel sapientia uel iusticia preemire videatur, i. Cor. i. & ii. Qui autem crediderit in hunc dilectum, dilectus & ipse est, habetque uitam aeternam quantitas cuncta prematur peccatis, quae in hoc filio abalentur cum damnatione quae peccatis debetur. In hoc habitat omnis plenitudo diuinitatis corporaliter, in quo estis completi, Col. ii. ex hac plenitudine huius, qui plenus est gratia & ueritate, uos omnes accipitis, neque est aliquis sanctus aut fuit unquam qui inde non accepit gratiam pro gratia Ioh. i.

Quia

CAPVT MATTH.

Quia lex per Mosen data est, sed illud ipsum nihil est ad hoc, ij. Cor. ij. Gratia autem & ueritas per Iesum Christum facta est.

Hec est concio Patris de filio esse in celis in terras delata, qua & regem nobis declarat, & aeternum sacerdotem, id est, mediatorem & propiciatorem pronunciat siue consecrat. Hec est uocatio Christi, ut iam in carne nostra incipiat reuelare mundo, qd ipse sit unicu Doctor, quem audiamus, non doctrinas hominum uel demoniorum, quemadmodum & Pater in monte Thabor addidit. Hunc audite, ut ipse unus sit salus & redemptio mundi. Sapientia, iusticia, sanctificatio & redemptio nostra i. Cor. i. quemadmodum de hac uocatione ex ij. Psal. Dixit epist. ad Ebr. cap. v. Nemo (inquit) sibi ipsi usurpat honore, sed quod uocatur etiam a Deo tanquam Aaron. Ita & Christus non semetipsum glorificauit, ut fieret Pontifex, sed is quod dixerat illi. Filius meus es tu, ego hodie genui te. Et alibi dicit, Tu es sacerdos in aeternum, secundum ordinem Melahizedec.

P ij

Item

ENARRARIO IN III.

Item huic baptismo adest & hic reuelatur tota trinitas, mysterium scilicet omnibus hominibus incognitum, quod soli credentes norunt, & fatentur, Pater apparuit in uoce, Filius in nostra carne, Spiritus sanctus in columbe non substantia sed specie, qui in die Pentecostes apparuit in igne. Quis hic dubitat angelos adsuisse Domino obsequentes, & hanc gratiam mundo oblaram cum gudio admirantes?

Hæc omnia & in nostro baptismo a Christo nobis consecrato, instituto & mandato aguntur. Dum enim baptizamur in Christum, cœlum, quod per legem clausum erat, nobis aperitur. Pater pronunciat nos esse filios Dei propter Christum in quem baptizamur, & spiritus sanctus nos regenerat in spem uiuam & orandi fiduciam, & præterea in nouam uitam. Hic angelii adsunt qui semper, ut Christus ait, uident faciem Patris coelestis, cupientes, quemadmodum Petrus dicit, respicere in ea quæ nobis per Christum dantur,

CAPVT MATTH.

dantur, quibus & gaudium est, secundum uerbum Christi, in cœlo super uno peccatore pœnitentiam agente.

Non uana dicimus nec sine Dei uerbo, ne dicas, Hec Christo facta sunt non nobis sicut. Nam & in nostro baptismo tota trinitas est in reuelatione uerbi. Quod enim illic externa reuersatio est. Hic uerbum est de præsentia diuinæ trinitatis. Siquidem baptizamur institutione & mandato Christi, in nomine Patris & Filii, & Spiritus sancti, quem baptismum confitemur dicentes. Credo in Deum patrem, in Deum filium pro nobis passum, & in Deum spiritum, ex qua fide, non ex Papisticis & alijs observationibus, nascitur & surgit sancta Ecclesia catholica, & Sanctorum communio, ibi est peccatorum remissio, non per aliud, sed solum per Iesum Christum pro nobis sub Pontio Pilato passum, ibi est carnis resurrectio ad uitam æternam, atq; hoc usq; efficax est noster baptismus. Utinam non aliò abducerent

P iii homines

ENARRATIO IN III.

homines doctrinæ dæmoniorum apud
Papistas & alios.

Habes itaq; glorioſiſſimam iſ-
augurationem regni Cristi. Imitemur
vero Christi exemplum, quod uides in
Luca, ut baptizati oremus & inuoce-
mus Patrem, Nam ſicut non noſtro
merito ad hanc gratiam peruenimus,
ita neq; noſtris uiribus perſiſtemus aut
recte curabimus quæ noſtræ ſunt uo-
cationis, quam fidem oratione noſtræ
fatemur, liquidem qui orat, alieno uult
eſſe præſidio tutus. Hoc admonet
Christus, dicens, Vigilate & orate ne
intretis in temptationem. Quia ubi
Christianus factus es, item ubi Deus te
uocat ad aliquam functionem, experi-
eris miras temptationes & mille Satanae
artes, ne ſis quod es, ne facias quod iu-
beris, ne proſis tua uocatione alijs, Id
quod hic in capite Christo uides, nam
statim a baptiſmo, ante prædicatio-
nem, rapitur in ſummas temptationes,
&c. Lege reliqua certe egregia in hunc
Matthæi locum, in libello qui continet
ſermoſ

CAPVT MATTH.

ſermones Lutheri de baptiſmo, & quo-
a Philippo & noſtris de baptiſmo feri-
pta ſunt.

MH i opus eſt, &c. His uerbis
Iohannes cedit Christo officium &
omnia, ſeq; licet sanctiſſimus ſit, inter
peccatores computat, confeffus a quo
habeat ut ſit quod eſt, Ego inquit de-
beo a te &c. quemadmodum & Ioh.i.
Ipſe Iohannes Baptiſta dicit, Nos om-
nes (non ſolum alijs, ſed etiam ego) de
plenitudine Chriſti accepimus, &c.
quia Iohannes tantum præcursor erat,
ideo ipſe cedit paulo poſt cum ſua
prædicatione & baptiſmo, Id quod ſe-
quenti capite hic ſic dicitur. Cum au-
diſſet autem Ieſus quod Iohannes tra-
ditus eſſet &c. Sicut reliqua coeli lu-
minaria occultantur nobis, & uel ipſe
Lucifer, appetente ſole &c.

Sic enim deceat noſ, &c. Vide
Scholion Lutheri.

CAP. III.
P. iii. TVne

ENARRATIO IN IIII.

TVnc Iesus subductus, &c.



Baptismate, Christus suum regnum prædicatione Euangeliū aūspicatur, ut ante ex Propheticis scripturis diximus. Primum à spiritu sancto abducitur in desertum ut tentetur à dia bolo, & tentatur non solum post ieiunium quadraginta dierum & noctiū, ut hic scribitur, sed etiam per quadraginta dies, ut scribit Lucas, alijs temptationibus quæ non sunt descriptæ, quæ tamen omnes cōtendunt, ne credat se esse filium Dei aut se esse curæ Deo, ut deficiat à uerbo Dei & à sui uocatione, sub specie tamen uerbi Dei, & tandem relicta fide ad summam deficiat impietatem contemptu Deo, sub nomine tam adorationis siue cultus Dei ex doctrinis dæmoniorum, quemadmodum & semper solet sanctos solicitare.

Ve uideas hic quanta cura & astutia agat Satan, ut impediatur Euangeliū gloriæ

CAPVT MATTH.

gloriæ Dei siue regnum illud cœlorum, ut hic opus sit constanti fide, uerbo & inuocatione, ut ante admonuimus. Utq; simul hic & illud uideas quod de Saluatorē & Pontifice nostro Christo dicit epistola ad Ebr. cap. iiiij. Non habemus Pontificem qui non possit compati infirmitatibus nostris, sed tentatum per omnia, pro similitudine absq; peccato. Accedamus igitur cum fiducia ad thronum gratiæ, &c. quemadmodum & Christus Ioh. xvi. summā coprahendens, & epilogum colligens bene longi sermonis post ultimam cœnam facti. Hæc inquit locutus sum uobis, ut in me pacem habeatis. In mundo pressuram habebitis, sed. Considerite, ego uici mundum. Iubet fidere, quia nobis suas tentationes uicit & superauit, Lege totum caput secundum Iesu Syrach.

Hoc Euangelium in quadragesima sua legunt, propter suum illud ieiunium, sed de ieiunio electio hic non agitur, quod satis ridiculum fuīt apud

P v non

ENARRATIO IN III.

nos ieunium, nulla necessitate, nulla tentatione cogente, nullo Dei præcepto, cum falsa fiducia & diuinatione aliorum &c. de quo saepe alias & a nobis, & a nostris dictum est, ideo non dubitamus ea hic repetenda. Satis enim tracta sunt apud fideles hodie doctrinae demoniorum ex uerbo Dei.

Imo hic agitur de ieunio necessitatis, quia Iesus ductus in desertum esurit, ibi non est cibus nec haberi potest. Sed iudicio rationis ipsi fame morientum est. Et uides angelos accedere & ministrare, quia auxilium humanum longius abest. Item a spiritu sancto eoperductus est, non per traditiones aut aliquam regulam monachalem. Interim Satan sollicitat egenum & derelictum, ut propter afflictionem corporalem, & ut honoratus sit, tranquillus & diues, deficiat a fide & fiducia in Deum. De hoc ieunio loquitur Paulus q. Cor. vi. In multa patientia, in tribulationibus, in necessitatibus, in angustijs, in plagijs, in carcerebus, in seditionibus, in labo-

cibus

CAPVT MATTH.

ribus, in uigilijs, in ieumis &c. Christus hoc ieunium uocat luctum, nimis comprehendens sub nomine ieunij necessarij omnem fidelium egestatem, damna, angustias & corporales afflictiones. Cum enim interrogaretur quare discipuli sui non ieunarent, respondit. Non possunt filii nuptiarum lugere quam diu cum ipsis sponsus est. Veniet autem tempus quando auferetur ab eis sponsus, tunc ieunabunt, ibi lugebunt cum persecutionem sustinuerint pro confessio Euangelio Christi.

Igitur hic potius dicemus de tribus temptationibus, quas Christus uerbo Dei, ut uides, nobis superauit, ut & nos eas ita uincamus. Dicemus uero nunc, quemadmodum pater noster Lutherus concionatus est in comitijs nostrorum Principum & ciuitatum Simalcaldar, anno M. D. xxxvii. non de temptationibus singulorum Christianorum, de quibus lege Postillas, sed de temptationibus clarissimae matris nostrae

ENARRATIO IN IIII.

nostræ sanctæ Ecclesiæ Christi , cui Christus dicit in Iohanne . Si me persecuti sunt , & uos persequeretur . Et consolatur alibi eam . Quod uni , inquit , ex minimis meis fecistis , siue bonum siue malum , mihi fecistis . Ideo ad Saulum dicit . Saul , Saul , quid me persequeris ? Et in Zacharia cap . iiij . dicit . Qui tangit uos , tangit pupillam oculi mei . Ergo adhuc ieunat , id est , patitur & luget Christus in suis membris , nam Satan contra eum in suis membris non quiete- seit . Et certum est tentationes Ecclesie à principio usq; ad finem mundi in his Christi temptationibus proprie esse descriptas .

Primum , tempore martyrium à principio uexata est Ecclesia diabolo , sed (ut ita dicam) humano , per ieunium , id est , corporales necessitates , angustias , afflictiones , persecutions , à Iudeis & gentibus . Hic diabolus nullum uerbum Dei citat aut producit ad fallendum , ut uides , sed manifesta uis & iniuria cognoscitur , iubetur uero à dia-

CAPVT MATTH.

bolo Ecclesia tantum intendere in præsentem necessitatem , & deficere à fide ut bene habeat . Dic , inquit , ut lapides isti panes fiant , nam ut dicas Deo per orationem , hoc nihil est . Hic tandem Deus dedit Constantiū magnum , qui in consolationem Ecclesiæ , in cœlum clamantis , prohibuit persecutio- nem , superato etiā per bellum Licinio imperij consorte , qui acerrimus erat Christianorum persecutor , ut legis in hist . Eccl .

Secundo , post hanc corporalem , sequitur spiritualis tentatio . Videns enim diabolus hac uia non successisse , accedit ut angelus , nempe diabolus angelicus , quasi cum uerbo . Nam ut uides , citat scripturam ut decipiatur . Non est hic ille niger diabolus in homicidis , qui facile cognoscitur , sed spe- ciosus in haereticis , in angelum lucis transformatus . Cœperunt quidem haeretici ante pullulare , per miserum Ebionem , Marcionem , & alios , sed hic regnum obtinet Arthius & alijs res- presi

ENARRATIO IN IIII.

pressi quidem primum, sed per Constantium Imperatorem Constantini filium, ita inualerunt, ut uix duo Episcopi siue pastores in oriente persisterent.

Hie sensit diabolus sic. Ut cuncti multi desierant propter persecutio nem, tamen nihil proficio, crescit Ecclesia, alia ingrediar uia. Vos, inquit, Christiani sustinetis omnia propter uerbum, Bene habet, Ecce uerbum. Sic scriptum est &c. Non sum diabolus ut ille prior, Dueo uos no in locum prophanum, sed in ciuitatem sanctam & supra templum. Sed caueamus, quia non inducit in templum, & falsarius & impostor omittit, eum Psalmum citat, illud. In omnibus ijs tuis, id est, in uocatione tui, ut seducti discamus quasi uerbo sentire contra uerum uerbum, & ut hie dicitur, tentare Deum. Columbarum & passerum non hominum uiae sunt uolare in aere a templo ad terram &c. Hic fuit Ecclesie Deus dedit Imperatores Theodosium, Arcadium

CAPVT MAT TH.

cadium & Honorium, qui defendebat eam contra Arrhianos & Calios. Verum ut in prima tentatione multi negato res manebant in sua infidelitate, ita & hic durabat in multis Arrhiana in Christum blasphemia, donec Mahomet, cum sua secta, hanc haeresin & horribilem blasphemiam amplexus, ex Christo fecerit quod rationi uideatur, usq; in hodiernum diem. Horrendum iudicium Dei.

Tertio & postremo, haclarua per uerbum Dei detecta, & condemnata Arrhiana blasphemia, extremū tentat Satan hisce nouissimis temporibus, & per aliquot iam centenos annos confirmans Antiehrustum & Antichristia num regnum, dicit. Haec omnia tibi dabo, si cadens adoraueris me. Nimirum audax est sumpta autoritate. Nullum hic habet Dei uerbum, non curat scripturam, sicut uides. Tantum hic agit hisce mendacijs. Haec omnia mea sunt, & hac insigni promissione, Tibi dabo, sed cum hac cōditione. Si cadens adoraueris me,

Haec

ENARRATIO IN IIII.

Hæc nunc est dignitas & pax Ecclæ, quam Papistæ iactitant. Hic non est humanus angelicus, sed plane diuinus diabolus, qui uult adorari & extollitur supra Deum, id est, Dei uerbum & cultum, secundum Danielem & Paulum. Statuit inuocare beatam uirginem & sanctos. Hos facit intercessores, Christum negat solum esse iustificatorem, facit uero eum pro mediatore iudicem. Docet confidere humana iusticia, regulis, operibus, indulgentijs, subuertit Euangelium gloriæ magni Dei & usum sacramentorum. Ex remissione peccatorum facit ludibrium, ita ut etiam homo habeat remissionem peccatorum, si sepeliatur in Franciscana cappa, &c. Item contritionem cordis, confessionem oris, satisfactionem operis nostri facit remissionem peccatorum. Vbi hie est Christus & sanguis eius? Quanta est abominatione Missarum &c? Omnia non solum aguntur ut religiosissima contra Dei precepta & Christi Euangelium, sed etiam

CAPVT MATTH.

etiam docentur contra sanctissimæ fideli rationem.

Quomodo diabolus potest hæc omnia? Per hanc suam promissionem ut est in Luca. Tibi dabo potestatem hanc uniuersam & gloriam omnium regnum orbis terræ, quia mihi tradita sunt, & cuicunq; uolo do illam, Tu ergo si adoraueris prouolutus coram me, erunt tua omnia. Id est, Dominus eris Regum & omnium mundi bonorum, mea potestate & autoritate, doce tantum in hypocrisi mendacium relicita fide, sit Deus uenter tibi, sit tibi mammon fiducia tua, sit tibi gloriosissima gloria, Fac decreta, statuta, regulas, cultus Dei contra mandata Dei, contra Euangelium, contra fidem, & mentire hoc esse uerbum Dei & obedientiam Ecclesiæ, Finge hæc esse Ecclesiam, condemnatio verbo & Ecclesia Dei, Conare ut auferas Christo regnum & sacerdotium, tibi uero arroges, ut isto nomine seducas & opprimes Christianos, &c. Ita uere adorabis

Q

me,

ENARRATIO IN IIII.

me licet hoc non uideatur, licet & tu aliam speciem fingas, & ego tibi dabo egregiam mercedem, honores, diuitias, potentiam, super Imperatores & omnem potestatem, præterea opinionem iusticiae & sanctitatis, ita ut uel uilissimus tuus Monachus timeatur a sapientissimis & potentissimis. Quos uolueris suscipere florent, abundant, sancti sint, canonizentur uel in inferis, quos uero condemnaueris, pereant. His munitus munitionibus coles Deum Maosim, id est, munitionum, secundum Danielem, contra omnes munitiones tibi resistentes. Coles autem religiose in auro & argento & lapidibus preciosis, quia ego sum Deus horum, tibi dabo si fueris tibi Deus. Non opus habes uerbo Dei, sed tantum his munitionibus, nisi forte quando uerbo Dei uolueris abutii pro Maosim. Ah, ah, horrendum. Quo cecidimus?

An non hoc est adorare diabolum & cadere a Deo, cum doctrina dæmoniorum

CAPVT MATTH.

dæmoniorum, ut Paulus uocat, pro sanctitate habentur & glorificantur, cum defenduntur doctrina, falso scripturæ, hypocrisi, uii & armis, hoc est, his duabus diaboli operibus mendacio & homicidio, verbum uero Dei corrumptitur, blasphematur, negatur, persecutionem patitur? Nonne hoc est deturbare Deum sede, & ei subrogare diabolum,

Hic postquam Romana bestia fecit sibi obnoxium Carolum Magnum, & in eo successores, Ecclesia nullum Imperatorem habet aut habebit defensorem. Non enim possunt nunc odisse Imperatores aduersarium Ecclesiae Antichristum, sedentem in templo Dei, ut prædictum Paulus, ne alibi eum queras, postquam deuotí eius serui facti sunt, admissi ex gratia ad pedum oscula beatissimorum, quibus haec bestia sape pessimam gratiam reddidit, excommunicans eos & imperio exuens & uita.

Vult uero in hac tentatione ipse
Q. ii Christus,

ENARRATIO IN IIII.

Christus, suo tempore, exurgere pro Ecclesia Imperator, aduersus Antichristi regnum, id est, falsas doctrinas & homicidia, quemadmodum nunc cœpit per Euangelium illum occidere spiritu oris sui. Hanc prophetiam in hac historia tentationis tertiae uides. Nam Christus hic per se repellit Satanam dicens. Abi Satan, &c. id quod in superioribus temptationibus non fecit.

Horrenda hæc sustinuit mater nostra Ecclesia, sed ex hoc Euangelio speramus iam istorum malorū finem. Nam quod Christus diabolo dicit, Abi Satan, iam & Ecclesia sponsa eius, cognito Antichristi regno, dicit per Euangelij prædicationem, & occiditur ouibus Christi, qui audiunt uocem pastoris & sequuntur, ut quam primum aboleatur in totum illustratione adventus eius.

Atq; idem Euangelium, contra falsam adorationem, & falsam seruitutem siue cultum Dei, nunc dicit cum Christo. Dominum Deum adorabis
et illi

CAPVT MATTH.

& illi SOLi seruies. Quemadmodum & Psalmus de Christo dicit. Et adorabunt eum omnes Reges, omnes gentes seruient ei. Adoratur Deus in spiritu & ueritate, quādo fidimus ei secundum Euangelij promissiones, credentes Deum esse Patrem nostrum per filium Christum. Seruimus autem ei, dum quisq; secundum sui uocationem facit, & curat quæ sibi Deus mandauit, non ut iustificetur, sed ad gloriam Dei & commodum aliorum. Hac prædicatione necesse est euanescere Antichristianam doctrinam, & fiduciam in cordibus nostris.

Igitur speramus nunc finem adesse, & angelos accessuros nobis, nosq; angelis in æterno regno, qui & nunc ministrant nobis. Abi ciendum uero in infima tartara regnum tenebrarum cum omni impietate Turcica, Papistica, alia, Amen. Reliqua in Postillis.

CVm audisset Iesus. Hoc est quod supra diximus Iohannem esse
Q in præ

ENARRATIO IN IIII.

præcursorum Christi, secundum eius
verbum. Hic est qui post me uenturus
est. Lucifer præcedit diem & solem, ubi
autem hic oritur, tamen ille adhuc ap-
paret. Sic & Iohannes adhuc prædicat
ex oriente in terris sole iusticiæ. Nam
non statim à tentatione Christi conie-
ctus est Iohannes in carcerem, id quod
etiam Matthæus nō dicit, sed prius indi-
cat Iohannes Christū. Joh. i. Et Christus
facit quedā miracula corā discipulis &
Ierosolymis. Joh. ii. & iii. quemadmodū
manifeste illīc nempe Joh. iii. dicitur.
Nec dū Iohannes erat missus in carcere.

Ideoq; q̄ hic dicitur, Iesus secessit in
Galilæa, credo illam esse secessionē, de
qua Joh. iii. dicitur. Siquidē Iohannes
postremus scribit, quæ alij Euangelistæ
omiserant, qui de primo prædicationis
Christi anno uix aliquid attingūt, nisi
obiter & fere sine ordine, ut nescias
quando factū sit. Ut est illud quod in
hoc capite de quatuor discipulis uoca-
tis dicitur, id quod puto factū antequā
Iohannes uinctus est, si conferas cum

primo

CAPVT MATTH.

Primo ca. Euangeliū Iohan. Matthæus
hoc factū dicit, quando aut̄ factū sit nō
dicit. Quod autē sequitur. Et circum-
ibat totā Galilæa. Quis nō uidet in hi-
storia coherere cum eo qđ precesserat.
Cum audisset autē Iesus q̄ Iohannes
traditus esset &c. Nam post Iohannis
officium hic sol iusticiæ ascendes, diem
quem Iohannes prædicterat, cœpit redi-
dere illustriorem toti mundo.

Incipit uero à Galilæa, secundum
uaticinū Esaïe. Contra calumniatores
dicimus Mattheum recte citare locum
Esaïe, etiam si omittat quedā uerba, ut
illa. Primo tempore alleuiata est, & no-
uissimo aggramata est, Nam nō aliud
uoluit dicere quam quod Esaias, q̄ lux
exorta est populis in tenebris, secundū
illud: Pauperes Euangelizātur. Despe-
ratis, sine opere & merito nostro uenit
Euangeliū glorię Dei, & q̄ illæ terræ
primitu hanc luce magna uiderunt, quæ
olim primum obrutæ sunt externis te-
nebris Assyriorum, & nunc internis
Pharisaicæ & Antichristiane doctrine.

Q. 44

De

ENARRATIO IN IIII.

De externis lege historiam iij. Reg xv. & xvij. Nam Hebræi omnem in fœlicitatem uocant per allegoriam te nebras, ut in Psal. Lux orta est iusto, & rectis corde læticia. Lege reliqua in sermone Lutheri in Esaïæ caput nonum.

Omnes hic nominatiuii pertinent ad uerbum uidit, ut Terra zebulon & Neptalin iuxta uiam maris ultra Iordanem uidit, Galilæa gentium uidit, populus qui sedebat in tenebris, uidit lucem magnam, &c.

EX eo tempore, &c. Incipit à prædicatione Iohannis, ut eam approbet, & nunc clarius prodat, imò exhibeat illud regnum cœlorum, de quo Iohannes prædicarat, quod Christus est agnus Dei qui tollit peccata mundi, de qua prædicatione ante diximus. In Marco dicit Christus. Impletum est tempus, instatq[ue] regnum Dei, pœnitete & credite Euangelio, nimirum sentiēs nunc esse tempus illud inuulgandi Euangelij & regni Messiæ quō respexerant Prophetæ, & in primis hebdo-

madæ

CAPTIV MATTH.

madae Danielis. Longe aliud Messiæ regnum somniant Iudei, sed plane nisi ad hoc.

AMbulans autem &c. Primum discipulos uocat, ut doceat Euangeliō, & miraculis fidem eorum confirmet, ut postea ex eis Apostolos & doctores faciat, quemadmodum infra cap. x. uides, id quod hic eis promittit hisce uerbis, Faciam uos píscatores hominū. Sic & Prophetæ discipulos habuerunt, qui uocantur filii Prophetarum, unde & postea Prophetæ, id est, doctores in populo facti sunt. Non monachi fuerunt, sed commodo tempore mariti facti sunt, & liberos genuerunt, quemadmodum iij. Reg. iii. scribitur. Mulier quædam de uxoribus filiorum Prophetarum clamabat ad Eliseum. Sic enim legendum est ex Hebreis &c. Id quod dicimus contra Phanaticos spiritus, qui uerbum externum & doctrinam contemnunt pre sua spirituositate. Quotquot credunt sunt docti à Deo, a spiritu sancto, sed non sine

Q. v uerbo.

ENARRATIO IN IIII.

uerbo. Alioqui multi uerbum audiūt, sed non credunt, illi non sunt docti à Deo. Sic & perpetuo in Ecclesia docentur per uerbum, qui postea assumuntur ut sint pastores & doctores in Ecclesia. Reliqua in hunc locum uide in Postillis.

ET circumibat &c. Cum uenit ad historiam, id est, prædicacionem & miracula Christi, Matthæus hic simul omnia compræhendens ceu summam & argumentum prædicacionis & miraculorum Christi breuibus comprehendit. Primum ait Christum per totam Galileam prædicasse Euangeliū regni, de quo supra dictum est, Appropinquauit regnum cœlorum, non terrenum quod fingunt Iudæi, non armis, sed prædicatione paratum, ut Psal. viij. Ex ore infantū & lactentium perfecisti laudem, fortitudinem, regnum. Secundo, hoc Euangelium confirmasse curatione omnium morborum & languorum, ut infra cap. xi. Renunciare Iohanni quæ audistis & uidistis.

CAPVT MATTH.

uidistis. Cæci nident &c. Tertio, dispersa fama Euangelij & beneficiorum Christi, accurritæ male affectos & sequetas Christum turbas multas, secundum prophetiam Jacob Patriarchæ. Gene. xl ix. Donec ueniat Silo, cui adhærebunt populi. Per legem autem fugiunt à Deo homines, ut Iudæi circa montem Sina &c. vt uideas hic etiam illud Christi ex Esaia. Pauperes euangelizantur.

FINIS QVARTI
CAPITIS.

AD

AD LECTOREM.

Post hæc lege Lutheri scriptum in quintum, sextum & septimum caput Matthæi, & alias annotationes & Postillas eiusdem uiri in Matthæum, ut non opus sit tibi ultra meis commentariis. Nam faciendorum librorum non est finis, & multa iam scribuntur, quæ ut non mala sint, tamen non necessaria sunt ad intelligendum scripturas, & occupant ita lectionem, ut non uacet ipsi legere sacras scripturas. Nostra autem scripta, eò tendere debent, ut inducant lectorem in penetralia scripturarum, ut lectores postea possint nobis dicere, quod Samaritani dixerunt mulieri Ioh. iiiij. Iam non propter tuam orationem credimus, ipsi enim audiimus (ex sacra scripture & uerbo Dei) & scimus, quod hic est uere Saluator mundi Christus. Verum quia uides in hoc commentariolo, in secundo capite de quatuor Matthæi mirandis curationibus, me lectorem remississe ad ea quæ tractaui in Ieremiæ xxxi. caput, quæ nunc non sunt in omnium manibus, &

AD LECTOREM.

bus, & tamen magis ea à studioso Lectore requiri in secundo capite Matthæi, quam in xxxi. Ieremiæ, curauit studiosius, illa ipsa ex Commentarijs in Ieremiam huc adjici. Sic ait Ieremias:

VOX in excesso &c. Exponit qd' dixerat ante Conuertam luctu eorum in gaudiu. Et primu de duabus tribubus dicit. Nunc quidē luctus & clamor auditur extra Ierusalē, quia p Babylonii exercitum, in Bethleem, & circum quaq; iu omnibus finibus eius, uastantur omnia, Pereunt miseri habitatores & captivi abducuntur in Babylonem, & non remanet ipsi nisi misera facies perpetuae solitudinis. Ibi Rahel plorat filios suos, & non uult consolationem audire de filiis suis, id est, ciuibus, quia de occisis non est spes uitæ, neq; de abductis spes redditus. Interim Ierusalem, & reliquæ munitæ urbes misere trepidant, obsidione adhuc quamdiu licet sustinentes, ut dicitur in fine Regum.

Siquidem uel paulo ante obsidionem uel sub ipsa obsidione uidebant,
Ex alia

COMMENTARIA

& audiebant oppida non munita, inter quae erat Bethleem, & Pagos misere uastari, & populum occidi & abduci, quae erant initia captiuitatis duarum tribuum. Donec & ipsa Ierusalem tertio anno, postquam obsideri cuperat, capta est. Hostes em̄ nō possunt capere urbes munitas, tamē misere ustant oppida adiacentia, quae resistere non possunt, ut Turca fecit prope Viennā, & nūc facit in Hungaria. Non est aliq[uod] pugnet pro nobis, nisi tu Deus noster.

Oportet inquit ista mala & calamitatem præcedere, sed noli plorare Rachel. Filij tui reuertentur post lxx. annos, & complebuntur promissiones Dei & gaudebunt in Domino. Lege quae dicuntur, nempe eadē Michæe iiiij. Rachel erat uxor dilecta Jacob, quae mortua est in itinere quo itur ad epiphram, id est Bethleem, quando pariebat Beniamin, & illuc sepulta est in agro. Ibi tum Jacob erigebat titulū lapidum, & uocatus est ille locus sepulchrū Rachel, usq[ue] ad presentē diem, ut loquitur Historia Gene. xxxv.

Ideoq[ue]

IN IEREMIAM.

Ideoq[ue] Bethleem & omnia confinia eius hic in Ieremiā uocantur Rachel, ut etiam intelligit S. Matthæus, diciturq[ue] lamentari & plorare Rachel, quando lamentantur & plorant homines in Bethleem & in omnibus confiniis eius. Et alluditur hic etiam ad historiam mortis Rachel. Moriebatur quidem magno dolore, ob quod suum filium uocauit Benomi, id est, filium doloris. Sed obstetrix dixit: Noli timere, quia & hunc habebis filium, & pater Jacob uocauit eum Beniamin, i.e. filium dexteræ. Quemadmodū hic Propheta ad Rachel pacientem .i. illam terram, & per eam ad omnem populum, qui passurus erat, dicit. Quiescat uox a pectoratu, quia erit merces operi tuo, & filij tui reuertentur, qui dicitur filius doloris, erit filius dextræ.

Ex Beniamin uenit tribus, quae dedit primum regem Saul, & postea cum tribu Iuda, contra decem tribus deficientes a posteritate Dauidis, maneat Beniamin in regno Dauidis, quod deinde dictum est regnum Iuda a tria b[us] regia.

COMMENTARIA

bu regia. Tandem dedit nobis maximum illum Apostolum Paulum , hic primum matri suæ id est, Ecclesiæ fuit filius doloris , i. Timoth. i. Sed Pater Deus fecit eum filium dextræ , secundum prophetiam Iacob . Beniamin mane lupus rapax.

Præterea non mirum etiam quod Rachel plorare dicitur, quando plorat tribus Iuda, in cuius agris, sepulta iacet & tribus Beniamin, quem Beniamin pepererat illa moriens. Hic nunc in sua posteritate uere erat Ben Oni, id est filius doloris. Quid ni etiā fleuerit Rachel quando ante centum annos abducebatur posteritas Ioseph primo geniti eius ex terra Israel , quæ terra etiā sæpe terra Ioseph nominatur &c. Vides quam multos fleuerit ista bona Rachel, quos hic spiritus consolatur. Sed hic mihi proprie uidetur Prophetæ respicere in terram sepulturæ eius, & in filium illum doloris, quem ibi ipsa pepererat , Quemadmodum etiam Matthæus Rachelem interpretatur.

Si autem

IN IEREMIAM.

Si autem queris quare hoc loco Propheta uoluerit speciatim meminisse Bethleem. Respondeo, Bethlehem quamvis in speciem despectum oppidum esset, tamen hanc gloriam habebat, qd olim dedit illum dilectum Deo Dauidem regem, cuius regnum prædicebatur à Prophetis fore aeternum, id quod in Christo completum est . Deinde secundum prophetiā Michææ expectabatur Christus ex Iudæis in Bethlehem nasciturus. Nonne hæc maxima gloria erat, huius alioqui despiciendi oppidi, præ alijs urbibus, & præ ipsa Ierusalem, &c? Quemadmodum & Michæas dicit , Paruula quidem ea Bethlehem, Sed dux Israel de te egreditur, vnde non uerba Prophetæ, sed istam eius sententiam securitus Matthæus dixit. Bethlehem nō es minima, licet paruula sis in speciem. Quare nō minim? Quia ex te exiit Dux Israel, quem admodum Prophetæ prædixit.

Itaq; omnes Iudæi suum Messianum gloriam totius mundi & salutem ex

R Bethlehem

COMMENTARIA.

Bethleem expectabant. Quemadmo-
dum etiam sacerdotes Herodi postea
responderunt.

Nunc uero hæc spes cum omni-
bus Dei promissis uidetur perisse, per-
dita Bethleem, & populo partim occi-
so partim abducto. Vbi nunc aiunt est
Bethleem, in qua Christus nascatur.
Abeunt Iudæi & pereunt, ex quibus
nascatur Christus, Propter peccata
nostra perierunt Dei promissiones,
Sic enim sentit infidelitas in afflictione.
Consolatur ergo Propheta dicens,
promissiones Dei perire non posse,
Nam reuertentur in Bethleem, &
Bethleem reædificabitur, & nascetur
ibi Christus secundum Dei promissi-
onem & Israel accipiet consolationem
& gloriam æternam.

Quid autem dicemus de citatione
Matthæi qui hunc locum citat de par-
uulis ab Herode occisis in Bethleem,
& in omnibus finibus eius? Facilis est
responsio, si quis nō uelit calumniari.
Mattheus dicit. Tunc pfectū est quod
dictum

IN IEREMIAM.

dictum fuerat ab Ieremias Propheta,
cum ait: Vox in rama, id est in excelsis
audita est &c. Non negat Matthæus
etiam antea hoc esse factum, quemad-
modum diximus, sed dicit tunc etiam
esse factum, quod Ieremias dicit, quando
Bethleemici pueri occidebantur,
quasi diceret. Hic rursus factum est,
quod olim prædicebat Ieremias. Hic
rursus Rachel plorat filios suos in
Bethleem, & in omnibus finibus eius,
Oritur ingens clamor & lamentatio
patrum & matrum in Bethleem, & in
agris eius circumquaç propter ins-
terfectos filios. Cur non idem ita ci-
taret Matthæus quando uidet rursus
factum esse quod olim sentetiam pro-
phetiam Ieremias siebat, & quando
cum uerbis Prophetæ consentiunt lo-
cus & factum? Quasi uero non des-
beamus citare Psalmos de nostra mis-
seria, tentationibus & salute, qui sœpe
habet aliam historiam.

Debebatur quidem oppido Beth-
leem hæc in pueris poena, quia impia
R. n illuc

COMMENTARIA

illuc & inhume negabatur locus in diuersorio Mariæ puellæ Christum in nocte & in media bruina pariēti, & paſtorib, de nato Messia illuc ex angelorū reuelatione, ut Lucas scribit numciantibus, & gentilibus Magis, ut Mathæus scribit, ad adorandū eō aſcurrentibus, ipſi habitatores ſuum Mefiam non queſierunt, quibus Herodes iſto danno dato teſtatur Mefiam illuc eſſe na- tum, propter quē paruulos occidebat.

Sed conſolatio rurſum ad affli- ctos attinet. Quiescat uox à ploratu. Filij tui pro Christo occiſi ſunt, illi be- ne habent, & reuertentur in reſurrecti- one nouissima.

Reliqui autem filij tui ô Rachel, id eſt, habitatores qui abducti ſunt, no- loci quidem mutatione, ſed infidelita- te à Deo, reuertentur ex regno Satane, prædicante Euangelium Christo & Apoſtolis &c., quemadmodum de reductione ſpirituali diximus, & in hoc capite ſimul compræhendimus & corporalia, & illa per Christum æterna
benedictia

IN IEREMIAM.

benedictia populo, poſt captiuitatem babylonicam exhibita. Atq; hic cera- tissima potuit dare conſolatio, Nolt plorare, nam Christus natus eſt propter quem occiduntur pueri, Hic eſt no- ſolum tuorū filiorum uiuificator, ſed etiam omnium ſecundum prædicta Prophetarum.

Inmo poſtea per Euangelium con- uerti gaudebant etiā de occiſis pueris, gratulat̄ eis hanc gloriā, & contigerit eis mori pro Christo antequā cofiteri, & dicebant de Christo, Hic eſt quem Herodes metuens occidit paruulos noſtros, tibi unum, mihi duos, alijs plu- res à bimatu & infra. O felices paruu- los, ſoſlices & nos, quibus nunc uixiſſe contingit &c. Haec erat illis conſolatio poſt afflictionē & horrendam lamen- tationem præcedentem.

Quia uero ſecundum caput Mat- thæi admirandis citationibus eſt re- pletum, & inde impius Porphyrius & alij olim calunniabantur Euangelistæ inſcritiam, hic accepta occaſione de illis

R. in ciationis

COMMENTARIA

citationibus dicamus. Posset uideri quod in eo capite quædam sint ab alijs adiecta, qui ad omnes pueritiae Christi historias uoluerunt adiungere aliquam prophetiam. Sed hoc dicere non est satis, quando Ecclesia Christi, quod sciamus, semper ita integrum habuit Matthæi Euangeliū, & nunquam ausa fuit aliquid immutare. Pris quoque semper quæsierunt quod in his locis pie & commode dicerent, nihil morati impiorum calumnias.

Primum citasse Pontifices & Scribas dicit Matthæus. Et tu Bethleem terra Iuda &c. qui locus quidem ex Michæa necessario in Christum respicit, sed uidentur dissonare uerba. Propheta dicit, Paruula es. Matthæus recitat, Nequaquam minima es &c. Verum hie tantum nodus in scirpo queritur, ut paulo ante indicauimus de his uerbis.

Secundo citat Matthæus illud. Ex Aegypto uocauit filium meum. quod Osee xi. legitur, de populo Israel dictum, qui uocatur primogenitus, id est,

IN IEREMIAM.

est, dilectus filius Dei, Exod. iij. Filius meus primogenitus Israel. Quomodo ergo hoc etiam conuenit pueru Iesu ex Aegypto reuocato? Respondeo ut ante. Non negat Matthæus illud antea factum, sed nunc etiam factum dicit. Non ponuit illa scriptura perfecte esse implata, si Deus filium Israele uocasset ex Aegypto, & filium Iesum inde non uocasset, quando hic est uerus & naturalis filius, ille tantum propter hunc filius, sicut omnes credentes propter Christum sunt filii Dei. Christus est primogenitus in multis fratribus. Sicut Paras, ut legitur in Genesi, necessitate coacti ingressi sunt Aegyptum, sed uante Deo inde reducti sunt in terram Canaan, quia haec & non Aegyptus erat eis a Deo promissa. Ita Christus puer sauitiam Herodis declinans, abductus est in Aegyptum, sed a Deo reuocatus est ad terram patrum quia non Aegyptijs, sed Iudeis misitus erat corporali præsentia, ut ibi mysteria nostræ salutis in carne sua perficeret.

R. 47

Si

COMMENTARIA

Si ergo tunc Deus dicitur ex Aegypto uocasse filium suum, quando inde uocauit per Mosen populum Israel, multo magis nunc uerum est, quando per angelum reuocat ex Aegypto in terram Canaan Iesum filium sibi coæternum, sine quo nemo est filius Dei, sine quo omnia nihil sunt. Vides itaque non male hoc citatum à Mathæo, qui scripsit Euangelium Christi non calumniatoribus sed Christianis, quib[us] dicit. Hic multo uerius uocatus est ex Aegypto filius Dei quam olim, non tamen interim illud esse factum negat quando hoc afferit, sed potius iam profectum esse dicit, quando aliis quam Israel Dei filius ex Aegypto uocatus est. Hic est unigenitus Dei filius. Hic est uere Israel, de quo Esaïæ xl ix. Seruitus meus es tu Israel &c. Dedi te in lucem gentium, ut sis salus mea usque ad extreum terræ.

Tertio citat Matthæus. Vox in rama &c. quod satis ante tractauimus.

Quarto citat illud. Nazareus uocabitur

IN IEREMIAM.

uocabitur, & dicit hoc dictum esse per Prophetas. Certum est quod Matthæus non aspicerit hic in uocabulum Neser uel Netser, i.e. flos uel ramuscarius, ut huc solemus citare locū Ela. xi. Et flos de radice &c. Non enim flos à populis appellatus est Christus secundum Prophetas quos citat Matthæus, sed respexit in uocabulo Nazir id est, separatus, consecratus, uel sanctificatus scilicet Domino, id quo germanis ce dicimus, gevveiet, nisi per abusum nunc hoc uocabulo tantum respiceremus in cappas & blattas &c. & calices consecratos &c. Nam quando Nazareth in hebræa Biblia non inuenitur, unde de literis & syllabis iudicare licet, æquum est Matthæum intelligere huic respexisse, astipulantibus etiam ipsæ dicam.

Notum est ex Lege Num. vi. qui sint Nazarei appellati tempore consecrationis suæ, donec perficerent suum uotum. Samson autem ab utero matris usque ad mortem fit Nazareus, mædato

R v

Dei

COMMENTARIA

Dei per angelum ad matrem misso, ut legis Iudi. xij. vnde & ipsa mater iubetur abstinere a sicera & iuno & iunundis, ne uel in utero contaminetur foetus contra legem Nazariorum, id est, separatorum uel segregatorum, siue sanctificatorum Domino. Talis erat & Iohannes Baptista prædicante angelio, Vinum & siceram non bibet, sed hic non solum Nazir uel Nazareus erat ab utero matris, sed etiam ab utero matris repletus spiritu sancto &c. De quo Christus pronunciat, Inter natos mulierum non surrexit maior Iohanne Baptista.

Si itaq; hic non in uocem, id est, literas & syllabas respicimus, sed in s^ulud quod significatur, id est, separationem uel consecrationem, uel sanctificationem, qua aliquid segregatum est, consecratum Domino, quemadmodū Nazarei Domino consecrabantur. Nihil mirum quod dicitur de Christo quod sanctus & Domino consecratus dicitur in Prophetis, licet non Nazir,

sed

IN IEREMIAM.

sed Cados, id est, sanctus uel alio uocabulo sanctus pronuncietur, siquidem Dei filius & uerus Deus est, quem Esa. cap. x. uocat Sanctum Israelis. Et David dicit, Psallam tibi in cithara Sancto Israel. In Christū respexit lex primo genitorum quae dicit, Omne masculinum adaperiens uiliuam sanctum Domino uocabitur, ut citat Lucas ex Exod. xxxiiij. Vide legem de primo genitī Domīno sanctificatis & separatis, Exo. xij.

Sed quid opus est multis? Daniel ix. cap. uocat Christum Sanctum sanctorum qui est sanctificatio nostra, i. Cor. i. Illud semen Abrae, quo benedicentur omnes cognationes terrae, qui non solum est primogenitus in multis fratribus, Rom. viij. sed etiam, siue in diuinitatem, siue in humanitatem eius respicias, primas tenens in omnibus, Col. i. Hanc appellationem sanctitatis habet Christus in celo & in terra. Cui & canimus. Quoniam tu solus sanctus. Et Ieremias xxij. prædictitur.

Ex hoc

COMMETARIA

Et hoc est nomen quod uocabūt eum
Dominus iustificator noster. Et ange-
lus dicit ad Mariam, Et quod nascetur
ex te sanctum, uocabūtur filius Dei.

Verum quando Matthæus à
Nazareth facit Nazareus sicut & Io-
hannes in titulo crucis Christi, & dicit
Nazareum appellandum, nideatur pro
prie primum respexisse in uerba ange-
li Iudicum xij. dicentis de Samsone.
Nazareus Dei erit ab infantia sua, &
ex matris utero, & ipse incipiet libera-
re Israel de manu Palestinianorum. Ut ita
Samson sit figura Christi, sancti &
sanctificatoris & liberatoris populi sui
Ipse enim (ait angelus apud Matthæu)
saluum faciet populum suum à pecca-
tis suis. Hic est sol iusticie & sanitatis
est in penitus eius Mala. vlt. Nam &
Samson apud Hebraeos à sole nomen
habet. Sic hic Samson Christus est
Nazareus Dei non legis, ut apud Io-
hannem agnus Paschalis. Os inquit
non comminetis ex eo. Ex Exo. xij.
Pascha enim nostrum immolatus est
Christus

IN IEREMIAM.

Christus. i. Cor. v. Vtq; ita significes-
tur in Christo omnem quam Lex ius-
bebat sanctitatem esse impletam, atq;
adeo illum esse iusticiam & sanctifica-
tionem nostri, qui semetipsum patri,
pro nobis sanctificauit siue obtulit in
odorem suavitatis. Quicquid lege ius-
betur exhiberi Deo, ut sacrificia, expia-
tiones, oblationes, uota, nazareitates,
hoc totum Christus est, sacrificium &
oblatio pro peccatis & mundatio san-
ctificatioq; pro nobis.

Lex faciebat Nazaraeos legalib.
observacionibus ad aliquod tempus.
Samsoni autē præcipitur à Deo ut sit
Nazareus ab utero matris per omno
tempus. Iohannes Baptista uero præ-
terea repletur in utero matris spiritu
sancto. Sed hi in peccatis cocipiuntur.
Christus autē omnis nazareitatis per-
sector, concipitur ex spiritu S. nascitur
ex uirgine filius Dei, sanctus sanctorū,
Nazareus, nazaraeorum, agnus sine
macula segregatus à grege, Exo. xij. i.
Cor. v. qui tollit peccata mundi. Ioh. i.
segregatus

COMMENTARIA

segregatus à peccatoribus & excelsior
cœlis factus, Ebr. vii.

Sed ait, Si Euangelista in illum
locum Iudicum xij. respexisse uidetur,
qui conuenit quod dicit hoc esse dictum
per Prophetas? Respondeo, Si uel in
illum unum locum respexisset, tamen
non male conueniebat dicere hoc esse
dictum per Prophetas. Nam post Mo-
sis libros, quos legem uocant, Hebrei,
libros Iosuæ, Iudicum, Ruth Samuelæ,
id est, duos priores libros regum, &
Malachim, id est, duos posteriores re-
gum appellat Prophetas priores, quos
autem nos in Bibliis uocamus Proph-
etas, illi uocant Prophetas posteriores.
Si quid ergo semel in horum uno ali-
quo libro dicitur, hoc dicitur esse scri-
ptum in Prophetis.

Rursum ait. Quare ergo Mat-
theus mutauit uerba illius loci Iudicij
xij. Vbi dicitur Nazareus Dei erit,
ipse autem dicit Nazareus uocabitur?
Respondeo, Primum non morantur
Apostoli uerba quando reddunt no-
bis sensu

IN IEREMIAM.

bis sententiam scripturæ. Deinde uel
detur etiâ magno consilio hoc fecisse,
nempe ut admoneat nos omnium que
supra ex scripturis siue Prophetis dixi-
mus de consecratione & sanctificatio-
ne Christi, q̄ non solum talis futurus
est, sed etiam talis ab hominibus agno-
scendus & prædicandus siue confite-
ndus. Non enim erit solum, sed prædi-
cabunt & confitebūt eum consecra-
tum & sanctificatum Domino & segre-
gatum à peccatoribus, qui ipse peccatum
non fecit, nec inuentus est dolus in ore
eius. Vocabunt inquam siue confite-
buntur eum quisq; sua lingua esse con-
secratum Domino, quemadmodum
Prophetæ istam confessionem Christi
in terris apud homines futuram præ-
dicunt. Aiant enim, Vocabunt eum,
Dominus iustificator noster, Et uoca-
bitur nomen eius Emanuel, post quos
angelus Gabriel dicit Hic erit magnus
(scilicet apud homines, qui magnus est
ab eterno) & filius altissimi uocabitur.
Spiritus sanctus superueniet in te, &
virtus

COMMENTARIA

uirtus altissimi obumbrabit tibi. Ideo
quæ & quod nascetur ex te sanctum,
uocabitur filius Dei. Quemadmodum
& Christus Ioh. v. prædicit. Ut omnes
honorificant Filium sicut honorificant
& Patrem.

Atq; hic uides, cum de re & non
de uocabulo agimus, ut ante dictum,
quam late pateat ista citatio Nazareus
uocabitur. Respicit enim in Legem &
Prophetas q; in Christo nō solum om-
nis sanctificatio impletur, sed etiam q;
talis uocabitur siue prædicabitnr, vt ui-
deas non frustra dixisse Matthæum.
Quod dictum est per Prophetas, dum
admonere nos uoluit omniū ferè scri-
pturarum quæ sunt de Christo. Non
enim mihi prodesset eius sanctificatio,
uel q; ipse est agnus Dei segregatus à
peccatoribus uere & sine lege Nazar-
æus, nisi etiam talis uocaretur. i. audí-
rem per prædicationem, crederem &
cum fidelibus confiterer & prædicare.

Hæc dixi de re huius uocabuli
Nazir, quam quisq; in mundo fidelis
sua

IN MATTH.

sua lingua exprimit de Christo in salu-
tem suam, & gloriam Dei patris.

Apud suos uero Hebræos Christus
erat Hebræa lingua Nazareus
uocandus, ut hic ex scriptura uult
Matthæus. Id quod non potuit fieri
secundum legem nec debuit, quando
Christi sanctificatio & iustitia siue
Nazareitas non est legis. Nemo enim
uidit eum obseruare legem Nazareo-
rum, ne ex uita Christi faceremus no-
bis regulas monachales contra Chri-
stum & Euangeliū eius, siue iusticiā
fidei. Siquidē bibebat uinum, de quo
& Pharisæi accusari eum, quasi nō ita
sanctum ut à uulgo prædicatur. Nam
si talis esset, non biberet uinum, vt uel
ex hoc uideas quam magnam speciem
sanctitatis tūc habuerit obseruata lex
Dei, quæ erat de Nazareis.

Permitit Christus hanc speciem
sanctitatis alijs, dedit & sanctissimo
Iohanni hanc speciem coram homini-
bus supra modum humanum, cui non
dederat signa & miracula facere, ut
S uire

COMMENTARIA

uiro probata & sanctissima & admisanda uita, de Christo testimoniu[m] f[ac]tenti crederetur a populo legis, qui talem speciem mirabatur, ut simul non haberent excusationem qui tali uiro, quem sanctissimum iudicabant & Messiam esse suspicabantur, non credebant, quemadmodum Ioh. i. dicitur. Hic uenit ut testimonium perhiberet de lumine. Christus autem non opus habebat tali specie, qui prodigijs & miraculis potuit ostendere quis esset &c.

Quando itaq[ue] non potuit ab Hebreis siue Iudeis secundum legem Nazaræorum, quam non seruabat Nazir uocari, id est, sanctificatus siue consecratus, cum tamen ipse unus esset in quem omnis sanctificatio legis respiceret, quæ corā Deo sanctificare nō potuit, quia hæc gloria soli debetur Christo, uocatus est a patria, nomine gentili Nozri .i. Nazareus siue Nazarenus, eodem plane significato, id est, sanctificatus siue consecratus quando cūdē scribitur literis per zain ut scribi debet.

IN MATTH.

debet nō per sadick. Atq[ue] ita Christus apud homines liceat alia ratione fortis est nomē ut uocaretur illud quod ipse uer[us] erat corā Deo, & quod postea totus mundus de ipso confessurus erat, ut supra satis diximus.

Hoc nomine uoluerunt Scribæ & Pharisei suspectū eum reddere, quasi non esset Christus, quia ex Nazareth &nō ex Bethleem, ut aiebant, uenisset. Ioh. viij. & viij. sed Christus libenter agnoscebat hoc nomen, & populus uocabat eum Prophetam a Nazareth, quod interpretatur separatio vel sanctificatio. Et Pilatus græcis literis, hebreis & latinis hanc appellationem affixit cruci saluatoris, nō dubium quin uoluntate & consilio Dei, Nec erubescunt apostoli de hoc nomine quando accepto spiritu sancto prædicant apud Iudeos Euangeliū. Sic enim ait Petrus Acto. iiij. Iesum Nazarenū uirum &c. Et Acto. iiij. Per nomen Iesu Christi Naxareni, quæ uos crucifixisti, quem Deus suscitauit a mortuis, iste astas

S ñ coram

COMMENTARIA.

coram uobis sanus. Et coram gentib.
Acto. x. Iesum à Nazareth &c. Et
Acto. xxij. Paulus narrat Christū iam
glorificatū dixisse, Ego sum Iesus ille
Nazarenus quem tu persequeris. Et
Acto. xxvi. dicit, Ego quidem existi-
mabam me aduersum nomen Iesu
Nazareni multa repugnando facturū
&c. vnde etiam tunc Nazareni siue
Nazarei Christiani dicti sunt, sed per
contemptū, quasi stulti essent qui cre-
derent illum esse Messiam qui ex Na-
zareth ortus esset, & nō ex Bethleem
ut dicebatur, quemadmodū nunc per
contemptum uocamus Lutherani, sed
ut tunc Christiani, ita & nunc libenter
ferimus talia nomina, de causa, unde
nobis proueniunt gaudentes, tantum
abest ut hoc iniquo feramus animo,
donec & blasphematoribus illucescat
ueritas, ut Paulo, aut iudiciū eis meri-
tum cōtingat, ut multis alijs. Sic enim
habes de contemptis Nazarenis. Act.
xxiiij. Nacti sumus virum hunc pesti-
ferum Paulum & concitante seditione
omnibus

IN MATTH.

omnibus Iudeis in uniuerso orbe, au-
thorem sectae Nazarenorum. Videtur
& ipse Paulus hoc nomen libenter a-
gnouisse cum ait Rom. i. Segregatu-
in Euangelium Dei. Et Gal. i. Qui m:
segregauit ab utero matris meæ, &c.

Hæc omnia dixi nihil moratus
los qui in titulo crucis scribunt Nozri
per Sadick, nam hic est mira inconsan-
tia scriptorum, siquidem alij scribunt
nozri per zain, ut scribi deberet, quem
admodū per zain scriptū est in anno-
tationibus Erasmi in Euangelio Luce
quæ excusæ sunt Basileæ, Arno Dñi
M.D.xxij. Putant enim Hebraice huc
titulu scribentes nihil referre per Sadick
siue per Zain Nozri scribitur, modo
eadē maneat uox, sed male meo quidē
iudicio, si prædicta aliquid apud nos
esse debent. Curant tantū ut uoce re-
ferant, & nihil referre putant quo hæc
uox respiciat. Pagninus contendit in
nouo testamento ubiq; scribendū Na-
zareth & Nazareus uel Nazarenus
per S, non per Z. Quare? Quia legit
8 ij Roma

COMMENTARIA

Romæ in titulo crucis. Nosri per Sadis scriptum, quò omnia credunt ex Ierusalim translata, etiam hunc titulum, quasi uero talibus uel erroribus uel mendacijs nō scateat Roma. Euangeliſte uero semper per z. scribunt, id qđ confirmat omnia quæ diximus. Lege Sholion Lutheri Leuit. xxi.

Verum ut tandem finiamus, audiamus uel ipsum Christum de sua Nazareitate dicentem Ioh. x. Si illos dixit Deos ad quos sermo Dei factus est, & non potest folui scripture, quem Pater sanctificauit, & misit in mundū, Vos dicitis blasphemare, qđ dixi, Filius Dei sum &c. Quem inquit Pater sanctificauit & misit in mundū. Audis nō legis Dei Nazareū uerius quā Samson fuit, & Nazareum à Patre in mundum missum, ut liberet populum suum &c. Vides hic rursum qđ Matthæus hac citatione Nazareus uocabitur, nihil moratus est Lucianicos & calumniatores, sed Christianos utiliter exercere uoluīt, Et ego hic nō calumniatorib, satis facere

IN MATTH.

facere uolui, id quod video fieri non posse, sed potius cum meis Christianis fratrib. occasione huius citatiois ingredi in latissimos scripturæ campos. ad gloriam Christi, ut postquam p̄e dixi, etiam alijs dem occasionem diligenter inuestigandi, quæ de Christo sunt, scripturas. Nam scire debemus qđ prophetiae fidelibus non infidelibus datæ sunt.

EMENDA IN HOC LIBELLO TUO.

- B. iiiij. inuitabatur, fac, imitabantur.
- C. ij. sedere, fac scelere.
- C. v. dicto. Ahiasar, Expunge notam periodi interiectam.
- E. v. missus est, fac, iussus est.
- F. i. auum, fac, anum.
- G. ij. uocantur, fac uocant.
- I. vi. fugientes, fac, fugiens.
- Ibidem, contradixerunt.
- Ibidem. In eo loco dicit, fac, In eo loco non dicit,

Ibidem tamet, fac timet.
K.ij. fratres, fac, fures.
K.vij. Cain, fac, Abel.
M.ij. euertit, fac, euerrit.
N.v. Cum eum, fac, Cum enim.
N.vij. iudicare, fac, indicare.
P.vi. Martyrium, fac, Martyrtim.
P.vij. Hic nō est humanus aut angelus.
Q.vij. ipsi, fac, ibi. (cus.)
Ibidem, Hostes enim, fac, Hostes cum
Ibidem, lapidum, fac lapideum.
Ibidem, Sic distingue. In cuius agris
sepulta iacet, & tribus Benjamin,
subaudi, quando plorat.
R.n. Bethleemitici.
Ibidem, sententiam, fac, secundum.
Ibidem, habet, fac, habent.
R.ij. uiuificator.
In vltimis quaternionibus per errorem scriptum est in titulo. In Ieremias
am, hoc expunge.

VVITTEMBERGAE PER
Iosephum Klug, Anno
M.D.LXIII.



